

T.B.M.M


DDC:
YER: 74-92
YIL:
CLT: 2
KSM:
KOP:
DEM: 74-92

KÜTÜPHANE



(ایکینچی جزء)

مشهور عثمانی سفرلرندن



برنجی قوصووه - نیکبولی - وارنه - فتح قسطنطنیه - چالایران
میدان محاربه‌لری



یازان

مکتب حریبه عسکری تاریخ معلمی ارکان حرب
بیکباشی
احسان



[۱۱ - فروکیسی وارددر]

استانبول

مکتب حریبه مطبعه‌سنده طبع اولنشددر

۱۳۴۱

مشهور عثمانلی سفرلرندن

برنجی قوصووه - نیکبولی - وارنه - فتح قسطنطنیه - چالديران
میدان محاربه لری



۱ - برنجی قوصووه میدان محاربه سی

[۷۹۱ هجری - ۱۳۸۹ میلادی]

اسباب حرب : هجرتك ۲۹۹ (۱۳۰۰ م) سنه سی اسكيشهر
حوالیسندہ اعلان استقلال ایدن عثمانلی تورک لری ، آناطولیده توسیع
حکومت وسطوت ایدہ رک اوتوز سنه کبی بک قیصہ برزمانده مرمره
دکزینه قدر کلوب دایانمش ایدیلر . آناطولی اوودلری بو قهرمان
و جنکار تورکلره دار کلمکه باشلادیقندن اعلان استقلالدن اللی
سکنز سنه صوکره برکیجه وقتی سلیمان پاشا قومانداسنده بولنان
سکسان تورک دلاوی ایکی صانه پینه رک مرمره نی مرورله کلیولی
ساحله جیقمشلر واوراده تصادف ایتدک لری چنی قلعہ نی ضبط
ایتمشلردی . بوصورتله روم ایلی قطعہ سنه آیاق باصان قهرمان تورکلر ،
بک کوچوک فقط منتظم براردو ایله شمال استقامتده فنوحاته وپارلاق
مظفریات احرازینه باشلامشلردی .

اورخان غازی نی استخلاف ایدن برنجی مرادک الک مقدس املی ،
پدرینک آوروپاده آجیش اولدینی فنوحات توسیع ایتک ایدی .

فقط و صرده آناطولیده قره مان بکی علاءالینک تشویق‌بله آنقره‌نی مرکز انخاذایدن آخیلر عثمانلیله تعرضه قیام ایتدکلرندن اولا بونلر اوزرینه حرکت ایدلمش، آنقره قلعه‌سی ضبط و آخیلر تأدیب ایدیلرک آناطولی جهته امنیت استحصال ایدلدکن صوکره روم ایلی فتوحاته باشلانمشدر .

۱۳۶۲ ده ادرنه‌نی ضبط ایدن عثمانلی اردوسی ایکی قوله آیرلدی: بری، لالا شاهین پاشا قومانداسنده مریچ وادیسی بونجه بالقانلر قدر تراکیانک؛ دیکری، غازی اوره‌نوس بک قومانداسنده مستاء استروما، واردانهرلری امتدادنجه آطالردکزی ساحلی ایله ما کدونیا قطعهلرینک استیلاسه مأمور ایدلمش و آرزمانده بک چوق مهم شهر لر فتح اولنمشدی . عثمانلیلرک بالقان ائتکلرینه قدر ایلرلیه رک فابیه‌نی استیلا ایتمسندن اندیشه‌یه دوشن بالقان حکمدارلری، پاپاشنجهی اوربانک ده توصیه سبله اتفاق ایتدیلر. مفق مجاره، صرب، اولاج، بوسنه و ولغار قرالری؛ تورکلری آسیابه آتمق مقصدیله ۳۶۴ ایلک بهارنده صوفیه ده اجتماع ایدن ۶۰,۰۰۰ کشیلک بر اهل صلب اردوسیله ادرنه اوزرینه بورودیلر . بوائساده ادرنه جوارنده آنجق ۱۰,۰۰۰ قدر عثمانلی قوتی بولوندیغندن لالا شاهین پاشا مدافعه‌یه قرار ویرمشدی . بوقوتندن مفرز و حاجی ایل بکی قومانداسنده ۴,۰۰۰ قهرماندن مرکب بر آقینجهی مفرزه‌سی، دشمنی کشف ایچون ایلرلیه مش و ادرنه‌ک شمال غریبه‌سنده کائن چرمن موقعنده دشمن اردوگاهنه تصادف ایتمشدی. دشمنک ذوق و صفا ایله مشغول اوله رق اردوگاهده امنیت ترتیباتی انخاذا ایتمه دیکنی و دشمن اردوسنده انتظام منزلق حکم فرما اولدیغنی کشف ایدن حاجی ایل بکی بووضعیتدن استفاده

فرستی فوت ایتمه مش و مردلر توتهلکجه رغماً بویوک برعزم و شدته کیجه این دشمن اردوگاهنه باصـقین اجرا ایتمش و دشمنی اوبقوده یاقالابه رق پریشان ایلدهدرکه بومظفریتک وقوعه کلدیکی محله [صرب سندی] نامی و برلمشدر . بو غایت بالقان حکومتلرینی تلاشه دوشورمش و عثمانیلرک نامی اعلا یشدر .

حاجی ایل بکنک شایان تحسین شو موفقیتی، لالا شاهین پاشانک حسد و غضبی تحریک ایتدیکندن حاجی ابن بکی زهیرله دی . لالا شاهین پاشا ارتکاب ایتدیکی جنایتک جزاسندن انجق برنجی مراده صهریتی حسدیه قور تولدی . قانلی جنایتلرله دولو عثمانلی نارنجنی تلویث ایدن ایلک منفور شو وقعه پادشاه وامرانک اخلاقه مزانی کوستردیکندن دفته شایاندر .

صرب سندی محاربه سی متعاقب عثمانلی اردوسی اوچ قوله آیرلدی : صاغ قول، تیمور طاشک قومانداسنده قره دکز ساحلی بونجه شمنی و مرکز قولی، لالا شاهین پاشا قومانداسنده نیش استقامتله درده تحریک ایدلدی؛ صول قول، اوره نوس بک قومانداسنده سلانیک اوزربنه خنرخانه دوام ایلدی . آرزمانده روم ایلی ده عثمانلی فتوحاتی توسیع ایدیلرک برطرفدن بالقان داغله قدر روم ایلی شرقی حوالیسی دیکر طرفدن کوملجنه ، سیروز ، بکیجه واردار ، مناستر ایله ماکدونیا حوالیسی استیلا ایدلمشدر . صوفیه ، سلانیک ده صوکره ضبط ایدلمشدر .

لازار ، صربستان قرلی اولور اولماز؛ اکتساب شان و شرف ایچون عثمانیلره تعرضه قیام ایتمش ایسه ده مغلوب ایدیلرک مشهور نیش شهری ده ضبط ایدلمشدر . (۱۳۷۶ م) لازار امضا ایتدیکی

مصلحه نامه موجبجه عثمانيلره سنوی ۱,۰۰۰ آتون ویرکو ویره چک
و سفر وقوغنده عثمانلی اردوسنه ۱,۰۰۰ سوادری کونده ره چک
و کندیسیده عثمانلی تابعیتی آلتنه کیره چکدی :

بوانامه برنجی مرادک الک کوچوک اوغلی ساووجی بک ایله بیزانس
ایمپراطورینک اوغلی آندرونیقوس ، بابالرینک تخنی آلدیه ایتمک
مقصدیله اتفاق ایدیه رک عصیان ایتدکلرندن استانبولک غریبنده اجرا
ایدیلن محاربه ده مغلوباً فرار ایتدکلری دیمتوقده یاقالانش و ساووجی
بک اعدام ایدلمشدر .

ساووجی بکک عصیانی فرصت اتخاذا ایدیه رک قیام و تجاوز ایدن
قره مان بکی علاء الدین اوزرینه کوندریلان اردو قونییه ده مظفر اولمش
و قره مان بکی تأدیپ ایدلمشدی .

عثمانلی حکومتی یکی تشکل ایتدیکی و اوروپا به کچلی بک آز ر
زمان اولدینی حالده شوخارق العاده فتوحاتی و بودوجه توسیع ممالک
ایتمی شرق و غرب کلیسایرینی بررینه یاقلاشدیرمش و بالقان
حکومتلرینی اندیشناک ایتمشدی . بونلردن الک زیاده تلاش و قورقوبه
دوشن صرب قرالی لازار ایدی . باخصوص نیشک سقووی
اوزرینه مجبوراً قبول ایتدیکی مصلحه نامه عزت نفسی جریحه دار
ایتدیکی کبی نفوذینی ده کسر ایتمش ایدی . عثمانیلرک متادی مظفریانی
نتایجندن بک زیاده قورقور و بر آن اول تحکملرندن قورتولمق
ایسته یوردی . تورکلری آوروپادن قوغمق و انتقام آلمق ایچون همجوار
حکومتلره اتفاق عقدندن باشقه چاره بوله میوردی . بناءً علیه بو
مقصدینک استحصالی ایچون کیزلی کیزلی چالیشیوردی .

اوصرمده احوال داخلیه سی مساعد اولمادیغدن مجارلری تحت
اتفاقنه آله مدی ؛ فقط بوسنه قرالی طوارقوايله بولغار قرالی شیان
اتفاق تکلیفی قبول ایتدیلر . حتی بولغار قرالی شیان عثمانیلرله عقد
اتفاق ایتمش و کریمه سی برنجی مراده تزویج ایتمش ایسده انک نهایت
ملککتک تماماً عثمانیلرک تحت استیلاسنه اوغرایه جغندن قورتیور
وصرب، بوشناق، بولغارلردن مرکب بویوک براردونک عثمانیلری
همه حال مغلوب ایده جکفی قطعاً امید ایدیوردی. بو ملاحظه بینه بناء
عثمانیلرله متفق اولمسنه رغماً قرال لازار ایله عثمانیلر عابنه خفیاً اتفاقه
موافقت ایلدی .

صرب، بوشناق، و بولغارلردن مرکب اتفاق مثالتدارکانه باشلادی
صرمده قویه محاربه سنه اشتراک ایدن صرب عسا کرمعاونه سی عودت
ایتشدی . قویه محاربه سی ائناسنده اسلام عائله لرینه تعرض
واها لیک اموالی یغما ایتدکلرندن حقلی اوله رق تجریه ایدیلان بو صرب
عسکرلری ملککتلرینه عودت لرنده، معصومیتلرخی ادا عا عثمانیلرک ظلمندن
آجیقلی صورتده اشتکا ایتدیلر . بو حال صربستانده عثمانیلر علیه نده
برغلیان حصوله کتیردی . لازار تدارکات سفریه سی تسریع واکمال
ایچون بوفرستدن استفاده ایتدی .

عثمانیلر علیه نده صربستانده سفر برک اعلانی خبر آلتیر آلتاز؛ بروسه ده
بر مجلس حرب عقد اولوندی. بو مجلسده متفقین ایله حربه قرار ویربلرک
سفر بلانی نیت ایلدی .

طرفینک قوای حربیه سی : اوزمان دائمی و منظم اردولر
موجود دکلدی . قوصووه محراسنده عثمانیلر ۴۰,۰۰۰ ؛ متفقین

۱۰۰,۰۰۰ موجودند بر اردو طوبایه بیلمشدی . متفقین اردوسی
 كرك عدد و كرك زر هلی تجهيزات اعتباریه عثمانی اردوسنه فائق ایدی؛
 فقط تعلیم و تربیه جه عثمانی اردوسنك دوشنده ایدی . عثمانی اردوسنده
 موجود طوبارك مادتی بر تائیری یوقدی .

طروینك سفر پلانی :

آ — عثمانلیلرك سفر پلانی : تعرضی ایدی . بك فائق اولان
 متفقین اردوسی مغلوب ایده بیلمكن، آنحق تقدم سوق الجیشی بی ائله
 ایتك ايله ممكن اوله جنی دوشونیلدی . بناءً علیه دشمن اردوسی تجمع
 ایتهدن اول حرکات سوق الجیشیه باشلايه بیلمكن ایچون در حال
 استحضارات سفریه به باشلامق و بوبانده اعظمی سرعت کوسترمك واولا
 ایلک تجمع ایده جك ۳۰,۰۰۰ موجودند بر اردویی وزیر اعظم چندرلی
 زاده علی پاشا قومانداسنده بولغارستان حرکانه مأمور ایتك و متباقی
 قوتی فلبه ده اجتماع ایتدیرمك ؛ ثانیاً بولغارستان حرکاتك انكشافه
 نظراً فلبه ده اجتماع ایده جك قوتله یا علی پاشا اردوسی تقویه ایتك
 و یا موفقیتله و ظیفه سنی اکمال ایدر ایتمز علی پاشا اردوسی فلبه ده جاب
 ایتك بوتون قوتله صربستان اوزرینه توجه و متفقین اردوسنه
 تعرض ایتك تحت قاره آادی .

بوقرارك اسباب و وجهه سهكلنجه : اول امرده نقض عهد ایدرك
 عثمانلیلر عاینه اتفاق عقدایدن و صربستانده ملی مخالفه دن مركب بوبوك
 بر اردو تشكیلنه چاایشان صرب قرالی لازاره قارشى بورومك ده موافق
 اوله جنی ظن ایدیلیر سه ده بو حرکانه ملاحظات سوق الجیشیه و احوال جغرافیه
 مانع ایدی؛ چونكه: عثمانی اردوسی بوتون قوتيله اولا صربستان اوزرینه

یورودیکی تقدیرده، صاغ خناحنی بولغار اردوسنه آچیق براقش اوله جنی کبی
عثمانلی اردو-نک غره ایلرله دیکی نسبته بوتلهکه تزايد ایده جک
و خط رجعتک نما مانید ایدلمسی و نهایت قطعنی موجب اوله جقدی .
هم جناح و خط رجعتنی تحت امنیت آله رق نتیجه سی فلاکتی موجب
بوله تهلکلی بر وضیته دوشمه مک و همده متفقین اردو لرینک
برلشمه سنه میدان ویرمه دن سریع بر حرکتله هر برنی آری
آری یا قالا یوب منفرداً مغلوب ایتک مقصودیه اوله بولغارستان
اردوسنی احما ایتک و بولغار تهلکسی ازاله ایتدکن صوکره امین
بر صورتده صربستان اوزرینه یورومک موافق لورولمشدی .

فی الحقیقه بو ملاحظات س-وق الجیشیه و قرار طوغری ایدی . بر
اردونک خصمه تقدم ایدرک سربستی حرکتی آله اتمی ، جناح
و الحاصه خط رجعتنی دایما تحت امنیتده بولدندیرمی و منفرد خصم
اردو لرینک برلشمه سنه میدان ویرمه دن هر برنی فائق قونله و آری
آری مغلوب ایتمی الک مهم قواعد س-وق الجیشیه دند . اولاً بولغار
اردوسنی و بعد صربستانده متفقین اردوسنی منفرداً تهلک خطوط
داخلیه استعمالده انی بر مثالدر .

ب - متفقینک سفر پلانی : متفقین طرفدن اطرافلیجه

دوشونوب تثبیت و تطبیق ایدلمش بر-سفر پلانی موجود دکلدی .
آنحق و-عیب جغرافیه نظر آصربستان مرکزی بروضینه بوندیغدن
متفقین ار-ولری اوله جنوبی صربستانده مرکزی و غربی موراوا
نهرلری آرا-نده طوپلانه جقدی . اتفاقدن مقصد تورکاری آسیایه
آتمق اولدیغنه نظر آمتفقینک سفر پلانی ؛ تعرضی اولمسی و حرکات س-وق-
الجیشیه نک [صوفیه-فلبه-ادرنه] اسقا تنده توجیه ایدلمش بولمسی لازمدی .

علی پاشا اردوسنك بولغارستان حرکاتی : بروسه مجلس
حر بنده حربه قرار ویرلمسی اوزرینه استحضارات سفریه به کرمی
ویرلدی . کوتاهی و قره سی سنجاقلرنده بولسان ییلدیرم
بایزید و یعقوب چایی به ، قسطنونی حاکمی اسفندیار بکه ، کرمان
حاکمی یعقوب بکه ، صاروخان ، منتشاء آیدین ، حمید آباد سنجاقلری
حاکمینه عسکر جمع واحضاری امر اولوندی .

علی پاشا اردوسنك تجهیزات و تدارکات سفریه سی ا کمال ایدیا بیر ایدلر
علی پاشا در حال حرکتله اردوسنی ادرنه ده طوبلادی . علی پاشا
اردوسنی ترا کیدان بولغارستانه کچمک ایچون ، بالقانلری آشوق مجبوریتده
ایدی . [قروکی - ۷] ده اراثة ایدلبیکی اوزره قره دکزدن غربه
ما کدونیا به قدر امتداد ایدن بالقان طاغزری آنحق موجود و محدود
بوغازلردن شماله کچله بیلیردی . مذکور بوغازلر پک عارضه لی ،
امتدادلی اولوب قولاباقله مدافعه به صالح ایدی . علی پاشا صوفیه
ونیش استقامتنه کیدن اک غربده کی صولی در بند ، قابولی دربندن
مروری تهلیکلی کوردی . بوتقدیرده سربستانه یانلاشمش و صول
جناحنی صرب اردوسنه فارشی آچیق راقش اوله جقدی . وسطده کی
کچیدلردن مروری موافق بولمادی ؛ چونکه مذکور کچیدلر بولغارستانک
مقری اولان طرنوویه یقین اولدوغندن عثمانلی تشبثی وقتنده خبر
آله رق بولغارلر طرفندن سدی ممکن و بناء علیه حرکاتک عدم
موفقیته منجر اولمسی بک محتملدی . اشبو ملاحظانه بناء علی پاشا
بالقان طاغلرندن امنیتله و تهلیکه سزجه مرور ایدم بیلیمک و کچید
اشناسنده صرب ویا بولغارلرک تعرضنه معروض قلاماق ایچون

قره دکنزه یاقین شرقده کی کچیدلردن برینی انتخاب ضرور تنده قالمش و چالی قواق کچیدنی ترجیح ایلمشدی . علی پاشا اسلامیه اوزریندن حرکتله چالی قواق کچیدندن بالمرور بولغارستانه داخل اولدی .

علی پاشانک بولغارستانه ، قره دکنزه یاقین شرق منطقه سندن کیرمسندله ایکنجه هم برسبیده وار ایدی . پادشاه بولغارستان حرکانندن اول دو بریجه تانارلریله آکلاشمشدی . عثمانلی اردوسی جنوبدن بولغارستانه داخل اولورکن تانارلرده دو بریجه دن یعنی شماندن بولغارستانه تجاوز ایده جکلردی . شاء علیه علی پاشانک اول امرده شرقی بولغارستانی هدف الحركات اتخذایتمی تانارلرله برآن اول تماس پیدا ایتمی ملاحظه سنه مستند ایدی . کوستنبدیل حاکمی ده بولغارستان حرکانی انشاسنده صربلرک جنوبه صارقه سنه مانع اوله جقدی .

علی پاشا بولغارستانه داخل اولنجه : تیمور طاش پاشا زاده بخشى بك قومانداسنده ۵۰۰۰ کیشینی پراوادی اوزرینه کوندردی . بخشى بك پراوادی نی هجوم جبری ایله ضبط ایتدی . شحی ده دیگر برقوتله محاصره ایدلدى و فقط طرفونونك سقوطندن صوکره تسلیم اولدی . علی پاشا بالذات قرال شیمانک پایتختی و بولغارستانک مستحکم موقعی اولان طرفونو . اوزرینه یورودی . غنائیلرلرک مأموک خلافتده وغایت سریع برحرکتله مظفرانه طرفونو . اوزرینه یورومسی شیمان شاشیرتدی . شیمانک هنوز طوپلایه بیلدیکی قوت آز اولدیغی کی اوئاناده صربستاندن قوای معاونه ورودی مختمل اولمادیغندن شیمان طرفونو وده محاربه نی قبول ایدوب مغلوب اولمقدن ایسه زمان قازانمق مقصدیله نیکبولی موقع مستحکمنه چکیلیمکه واوراده متفق لردن قوای معاونه ورودبسه انتظار ایلمکه قرار ویره رک نیکبولی به رجعت ایتدی .

علی پاشا طرنووه‌نی اشغال و دشمنی تعقیباً اوسمارادیسیله نیکبولی به کلدی . شپان علی باشانک تضییق قارشیسنده و آچلق تأثیریه عمو ایدلبیکی تقدیرده تسلیم اوله جغنی بیلدیردی . اساساً بولغارستان حرکاندن مقصد؛ بوتون بولنارستانی استیلا اولمایوب ، صربستان حرکاتچون بولغار تهاذیکه‌نی اوردنه دن قالدیرمق و بولغار اردوسنک منفقین ایله برلشمه‌سنه مانع اولمق ایدی . بوصورتله سفر پلانک برنجی قسمی موفقیتله نتیجه‌لندیکندن برنجی مراد، شپانک مراحتنی قبول ایندرک سنوی معین ویرکو ویرمک شرطیله بولغارستانله مصلحانه عهده اولندی .

برنجی مراد بولغارستانی ترصد و بیطر فلغنی صورت دائمده تأمین ایتک مقصدیله ضبط اولتان مهم شهرلرده برقم محافظه‌سکر ترکندن صوکره اردوسیله قلمبه‌ده اردو قسم کلبسینه اتحاق ایلسنی علی پاشایه اصر ایلدی .

شهر کوی وقعه‌سی : بوشانده صرب قرالی لازار، بولغارستانک ایتلا ایدلبیکی و قرال شپانک عثمانیلره دخالت ایتدیکنی ، وضعیتک وخامت کسب ایتدیکنی خبر آلمشدی ؛ فقط منفقین اردوسی هنوز اجماع ایدمه‌میشدی . بالخاصه بوشانیلر و ارناوودلر استحضارات سفریه‌ده کچ قالمیشلردی . بوصیبت قارشیسنده لازار ایچون منفق بولغارستانه واسع مقیاسده معاونت امکان ممکن دکلدی ؛ فقط آز چوق کندی قوتیله برشی بائبق ایجاب ایدیوردی . بومقصدله بولغارستان حدودی اوزرنده ونیش ایله صوفیه آراسنده مرکزی بروصیتده اولوب صربستانله بولغارستانک مواصله‌نی تأمینه خادم

وسوق الجیشی بر اہمیتی حائز بولان شهر کونی ضبطہ قرار ویرہ رک
[دہ متریوس] قومانداسندہ ۱۰,۰۰۰ سواری کوندردی.

شہر کونی کبی مہم بر موقعت صربلیلر طرفدن اشغالی خبر آلتیر
آلماز ہم استردادی و ہم دہ متفقین اردوسی حقندہ معلومات استحصالی
مقصدیلہ در حال نیمورطاش پاشا زادہ یخشی بک قومانداسندہ صاربحہ
پاشا و صوباشی آیینہ بک ایلہ ۱۰,۰۰۰ سواری اعزام ایلدی . اشو
مفرزہ شہر کویہ تقریب ایدنبحہ دہ متریوس شہری یاقہرق رحمت
ایتدیکندن یخشی بک شہر کونی استرداد ایلدی و دشمنی تعقیب
ایچون مساعده ایستدی ایسہ دہ برنجی مراد؛ ارفق بر مفرزہ نک دشمن
مملکتکندہ منفرد آہزیمتہ دوچار اولمسی تہلکہ سنہ بناء یخشی بکہ اردویہ
التحاق ایتمنی امر ایلدی .

یخشی بک شہر کویدن عودت ایدرکن متفقین طرفدن کوندربلان
۲۰,۰۰۰ قدر دشمن سواریمی عثمانلیلرک خط رحمتی قطع ایتمک
ایستہ مش و فقط موفق اولہ مامش و یخشی بک مفرزہ سی سالمًا فلہ یہ
عودت ایلشد .

کوک شہر کوی وقعہ سندن و کرک بولقارسنک عاقبتدن متأثر
اولان قرال لازار؛ عثمانلیلری قطعی بر میدان محاربه سندن مغلوب
ایدہ بیلمک ایچون متفقین اردوسنک بر آن اول استحضارات و تجمعات
اکالہ غیرت ایتمککہ برابر قوای معاونہ اعزامی ایچون دہ دیگر
حکومتلرہ مرخصلر کوندرمشدی .

عثمانلی اردوسنک فلہ دن قوصو وہ صحرا سنہ قدر حرکات

سوق الجیشیہ سی : عثمانلی اردوسی فلہ دہ اجتماعی اکال ایتدی

آشاده بك مشهور بر قوماندان اولوب حجبدين عودت ايدن غازي
آورده نوس بكك اردويه انتحاقى ممنونيتى موجب اولمشدى . بهار موسمى
طولاييسيله مريچ نهرينك فيضانى عثمانلى اردوسنك همان حركتنه
مانع اولمش ايسه ده نهر لرك طغيانى زئن اولور اولماز برنجى مراد فلبه ده
اجتماع ايدن ۴۰,۰۰۰ كيشيدن مركب اردو-يله هجرنك ۷۹۱ نجى
سنه-سى ايلك بهارنده غرب استقامتمنده عربستان اوزرينه يورويشه
كچدى [قروكى - ۸] .

عثمانلى اردوسى مريچ ساحلى تعقيباً تانار بازارجنى وكوستنجه
اوزرندن اوچ كونده اهنامه واصل اولدى و اهنامه قالدېنى اوچ
كون ظرفنده تامارلرك سرداى سراچ بك ايله كوستنديل حاكمى
قسطنطين بك كلوب برنجى مراده عرض دخالت ايتديلر . برنجى مراد بوراده
يولار حقنده كنديسنه تابع و صادق بولنان سراچ ايلي بكدن تحقيقاتنده
بولندى . اهتمان اعتباراً بول ايكيه آبريلوردى . شمال غربى
استقامتمنده كى جاده منتظم اولوب [صوفيه - شهر كوى] اوزرندن نيشه
و غرب استقامتمنده كى يول ايسه فنا ، عارضه لى وغير منتظم اولوب
[كوستنديل - وقره طووه] اوزرندن . شتنبه به گيديوردى .

برنجى مراد بر آن اول دشمنه تمس ايتك ايسه ديكنندن عارضه لى و فنا
اولسنه رغمداهاقبسه و امين اولدينى و مركزى وضعينده بولوندينى ايچون
كوستنديل طريقى ترجيح ايلدى ؛ چونكه متفقينك بوجه بالا ايكي
يولدن بشقه [سالانيك - سيروز - كوملبنه] استقامتمدن ايلريله مسوده
محمل اولديغندن عثمانلى اردوسى مركزى وضعينده بولونديره
كوستنديل طريقنك تعقيبى موافق كورولمشدى .

عثمانلى اردوسى باش قوماندانى باللكز دشمنه تقربى دكل

بلکه وضعیتی بوجه آنی محاکمه ایدہ رک الک موافق بر قرار
ویرمک مجبوریتندہ ایدی: متفقین عثمانیلرہ یک فائق بر قوتلہ قوصوہ
محراسندہ اجتماع ایدیوردی . متفقینک مقصدی شہسز تجمعی
اکال ایتدکن صوکرہ عثمانلی اردوسنہ تعرض ایتکدی . بونک
ایچون متفقین اردوسی [نیش - صوفیہ] ویا [پرشتہ - سوسندیل]
یولارندن بریسی تعقیب ایدہ جکری . ہرایی حالہدہ بالقان داغلرینی
اہتان وصماقو جوارلرنده قبولی دربند ، صولی دربنددن مرور
مجبوریتندہ ایدی . بناء علیہ متفقینک اوچدہ بری قدر آاز بر قوتی
اولان عثمانلی اردوسیچون بورادہ الک دوعری حرکت بدایتندہ مذکور
بالقان کچیدلرینی اشغال وسدایدہ رک اہتان حوارندہ مدافعہ دہ قالمقدی .
مذکور کچیدلردہ دشمنہ فضلہ ضایعات ویرلدیکدن صوکرہ وضعیتک
انکشافنہ کورہ حرکات تعرضیہ کچمک الک مناسب بر حرکت اولوردی .
متفقین [سلائیک - سیروز کوملجنہ] طریقہ ایلرلہ دیکی تقدیردہ ایسہ کہ
بوپک ضعیف بر احتمال ایدی - سیروز ویا کوملجنہ حوالیسندہ
اوکلرینی سد ایتک ممکن ایدی .

فقط اقتدار و مظہر یاتنہ مغرور اولان خد وندکار غازی تعرض سوق

الجیشینی اختیار ایدہ رک اردوسی اہتاندن حرکت ایتدیردی . [صوفیہ - نیش]
جادہ سی صاغدہ براقیلدی . صماقو - دوبنیچ اوزرندن اوچ کوندہ
علاء الدین اووہ سنہ [*] واصل اولندی . کندی ممالکی اولدینی ایچون
قسططین بک رہبرلک ایدیوردی . علاء الدین اووہ سندہ ایکی کون
• • • • • بولہ ویرلدی . بورادن بر کوندہ کوسستندیلہ مواصلت ابدلدی .

[*] علاء الدین اووہ سی اورخان قازینک برادری علاء الدین پاشانک بیزانس
ایمپراطوری [قانتا کوزن] ک استمدادی اوزرینہ صربیلر علیہنہ حرکت ایدہ رک
اردوگاہ قوردینی محلد .

قره طووه استقامتده یورویشه دوامله اولو اوردده ایکنجی موله ویرلدی . دشمن حقنده هنوز قطعی بر خبر آله مدیدن غاری آورده نوس بك قرق سواری ایله بورادن اسكوب استقامتده اوزاق كشفه كوندردی . مشارالیه آله ایتدیكى صربلی اسیرلری اردویه كوندردی و بونلرك استجوابدن دشمنك قوصووده اجتماع ایتكده اولدینی آكلاشیلدی . یورویشه دوام ایدن اردو قره طووه به كلدی و بوراده اوزون مدت قالدی .

صرب قریلی لارار متفقین اردوسی قوماندانلریله برچوق مذاكراتدن سوكره متفقین اردوسی غربی مورواوا نهرینك بری طرفه كچیره رك شرقی و غربی مورواوا آراسنده قروشوواج موقعنده اجتماع ایتدیرمشدی . لازار ظاهراً اعلان حربه وسیله اولق و عثمانیلری محاربه به دعوت ایتك ، حقیقنده عثمانلی اردوسنك قوت واحوالی یقیندن تحقیق ایتك ، برنجی مرادك مقصدینی آكلامق اوزره ایکی آلجی كوندردی . آلچیلر قره طووه ده حال استراحتده بولنان عثمانلی اردوسنه ملاقی اولدیلر و صرب قرائلك ویركو اعطاسندن و مقدما قبول ایلدیكى تعهداتدن امتناع ایلدیكنی برنجی مراده بیان ایتدیلر .

برنجی مراد مرخصلره قارشی اردونك انتظام و مكملیتنی كوسترمك و بوضوونله خصمنك معنویاتی قیرمق فكریله بررسم كچیدیا بدردی . رسم كچیدی متعاقب آلچیلر كندی اردولرینك اوج مثلی فضله اولدینغی و یالكنز موجود ۵,۰۰۰ قدر زرهلی عسكرك عثمانلی اردوسنه قارشی كله بیله جكنی سوبله به رك عودت ایتدیلر . برنجی مراد مرخصلرك شو بیاناتی اردوده فنا برتاتیر یا پاماسی ایچون در حال بر مجلس حرب عقد ایتدی . غازی آورده نوس بك ه همان حر كتنه دشمندن اول میدان

محاربه به مواصلت و این بر موضع اشغال ایدلسنی و دشمنك تفوق
حسبيله بدایتده مدافعه ده قالنه رق موضعزه تعرض ایده جك
دشمنك منفرد قوللرینی آری آری اورمق و بوصورتله غلبه چاللق «
مطالعہ سنده بولوندی. دیگر امرای عسکریه بوفکری تصویب
ایتدکلرندن تورکلرک عددجه نقصانیلرینی دشمنه حرکات سوق الجیشیه ده
تقدم ایله تلافی ایتك ایچون همان ایلری حرکتہ قرار ویرلدی .

غازی آورده نوس ایله پاشا یکیت قومانداسنده کی اردو پیشداری
نصف اللیلده قره طووه دن تحه يك ایدلدی و اردو [قومانووه -
ره شووه - پرشته] استقامتده شماله حرکت ایتدی . اوربه لوس
سلسله سنی مرور ایله اووه به اینن اردو ؛ موراوا نهری ساحلنده
اردوگاه قوردی . اردو بوراده آلتی فرقیه تقسیم ایدلدی . برنجی
فرقه ، صدر اعظم علی پاشا ؛ ایکنجی فرقه ، بیلدرم بایزید ؛
اوچنجی فرقه ، آینه بك صوباشی ؛ دردنجی فرقه ، یعقوب چلی ؛
بشنجی فرقه ، صاریجه پاشا ؛ آلتنجی فرقه ، بالذات برنجی مراد طرفدن
سسوق و اداره ایدلك اوزره اتناى لیلده فرق فرق موراوا نهری
کچیلدی و کموش حصاره دوضری عینی ترتیبه یورویشه دوام ایدلدی .
عثمانلی اردوسی پرشته به تقرب ایدرکن غازی آورده نوس بك
باش قوماندانه کلوب دشمن اردوسنك قوصووه اووه سنده بولوندیغنی
ودشمنله تماس حاصل اولدیغنی خبر ویردی . باش قوماندانك امریله
پرشته نك همان شمالنده کی صرتلرده اردوگاه قورولدی . دهاشمالنده کی
مقابل صرتلرده ایسه منفقین ، اردوگاه قورومشدی .

اوکون طرفین بالکیز ایلری قره غول ترتیبائی آملقه اکتفا

ایندی . اینجا بلبان بك قومانداسنده بولتان عثمانلی قره غول مفرزه سیله دشمن قره غول مفرزه سی آراسنده کوچوك برمصاده وقوعه كلدی . بلبان بك آلدینی اسیرلری آقشام اذاندنه قرارگاه عمومی به کوندردی .

طرفین قوماندانلرینك محاربه حاضرقللری : خداوندکار

مراد قوصووو صحراسنه کلیرکلز مخدومی بازیدی آلهرق دشمنك قوتی آ کلاقی و محاربه میداننی کوروب محاربه موصفی تعیین ایتك مقصدیله بالذات کشفه چیقدی . دشمن قونك حقیقه اوج مثلی فضله اولدیغنی مشاهده ایتدی . بوندن بشقه اراضینك بك توزلی و دشمن جهتندن شدنله آسهن روزگارک حصوله کتیردیکی توز دومانلرینك دشمنه فاندولی و بالعکس عثمانلیرك کوز آچهلرینه و صحتله انداخلرینه مانع اوله جغنی کوردی . هرایکی سبب برنجی مرادی بك زیاده محزون ایتدی و متأراً آقشام اوزری قرارگاهنه عودت ایتدی ؛ فقط تأثرینی کیمسه به احساس ایتدی و همان بر مجلس حرب عقد ایتدی .

درت بش ساعت دوام ایدن عثمانلی مجلس حربنده : بعض قوماندانلر « روزگارک سکونت بولسی و عسکرک استراحت ایتسی لزومی ایلری سوره رك محاربه نك بر قچ کون تأخیرینی » دیگر بعضیلری ده « دشمنك فائیت عددیه نی نظر دقته آلهرق هجوم ایده جك دشمن سواریلرینی اور کوتك ایچون جبهه ایلرینه آضرلقده کی دوهلرک قونمهنی » تکلیف ایتدیلر . ییلدیرم بازید ایسه « تورکار دشمنله کوکس کوکسه چاریشمقدن نه زمان قورقشلردر ؟ آناطولینك مستحکم قلعه لرینی ، واه صحرالرینی دوهلر کریسنده کیزله رکمی ضبط ایتدیر ؟ متفقینك عددندن چکنمك نصرت الهی دن شبهه ایتك دکلیدر ؟ رحمانیت سبحانییه ربط قلب ایتمه من اك برنجی قونمزدرد ؟

آنحوق بوقوت وجسمارتمز اردومزى سلامتہ ایصال ایدہ جکدر . مظفرینى ، کندی غلب عد ایدن طرف قازانیر ؛ یوقسہ مغلوب اولہ جغندن قورقان دکل ، سوزلریہ ہان محاربہ ایدلمسہ ط فدار اولدیغنی بیلدیردی .

صدر اعظم علی پاشادہ بوفکری نصویب ایتدی ؛ چونکہ برکیجہ اول قرآن کریمدن تفأل ایتمش « یارسول اللہ : کفار و منافقنلرلہ ایضای جہادایت ! » و « اکثریا چوق بوقوت ، آز بوقوت طرفندن مغلوب ایدیلیر » ، ائندہ کی آیتلر ظہور ایتمش ایدی .

روم ابلی بکار بکی تیمورطاش پاشادہ « دودلرک دشمن سواریسنى اور کوتمکدن زیادہ کندیلری اور کدرک عثمانلی صفرلندہ انتظامسزاق وقارغشہ لہی ، موجب اولماسندن قورقوله جغنی » ، سوبلہ دی .

باش قوماندان الکناہیت اردونک ارکان حربیہ رئیسى مقامندہ بولنان غازی اوردہ نوس بکک مطالعہ سنى استفسار ایتدی : اوردہ نوس بک تجاربہ استناداً « دشمنک صورت حرکت و طرز تعرضى ، عدم موفقیت حالندہ کوسترہ جکی انتظامسزانی ایضاح ایدہ رک ہان محاربہ ایتک ؛ شوقدرکہ دشمنک اصول تعرضى وقت نظرہ آلہ رو آکا کورہ ترتیبات اتخاذایتک وقوتی ایجاب ایدن نقطہ لرده طوبلو بولوندرہ رق دشمنک متفرق هجوم قوللرینى فائق قوللرلہ ازمک ایجاب ایتدیکنی » بیلدیردی . باش قوماندان بوفکری قبول ایتدی . قوماندانلر بووچہلہ ترتیبات آلہ رق حرکت ایتک اوزرہ داغیلدیلیر .

عثمانلی اردوسنک ورودی اوزرینہ عینى آفشام متفقین قرار کاہندہ دم بر مجلس حرب عقد ایدلدى : متفقین قوماندانلرندن اکثریسی « عثمانلی اردوسنک بکی ورود ایدوب یورغون ایلدیغسندن و هنوز

قوصو و او و سنده محاربه ترتیبانی آلماد یغندن بالا استفاده در حال و کیجه این تعرض ایدلمسی، تکلیف ایتدکری حاله یالکز [جورچی قاتریونا] نام قوماندان و تورک اردوسنک کیجه قرا کلفندن بالا استفاده رجعت ایده بیله جکفی و بناء علیه کیجه این تعرض ایدلدیکی تقدیرده عثمانلی اردوسی آلدن قاجیره رق احیا ایتک قابل اوله میه جغفی، سه و بیلده دی . بوفکر عموم قوماندانلرک مظهر نحسینی اولدی و فرداسی صباح تعرضه قرار ویرلدی .

متفقین مجلس حربنک ویردیکی قرار شایان تنقیددر . تاریخاً متبذره مختلف دوشونجه لی بر جوق اشخاصدن مرکب مجلس حربلرده ؛ سریع ، قطعی و جرأتکارانه قرارلر ویریله من . اکثریا یک مهم فرصتله قاجیریلیر . بالخاصه افکار مختلف و متردد اولورسه هان عمومیتله انتظار قرار ی غلبه جالار . نته کیم [جورچی] نک مطالعاتی اوزرینه مجلس حرب تعرضی برکون سوکره به تلیق ایتش و بوبوک بر فرصتی فوت ایتشیدی . دیگر بر محدودریده اشخاصک چوقاقی نیشنده قطعی قرار ویرمیله نک مشکلا تیدر؛ چونکه: هر کس کندی فکری مدافعه ایچون اوغرا شیر بهوده زمان ضایع ایدیلیر، فرصتله قاجیریلیر . اوزمانلر یک زیاده استعمال ایدیلان مجلس حربلرک بو محاذیری آکلا شیلدقدن سوکره درکه بواصول تماماً ترک ایدلمشدر . اک ایسی وحالاً تطبیق ایدیلنی رأینده و اتخاذ قرارده مستقل اولان قوماندانک معیتده مشاور و یامعاون وضعیتده محدود ذواتدن مرکب ارکان حربیه هیئت بولونماسیدر .

خداوند کارغازی مجلس حرب داغیلدقدن سوکره شعبانک اوز بشنجی رات قدیلک مصادف لیله مذکورده صباحه قدر عظیم بر خشوع دیندارانه

ایله یاریشکی محاربه ده اسلامک مظفر و کندیسنک شرف شهادته نائل
اولماسنی جناب حقدن تضرع و نیاز ایلش، قرآن اوقومش و یاریشکی
حرکات و تعبیه ترتیباتی دوشونمش و آنجق صاحبه قارشنی اویومشدی.
صولاقزاده تاریخنه نظراً پادشاهک مذکور کجه ده کی مناجاتی
پروجه آتیدر :

آب روی حبیب اکرم ایچون	کر بلادده روان اولان دم ایچون
شب فرقده آغلایان کوز ایچون	ره عشقکده سورونن یوزایچون
اهل دردک دل حزینی ایچون	جانه تأثیر ایدن اینی ایچون
ایله یارب لطفکی همراه	حفظکی ایله بزه بستی و پناه
اهل اسلامه اول معین و نصیر	دست اعدایی بزدن ایله قصیر
باقه یارب ! بزم کناهمزه	نظر ایت ، جان و دلدن آهمزه
ایتمه یارب مجاهدینی تلف	تیر اعدایه بزی قیلمه هدف
چشممز صافله کرد معرکه دن	جند اسلامی بکله مهلکدن
یونجه بیل سی و اجتهادمزی	غزوات ایچره یخنشی آدمزی
ایتمه یارب قهرک ایله تباه	یوزمزی خلق ایچنده ایتمه سیاه
راه دین ایچره بن فدا اولهیم	سپر عسکر هدی اولهیم
دین بولنده بنی شهید ایله	آخرئده بنی سعید ایله
ملک اسلامی پایمال ایتمه	منزل فرقه ضلال ایتمه
کرمک چوقدر اهل اسلامه	دیلرم کیم ابریشه اتنامه

شفق وقتی یاغمور یاغمش و توزلری باصبرمشدی. خداوند کارغازی
صباحین او یانوب ده شو بویوک محذورک لطف حق ایله زائل اولدیفنی
کورمش و بونی بر خبر بشارت و، زده نصرت تالق ایده رک فوق العاده
سویتمشدی .

طرفین اردو لرینك محاربہ ترتیبانی : ہر ایک اردو شعبانك
اون بشنچی صالی صباحی قوصووه اووه سنده بروجه آتی محاربہ ترتیباتی
آلمشدی : [قروکی - ۹]

۱ — ۴۰.۰۰۰ موجودندہ اولان عثمانلی اردو سنك محاربہ
نظامی :

عثمانلی اردوسی ، جہہ شمالہ متوجہ اولمق اوزرہ لاپ صوینك
جنوبندہ و صول جناحی شیندیچا نہرینہ یقین اولہرق اوچ غروب
حالندہ اخذ موضع ایتمشدی .

آ — صاغ جناح غروب : ییلدیرم قومانداسندہ اولوب
روم ایلی سواری ، پیادہ و عذب عسکر لرندن مرکبدی . روم ایلی
بکلبیکی تیمور طاش پاشا ، غازی اوردونوس بک ، اینجه بابان بک ،
لالا شاہین ، عیسی بک ، یخشی بک ، مستجاب بک معیتلریلہ ییلدیرمک
امرینہ ویرلمشدی .

ب — مرکز غروب : برنجی مراد قومانداسندہ اولوب ، قابوقولی
عسکر لرندن (یکیکچریلر ، سپاہی و ساجدار سواری بلوکلریلہ بلوکات
اربعمہ دن) مرکبدی . یکیکچریلر ، یکیکچری آغاسی محمد آغانك تحت
امرندہ ایدی . یکیکچریلرک صفلری آردہ سنده فاصلہ لی بر صورتدہ
تعبیہ ایدلمش اولان بوتون طوپلر حیدر بکک امرندہ ایدی .

۲ — صول جناح غروب : یعقوب چلبی قومانداسندہ اولوب
اناطولی سواری و پیادہ عسکر لرندن مرکبدی . اناطولی بکلبیکی
صارینجه پاشا ایلہ قسطنطونی ، حمید آباد ، منتشا ، تکه و کرمان بک
زادہ لری و صوابشی آیینہ بک ، قرہ مقبل بک معیتلریلہ یعقوب چلبیك
امرینہ ویرلمشدی .

طوبلرك معنويانندن بشقه تاثير ماديسي اوله ميه جنی دوشونيله رك
آورده نوس بلك توصيه سييله تفوق لازمه يني استحصال ايچون جبهه
ايلريسنه ۲,۰۰۰ تيرانداز قونمشدى . جبهه ايلريسنده كي عسكرلر
وزير اعظم على پاشانك تحت قومانداسنده ايدى .

۱ — مركززكريسنده كي تپه اوزرنده عثمانلى اردوگاهى موجود
اولوب اطرافى خندكله چويريلشدى . اردوگاهده آغيرلقلر بولونيوردى .
اشبو مستحكم اردوگاه ايجانده التجا موضعى اوله جقدى .

۲ — ۱۰۰,۰۰۰ موجودنده اولان متفقين اردوسنك محاربہ نظامى :
متفقين اردوسى ، جبهه جنوبه متوجه اولمق اوزره لاپ صوينك
شمالنده وصاغ جناحى شينديچا نهرينه مستند اوله رق اوچ غروب
حائده اخذ موضع ايتمشدى :

A — صاغ جناح غروبى : صرب قرالنك يكنى دوق برانقوويچ
قومانداسنده اولوب صربلر، آرناوودلر و متفقين ساثره دن مركبدي .
B — مركزز غروبى : صرب قرالى لازارك قومانداسنده اولوب
صربلر ، مجارلر ، اولاحلر ، هر سكليلر ، لهليلر ، چهلردن مركبدي .
برقاچ بطربه اسلحه ثقليله واردى . لازار ملل مختلفه دن مركب
عسكرلره اودرجه امنيت ايدمه ديكنندن بونلرى كندى امرينه آلهرق
مركزده ديكر صفلك آره سنه يرلشدبرمشدى .

C — صول جناح غروبى : بوسنه قرالى طوارقونك قومانداسنده
اولوب بوسنه ليلر و بولغارلردن مركبدي . بوسنه قرالنك معيتده
برادر زاده سى ولادقو و وقوويچ ايله امرادن تراغوس برودويچ
بولونيوردى .


متفقين اردوسنك جبهه سى ايلريسنده تيراندازلر قونمشدى . جبهه

ایلیسندہ کی عسکرلر چورچی قاستریونا قومانداسندہ ایدی .
 ب — مرکز کریسندہ یوکسک برموقعدہ متفقینک مستحکم
 اردو کا می موجوددی .

قوصووه اووه سنك احوال طوپوغرافیه سی : قروکیدہ
 کورولدیکی اوزره قوصووه صحراسی طولی ، عرضنك تقریباً اوج
 مثلی اولق اوزره واسع و آزارضہ لی براووه در . مذکور اووه ده
 بللی باشلی اوله رق جریان ایدن شیتنیچانہری ایله لاپ صوبی برلشدکدن
 صوکرہ ایبرنہری تشکیل ایدرلر . قوصووه اووه سنك درت طرفی
 آزچوق یوکسک تپہ جککلرله محاطدر . بو اووه زراعتده مترقی زنکیین
 کوپلر وجفتلکلرله مسکوندر . قوصووه اووه سنك اورته سندن اوفق
 لاپ صوبی جریان ایدر . قانلی میدان محاربہ سی اووه نك دوزقسمنی
 تشکیل ایدن لاپ صوبینك همان جنوبندہ وقوعبولمشدر .

باش قوماندان ، محاربہ نظامنی آلہ رق حربہ حاضر لائش اولان
 اردوسنی تشجیع ایچون بروجه آتی نعلاتی سوبلہ دی : « غازیلر !
 بوکون غیرت کونیدر ! ابرازحمیت صرہ سی ، اُرلک زمان ، مردلک
 دمیدر ! بونجه زماندر خاندان عثمان سزکله افتخار ایدر ، شمدی
 دخی سزدن جهانہ شایع اولال شان و شهرت سابقہ مزی تأیید ایدہ جک
 مردانہ حرکتلر دبلر . بوکون مہابتکزلہ تترہ ن شو قوصووه اووه سندہ
 مظفر اولاجق شانلی سنجاغکنزک بحارستان ایچلرینہ دوغرو
 دالوب کیتمنسی بوندن صوکرہ هیچ بردشمن اردوسی توقیف ایدہ میہ جک ،
 بوکون استحصال ایدہ جککنز شانلی برغلبہ بوتون روم ایلندہ اعلا ی
 کلامہ اللہ سبب اولاجقدر . عمر انسان اوزون اولسہ ده بیلمز میسکزک

وفات الجیست



بلخی مراد در خاندان

م

عکس قبا: پنج مریخی



三

2



۱. سنہ ۱۳۳۳ - ۱۳۳۴

12 (a.c.) 1852-1853 -

جـ۔ سالانہ امتحانی۔ ارجح درجہ تکندہ بہرہ دانہ کمالی (

(a, b, c, d) $\rightarrow$ $\frac{1}{2} \log \frac{1}{2}$

بمقداره پنجصد و پنجاه و یک (۱۷۱) مرد و یک زن

514-3.250-1

جہانگیر

۱-۵۰۰

٥ - ١٥٥٥

درجہ اولیٰ

Aschizi - A

١ - عروق دود به عروق عذراء

— ۱۰۰ —

إلى رغبك

۱۲ - در سفر بروجی نوها به سند. اولاد

000000

میں نے اس کو دیکھا ہے

[...]

ناظر علیہ ہو۔ [۸، ...]

واژه‌ها

۹- جبهه ۸۸

میان‌کار به معنای لغت به معنی

لوحه

عکس‌های پنج جری

۴

اشعار و نغمه‌ها

عاشق سوزد



نغمه سوزد



۱- [شبان باغچه‌ها می‌سند، صباغ جناح خردی، دلم‌دل‌تری]

۲- مرزده ساجد


۳- [دلم‌دل‌تری] زخم می‌سند، صباغ خردی


۴- آینه دل زخم عکس


۵- [پنج‌گزاره] زخم می‌سند، [عاقبتی] عکس می‌سند، [دلم‌دل‌تری]

۶- عکس، ده کاف

۷- عکس، در سه قری: [۱۰۰۰۰۰]







مجاہد سی
 بیخانی ملک (حالی کوٹ)
 محمد و کبیر جنتیہ کا بیچ بیچ (ایئر فورس کیمپ)



ابدی دکلدر؛ عاقبت بتر؛ فنا بولور؛ دائم و باقی آنحق الله عظیم الشاندر.
اعلاى كلمه الله ايله جنت بولمق ایسته ينلره شو میدان شان و جلادت
آجیق طور ییور! غازیلر بئم ايله هپ برابر تکبیر کتیریکز؛ تکبیر
آله رق، الله الله دییه رک هجوم وصولت ایدی کز ! .

محاربه نك طرز جریانی

شعبانك اون بشنجی صالی آونی طرفین بروجه بالا محاربه نظامی
آلا قدن سوکره جبهه ایلریسنده بولنان وزیر اعظم علی پاشا قومانداسنده کی
کمانکشلرله متفقین جبهه سی ایلریسنده بولنان چورچی قومانداسنده کی
تیراندازلر عینی زمانده تعرضه باشلادیلر . یکدیگرینه براوق منزلی
تقرب ایدنجه تورکار شدتلی اوقانداختیله قارشیلرنده کی دشمنه فضله
ضایعات ویردیردیلر . نهایت طرفین تیراندازلری مصادمه اتمش و چورچی
حقوقل دوشمشدر . بوانلاده فائزیت عددیه لرینه اعتماد ایدن متفقین
بروجه آتی ملاحظات تعییوبه بناء صاغ جناحیه تورکارک صول جناحه
شدنله تعرض ابدی .

تورکارک ییلدیرم بایزید قومانداسنده کی صاغ جناحی دها حاکم
حسرتلرده قوتلی برصورتده یرلشمش بولندیغندن دشمنك بوجناحه
تعرضی حالده نتیجه قطعیه استحصالی پك مشکلدی . باخسوس بوجناح
قارشیسنده بولنان بولغادرلرک، مختلف محاربه لرده عثمانیلردن دایاق
پیهرک بیلشمش اولدقلرندن، تورکارک قارشى معسویاتلری پك زیاده
قیرلمشدی . لازار قومانداسنده کی مرکز غروبى ملل مختلفه عساكر
معاونه سندن مرکب اولوب قارشیلرنده پك مشهور اولان یکچیریلرله
خاصه عسکرلری بولندیغندن مرکزدن تعرضده موافق کیرهوله مشدر .

حالبوکه تورکلرک صول جناحلی تماماً اووده اولدیغندن اراضی صول جناحه تعرضه پک مساعد ایدی . متفقینک صاغ جناحی تشکیل ایدن صربلرله آرناوودلر هم تهدید آلتنده بولان کندی مملکتلری مدافعه ایتک و همده انتقام آلمق ایچون تورکلره تعرضه خواهشکر ایدیلر . بناءً علیه متفقینک صول جناحی مدافعهده قالمش وصاغ جناحی ضربه قطعی نی ایندیرمک اوزره بوتون قوتیله یعقوب چایی قومانداسندکی تورکلرک صول جناحه تعرض ایتشدیر .

دوق برانقوویچ قومانداسنده کی صرب و آرناوودلر اوپله مدھش برھجومده بولوندیلر که بوصولت قارشیسندھ فضلہ ضایعات ویرن یعقوب چایی قومانداسنده کی آناتولی عسکرلری موضعلری محافظه ایدهمیهرک خطوه خطوه مستحکم اردوگاهه دوغرو رجعته مجبور قالدیلر . صرب و آرناوودلر شدتله تعقیب ایتدکلری کی قرال لازارده مرکز غروبیلرله تعرضه اشتراک ایتدی . رجعت ایدن آناتولی عسکرلریک آرقه سنده صارب میشلک اولدیغندن صول جناح دهه فضلہ کری کیده میهرک جبهه سی غربه متوحه اولماق اوزره یکیدن موضع آلدی . باش قوماندان مرکز غرونی صوله کری به قیودرق بوصورنله برقواتوق تشکیل ایتدی وبوخطده مدافعهده قالدی [قروکی - ۱۰] .

صول جناحه آتلیک آیاقلرندن قالقان توزلراورتهانی قابلاش کیمسه کیمسه بی کورمر اولمشدی .

بوانساده یالکیز متفقینک صول جناحی ایلر تورکلرک صاغ جناحی موضعلری محافظه ایدیورلردی . قرال لازار مرکز غروبیلرله هجومی تشدید ایدیور وغانابلرک مرکزی یاراق ، صاغ وصول

جناح‌لربنك آرقه‌سنه دوشوب آیری آیری کریلرندن اورمق ایسته‌بوددی .

برنجی مراد وضعینك کسب ایتدیکی بحرانی و صول جناحده بوزولان برقم عسکرلرک فرارینی کورو بجه پک زیاده متأثر اولمش و صول جناحی تقویه ایتیمی ایچون بیلدیرم بازیده امر کوندرمشدی . عینی زمانده افرادک مغنویاتی یو کسکتمک مقصدیه کورسلیلیری عسکرک کریسنه یوللا بهرق دشمن بوزولدی ! هجوم ایدلم ! « دییه هر طرفده باغیرتمشدر .

بیلدیرم امری آلیر آلاز وضعینك و خاتمتی ده کوردیکندن صاغ جناحدن برقم سپاهی آلوب همان محاربه میدانی دوت نعل ایله قطع ایدمک حالا تعرضه دوام ایدن دشمن اوزرینه آتیلحق ایسته‌دی . قازانیلمقده اولان ظفرک مغلویته منجر اولاحقنی کورده لازار وضعیتی تصحیح ایچون بیلدیرم عاینه ۲۰،۰۰۰ بوشناق سوق ایتدی . وقوعه کان پک شدید وقائی مصادمه ده بوشناقلر ، تورکلرک هجومه مقاومت ایدمیه رک رجعت ایتدیلر . بونک اوزرینه سربست قالان بیلدیرم ، برادری یعقوب چلییه تعرض ایدن دشمنک صول حاحنه یوکلندی . بوراده ده بوغاز بوغاره پک خونین بر محاربه احرا ایدنش و طرفین یکدیگرینه قاریشمشدی . بو وضعیندن بالاستفاده تقویه ایدیلن یعقوب چلییه مقابل تعرضه کجیدی و برقم احتیاط قوتیله دشمنک صاغ جناحی کریلرینه تعرض ایتدی .

حاح و جبهه دن قهرمانانه شدتلی بر تعرضه معروض قالان متفقین مغلوباً چکیلیمکه باشلادی . عثمانیلر رجعت ایدن متفقینی آمانسز بر صورتده تعقیب ایتدیکندن نهایت متفقین میدان حرب ترکله منزه مأ بریشان برحاله فرار ایتدیلر .

متفقین قورشونلی، شمال و متروویچه استقامتلرنده رجعت ایتدی.
لوژان یوغازی (قورشونلی) استقامته کیدنلری ییلدیرم، متروویچه
استقامته کیدنلری یعقوب چلی شدتله تعقیب ایتدی.

بك قانلی جریان ایدن قوصووه میدان محاربه سی بش ساعت دوام
ایتمشدر. طرفینك ضایعاتی بك زیاده ایسه ده بمقداری قطعی اوله رق
معلوم دکلدر. نتیجه محاربه ده قرال لازار مقتول و عثمانلیلرک آله
برخیلی اسیر دوشمشدر.

باش قوماندان بوشانلی میدان محاربه سی مظفریتله نتیجه لندیردکن
صوکره یاره لیلری تفتیش ایچون محاربه میدانی دولاشیرکن حیلہ کار
صرربی میلوش قابلوویچ نامنده بریسی طرفدن خنجرله شهید ایدلمشدر.
خداوندکار مراد بروسه ده دفن ایدلمش ایسه ده خاطره اولمق اوزره
شهید اولدینی نقطه ده آریجه بر تر به انشا ایدلمشدر.

ییلدیرم بایزیدک حرص سلطنتله دشمنی تمقیدن عودت ایدن
قرده شی یعقوب چلی بی ظالمانه قتل ایتمسی غیر قابل عفو جنایات
عظیمه دندر. بو وقعه سابق خاندان عثمانینک اخلاقاً درجه سقوطی
ارانه مدار بر معیاردر.

عثمانی اردوسی بو مظفریق متعاقب ادرنه یه عودت ایتمشدر.
برنجی قوصووه سفرندن استخراج ابدیلان نتایج:

قوصووه میدان محاربه سی عثمانلیلرک نام جنسکارانه سی هر طرفه اعلان
ایتدیکی کبی حدود عثمانینک طونه نهینه قدر توسعه، عثمانلی دولتینک
آوروپاده تأسی واستقرارینه، بولغارستانک تماماً استیلا سیله
صربستانک بوتون بوتون عثمانلیلره خراجکذار اولسه سبب اولمش
بك مهم مظفریاننددر.

سیاست بودرجه مهم اولان قوصوه میدان محاربه سندن ؛
سوق الجیش و تعییه نقصه نظرندن ده شایان استفاده قواعد اساسیه
استخراج اولنه ییلیر .

۱ — سوق الجیش نقطه نظرندن :

آ — بوسفرده عثمانیلر ده هدف الحركات اصلی دشمن اردو سیدر ،
قاعده سنی اساس آنخاذا ایتمشلردر . [متفقین اردو سنی آریاوب بولمشلر
ومغلوب ایتمشلر] .

ب — عثمانیلر ؛ متفقین قوتلرینی ، طولانمغه میدان ویرمه دن
منفرداً و آیری آیری مغلوب ایتمشلردر . [صربلر برلشمه دن
اولاً بولغارلر منفرداً مغلوب ایدلش بعده عموم قوتله صربستانه
توجه و متفقین اردو سنی تعرض ایدلشدر] .

ج — عثمانیلر « تعرض سوق الجیشی » قاعده سنی اهمیت
ویرمشلردر . [بولغارستان و صربستانه تعرض ایتمشلردر] .

د — عثمانیلر دشمنه « تقدم ایدم بیلیمک ایچون التزام سرعت
قاعده سنی تطبیق ایتمشلردر . [سرفرر لکلرینی دها اول اکل
ابتدکاری کبی برآن اول دشمنه وارمق ایچون قیصه یولی ترجیح
ایتمشلردر] .

و — عثمانیلر ، سربستی حرکاتی تأمین ایچون « امنیت »
قاعده سنی رعایت ایتمشلردر . [بولغارلری صاغ جناح لرده براقوب
صربستانه کینه دکلرینی کبی بولغارستانه تعرضده بالقان داغلرینی
شرفده کی چکیدن مرور ایتمشلردر] .

۲ — تعییه نقطه نظرندن :

آ — عثمانلی اردو سنی باش قوماندانی ، دشمن و اراضی حقنده

دوغری معلومات آله ایدم بیلیمسی ایچون بالذات کشف اجرا ایتمشدر .
[قوصووه میدان محاربه سندن برکون اول پادشاه ییلدیرم بازید
ایله کشفه چیقمشدی] .

ب — عثمانیلر متفقینک بک فائق قوتلرله صول جناحه اجرا
ایتدیکی تعرضلره قارشى تدافعی برقولتوق تشکیل ایدم رک خط حرب
محافظه ومدافعه ایتمشلردر .

۶ — عثمانیلر دشمنک مرکز و صول جناحه متوجه تعرض
اصلیسی توقیف وقیرمق ایچون تهلمکه اولمایان صاغ جناحدن احتیاط
قوتی جلب ایدم رک ضعیف جبهه اقسامی تقویه ایتمشلر وبوسایه ده
حربی قازانمشلردر .

۷ — عثمانلی باش قوماندانی ، افرادی حربه تشویق ایتمک
وپایک مانع اولمق ایچون عسکرک مغزواتی بوکسلمک اهمیت ویرمشدر .
برنجی قوصووه سفری عثمانیلرک قواعد حریره نه قدر اهمیت
ویردکلرینی ونه درحه این حرکت ایتدکلرینی کوستر پارلاق برمثالدر .
بروحه بالا خلاصه ایتدیکنز قواعد سوق الجیدیه یی برآز ایضاح
ایدلم :

آ — هدف اصلی دشمن اردوسیدر . قاعده سنی ناپولیون
وضیع ایتمشدی . بویوک فرهدریق زمانه قدر بوقاعدهیه اهمیت
ویرلمز مهم شهرلرک ضطی اردولرک یکانه هدفی عد اولونوردی .
دیمت که عثمانیلر ، ناپولیوندن درت بوزکسورینه اول بوقاعدهیه رعایت
ایتمشلر ، مواقع جغرافییه یی نظر اعتباره آلیه رق متفقین اردوسنی
آرامشلر ، قوصووه صحراسنده بولمشلر وتعرض ایدم رک مغلوب
ایتمشلردر . فی الحقیقه الک زیاده نظر دفته آله حق شی ؛ دشمنک

اردوی اصلیسیدر. بوزمانمز حربلرنده الك مهم قواعد سوق الجیشیه دن معدوددر ؛ چونكه دشمن اردوی اصلیسك احساسدن صوكره مواقع حفرافیه كندی كندینه سقوط ایدر .

ب — عثمانیلر قوتلری بك آزاوالمسنه رغماً قواعد سوق الجیشیه دعبت سایه سنده چوق فائق دشمن اردوسی مغلوب ایتشلردر . خطوط داخلیه استعمالیه وسریع برحر كته اولا بولفارسانی منفرداً یقالا یوب مغلوب ایتدكدن وصاغ جناحلری تأمین ایتدكدن صوكره متفقین اردوسی تپه لشلردر كه بونا پولیونك وضع ایتدیكى « تصرف قوا » قاعده سیدر . بوبك مهم بر قاعده اولوب ناپولیون بوتون مظفریاتی بو قاعده ك حسن تطبیق ايله تأمین ایتمشدر . بو بابه ناپولیون دیركه : « بن دشمنك فائق قوتلری قارشیسنده بولوندیغم زمان كندی قوتلرمی هب بربره طوبلار و دشمنك داغنیق قوتلری آیری آیری منفرداً تپه لكه غیرت ایدرم و بو صورتله دائماً آز قوتله چوق قوتا غلبه ایدرم » .

۷ — تعرض سوق الجیشی قاعده سیده بك مهمدر ؛ چونكه ظفره وصول آنجق تعرض سوق الجیشی ايله ممكندر .

د — التزام سرعت (تقدم سوق الجیشی) قاعده سی ناپولیونك اهمیت ویردیكى بر قاعده در . استحصال مقصد ایچون الك اینی طریق حر كانه سرعت كوسترلمسیدر . سفر برلكنی و تجمع سوق الجیشی سی دشمندن اول اكال ايله تعرض سوق الجیشیه كچن اردو سربستی حر كتی ألد ایتك و دشمنی كندی آرزو و حر كاته تابع قیلمق كبی بك مهم منافع سوق الجیشیه نی استحصال ایتش دیمكدر .

ه — امنیت قاعده سوق الجیشیه سیده مهمدر . امنیتنی تأمین

و جناح‌ترینی محافظه ایدہ میان اردو سربستی، حرکتی اُلدہ ایدہ من
و هیچ بر زمان بلاتی تطبیق ایدہ من؛ چونکہ جناح لر، اردونک
اک حساس وضعیف نقطہ لریدر و بورالرہ ایند بریلہ جک ضربہ اردونی
بریشان ایدر .

ناولیون، بر باش قوماندانده بولونمسی ایجاب ایدن اوصافی
شوصورتلہ ایضاح ایتشدرد: (باش قوماندان اولہ جق ذاتک اوصافدن
اک برنجیسی ہرشدن دوعری بر صورتده متحسس اولہ جق وجہلہ
براعتدال صاحبی اولمیدرد. بر قوماندان، ہرشدنک تاثیرات صحیحہ سنی
لایقلہ درک ایدرب اص لا تہور ایتہامی و آلدینی خبرلرک ایلدیکی ویا
فناقلیلہ نہ مسرور ونہدہ مکدر اولمی وبرکون ظرقندہ دفعہ ویا
متوالیاً ذہنہ توارد ایدہ جک محسوساتی آیروب ہر برینی جدأ لایق
اولدینی موقعده طوتمالیدر .

برنجی مرادک محاربہ دن برکون اول، بالذات کشفی نتیجہ سندہ کی تأثراتی
کیسمہ بہ احساس ایتہمسی و دائماً اعتدالی محافظہ ایتہمی، جاسوسلردن
آلہ جق حوادثلرہ اہمیت ویرمہ بوب بالذات کشف اجرائی، محاربہ دہ
والک بحرانی زمانلردہ کرک معناً و کرک مادہ نمونہ امثال اولہ جق
صورندہ حرکاتی سوق وادارہ ایتہمی، عثمانی باش قوماندانک نہ قدر
یوکسک قابلیتدہ بر قوماندان اولدینی کوستر . باخصوص وزیراعظم
علی پاشانک قرآن عظیم الشاندن تفالی عثمانی اردوسنک لہنہ چیقمش
ایکن پادشاہ تدبیردہ خطا ایتہمک، اصول وقواعد حربی تماماً تطبیق
ایدہ یلمک ایچون بویوک برسی وغیرت کوسترمشدرد؛ چونکہ مظفریت
آنحق بیلہ رک چالیشانلرہ وقواعد حربیہ نی موفقیلہ تطبیق ایدنلرہ
توجہ ایدر . بویابدہ عسکری تاریخمزدہ آجی مثاللر واردر . مثلاً

آناطولی بی استیلا ایتک اوزره ایلرله یین ابراهیم پاشا قومانداسنده کی مصر اردوسنه قارشی کوندریلان قوماندان حافظ پاشا، نزدنده بولنان مولککک قواعد وایجابات حربیهیه مستند مطالعاتی قبول ایتیه رک یالکیز نفال ایله حرکت ایتیمی، عثمانلی اردوسنک تربده مصرلی ابراهیم پاشا اردوسنه مغلوب اولمشی موجب اولمشدرکه بومحاربه بزره ای بردرس عبرتدر.

متفقین جهته کلنجه: متفقینک استحضارات حربیهیه کوستردیکی بطاات غیر قابل عفو ر خطادر. عثمانلیلردن اول استحضارات سربیهیه باشلامه لرینه رغماً متفقین اردوسنک بودرجه کج نجم ایتیمی بولغادرک منفرداً مغلوب اولمهلرینی موجب اولمشدر. عثمانلی اردوسی بولغارستان حرکتایله مشغول ایکن صرب اردوسی قارشیدن سیرجی قالمیه حقدی. ۱۰,۰۰۰ کیشی ایله شهر کویک اشغالی هیچ برزمان مقصدی تأمین ایده مزیدی. حربده اتحاد ایدیلان بویکی یاریم تدبیرلر دائمافلاکنله نتیجه تیر. متفقین اردوسنک فله استقامتنده ایلرلیله رک بولغارستانده مشغول عثمانلی اردوسنک خطر رجعتی قطع ایتیمی، هنوز بوتون قوانک تجمع ایده مه مسندن شیمدیلک ممکن اوله مازسه بیل؛ هیچ اولمازسه ایلک تدبیر اوله رقی بالقان کچیدلرینک اشغال وقوتلی صورتده آله بولوندرلمی ایجاب ایدردی. تجمع منطقه سیده دوعری دکل ایدی. خلاصه متفقین بطی، قرارسز وخطالی حرکت ایتمشدر. متفقین اردوسنک ملل مختلفه دن مرکب اولمسیده مذکور اردونک اسباب ضعفندن بریدر.

متفقین اردوسی باش قوماندانی سوق واداره یه مقتدر، عزیمت پرور، شدتلی بر ذات اولسه ایدی و حرکات سوق الجیشیه ده بودرجه خطا ارتکاب ایدلمسه ایدی اوچ مثلی تفوق عددیسنه بناءً نتیجه -رب بشقه صورتله تجلی ایده بیلیردی . مع هذا عثمانلی اردوسنک غایت اپی ووضعیته موافق صورتده سوق واداره ایدلمسی ، معنویاتلرینک یوکسکلکی وپک قهرمانانه حرب ایتیمی کبی اسباب بحق ظفر، استحصاله عامل اولمشدر . مفاخر ملیه مزدن اولان بوسه فیرک ضابطانمز طرفدن ایجه مطالعه سی پک فائده لیدر .

برنجی قوصووه سفیرینک صوکی



۲ - نیکبولی میدان محاربه‌سی

[۷۹۸ هجری - ۱۳۹۶ میلادی .]

اسباب حرب : قوصووه میدان محاربه‌سند کوس‌تردیکی حماسه
و حلاوتله بیلدیرم غوانی آلان بایزید بدربی استخلاف ایدرایتمز، بکیت
یکی بره‌فرزه ابله بوسنه‌لیلری تعقیبه و بوسنه هرکی غارته مأمور
ایلدی. فیروزبکی ویدن حوالیسنه کوندردی. کندیمی بالذات اسکوبه
کیتدی. صرب قرالی لازارک اوغلی استفان بیلدیرمک نزدینه کلوب عرض
صداقت ایتدی و عقد اولان مصاحبه‌نامه موجبجه صربستانی
زیر حمایتنه آلفه موفق اولدی. بیلدیرم بایزید روم ایلی ظفرندن
صوکره آناطولی فتوحاتنه باشلادی. سلجوقیه دولتی انقاضسندن
ظهور ایدن اون امارتی برررر ضبط ایدرک ممالک عثمانیه‌یه الحاق
ایلدی. روم ایلی ده قوتایچه یرلشمش اولان عثمانیلر آناطولینک
فتحی ده اکیال ایتدیلر. صره استانبولک ضبطنه کلشدی. بیلدیرم
بایزید استنبولی محاصره و تضییق ایدرک ایمپراطوری تحکم و نفوذی
آلته آلفه موفق اولدی.

عثمانیلرک آز بر زمانده احراز ایلدیکی بو مظفریات بالخاصه
بولغارستانک، تیچ ایلمسی، صربسانک عاقبتی، هجارقرالی سیزیسمنودی
(سیکیزموند) پک زیاده خوف و تلاشه دوشورمش و ملکتنی عثمانیلرک
استیلاسدن قورنارمق ایچون چاره تحریسنه سوق ایتشدی.

اولجه صربستان و بولغارستان متفقاً عثمانیلره قارشی حربیه قیام
ایله مش ايسده هربری آیری آیری تپه‌لش و خراجه باغلامشدی.
بوندن عبرت آلان هجارقرالی دها متین اساسله مستنداً متفق تدارک

ایتمک و عثمانیلره غلبه چالهرق انتقام آلمق و بوتهلکی اورتدن
قالدیرمق ایسته یور و بومقصدله دائما اعمال فکر ایدییوردی .
قراقی بولغارستانک استیلاسنده تحمل ایده میوردی .

تدیبرسزجه حرکت ایتمش اولماق ایچون هم ییلدیرمک فکر و نیتی
آ کلامق و همده بولغارستانک تخلیه فی طاب ایتمک مقصدیه بحار قراقی
بروسیه برمرخص اعزام ایتدی . بولغارستان سفرلری غنائمه طولو
سرای او طه لرندن برنده حضوره قبول ایدیلان اشبو مرخصک ؛ بالقان
ممالکنک نصل برحق ایله ضبط ایدلمش اولدینی سؤاله قارشى ، ییلدیرم
بایزبدک : « کیت حکمدارینه سـویله ، بالقان ممالکنی — دیوارده کی
سلاحدری کـوتـره رک — ایسته بونلرله ضبط ایتدم . » تهدید آمیز جوانی ،
بحار قراقی برقاتدها قورقوتمشدی . بوانئاده عثمانلی سنجاق بکلری
طونینی کچره رک شماله آقینلر اجرا ایتمکده اولاح و بحارلری راحتسز
ایتمکده ایدیلر .

بینه اونه عثمانلی اردوسنک بولغارستانی کچره رک اولاح اراضی فی
قسم استیلا و اولاح برندی میرجه نی سنوی ویرکو اعطاسه مجبور ایلمی
[۱۳۹۱] بحار قراقی دهاز یاده تلاشه دوشـورمشدی . عثمانیلردن
یدیکی ضربه نك انتقامی آلمق ایسته بن اولاحلری ک موافق واک
طیبی برمتفق اوردن سیریموند ، حدودقربنده (زیبن بورغین) .
کله رک میرجه ایله کوروشمش و آرالرده تدافعی و تعرضی براتفاق عقد
ایدلمشدی .

سیریموند ، اتفاق عقد ایتدیکی سنه نك مایسنده بویوک برارد وایله
(نورجبورغ) کچیدنن مرور و غربه دوغرو حرکت و بمده اولطی
نهری بویجه جنوبه توجیه ایتامت ایتدی بوانئاده میرجه نك اردوسی

مجار اردوسيله برلشدى و هرايكي اردو نيكبولى استقامتده ايلرى بورويشه دوام ايتدى . عثمانلى محافظلرينك نيكبولى قلعه سنه چكيا مسى متفقينك شوقنى تزديد ايتمشدى . قرال سريشمه ند طونه نك شمالنده كوچوك نيكبولى نى ضبط ايتديكى صهرده قراليجيه مارينك وفاتى خبرى آلمش و اردوسيله در حال مجارستانه عودته مجبور قالمشدى . يونك اوزرينه عثمانليرك قارشيدسند يالكيز وضعيف قالان اولاح برنسى ميرجه نك جان پك زياده صيقيلىدى . عثمانليرك ايكنجى بر ضربه سنه معروض قالماق ايچون خيله طريقى اختياره مجبور اولدى . شويلاه كه: بوسفرده مجارلرله متفق اولمادىغنى عثمانليره بو سترمك مقصديله مجار اردوسى تورجيسورغ جوارنده كى اورمانلردن مرور ايدر كن اوزرينه آتيلدى و هر درلو تعرضدن مصون بولوندى قلى امنيه سيله هيچ بر تدبير اتخاذه نه لزوم كورمه مش اولان مجارلى پریشان ايتدى . بوسهرده عثمانلير استانبولى محاصره ايتمش بولتيورلردى . اوزمان روما شرق ايمپراطورى بولنان ايمانوئل ، بيلديرم بايزيدك تضيقاى قارشيدسند خريستيانلغك تهلكه ده بولديغندن بحثله آوروپا حكومتلرينك همان كافه سندن معاونت طلب ايتمشدى ؛ فقط بورجا اوزمان بر معاونت فعليه منجر اولامامشدى .

سريشموند مجارستانه عودت وامور حكومتى تسويه ايلدكن صوكره منفرداً عثمانليره قارشى حربى كوزه آله مديغندن مقصدينى استحصال ايچون استانبولك محاصره سنى و ايمانوئلك مراجعتى فرصت اتخاذايده رك خريستيانلغك حسياتى تحريك و آوروپا حكمدارلرني عثمانلير عليه نه تشويق غايه سيله خريستيان عالملك مركزى اولان قسطنطينيه نك و تهلكه ده بولنان خريستيانلغك قورتاريللى لزومنى ايضاح

و بویوک براهل صلیب اردوسی وجود کتیرمک اُمیله آلمانیا، فرانسه، بورغونیا وایتالیا به مرخصلر کوندردی . اشبو مرخصلر وظیفه لرینی هر طرفده حسن صورتله ایفا ایدهرک مظاهرت و معاونت و عدنریله عودت ایتدیلر . استحضاراتک تماماً اکالی ایچون تورکیه قارشى حرکات تمرضیه ۱۳۹۶ سنه سنده باشلانیمسی تحت قراره آلدی .

طرفینک قوای حربیه سی : نیکبولی میدان محاربه سنده عثمانلیلر ۱۴۰.۰۰۰، متفقین ۱۳۰.۰۰۰ موجودنده براردو طوبلا به بیلمشاردی . عثمانلی اردوسنک بر قسمی یکچیریلدن مرکبدی که بونلر مکمل تعلیم و تربیه کورمش منتظم پیاده عسکری ایدی . عثمانلی پیاده لری اوق ، قیلچ و یاخنچرایله تسایح ایدلمش اولوب برنجی خطده بولنانلر قالقان ایله مجهز ایدیلر . اردوده موجود ۲۵.۰۰۰ سپاهی ، اگری قیلچ و اوزون میزراقله مسلح ایدی . اردوده دیگر نوع سواریلرله عرب و آقینجیلرده واردی . آیرجه عسا کر معاونه اوله رق ۵.۰۰۰ صرب عسکری موجود ایدی . اردوده طوپده واردی . عثمانلی اردوسی تعلیم و تربیه ، ضبط و ربط اعتباریله متفقین اردوسنه فائق ایدی .

متفقین اردوسنک اسلحه و تجهیزاتانی بودرحه منتظم ، تعلیم و تربیه سی مکمل اولمادیغی کی طوپده یوقدی . مختلف ملتنردن تشکل ایتدیکی ایچون اردونک ضبط و ربطی اینی دکلدی . قوماندانلرک یکدیگری چکه مامسی ده فناسوق و اداره یی موجب اولیوردی . افرادک معنویاتی بک یوکسکدی .

طرفینك سفر پلانی :

آ — عثمانلیلرك سفر پلانی : متفقین حرکات خصمانه

باشلادینی زمان عثمانلی اردوسی قسطنطنیه نی محاصره ایش بولنیوردی .
ییلدیرم بازید باشلادینی ایشی یاریده برافماق و برآن اول استانبولی
ضبط ایتك ایسته یوردی . طونه بونجه حدودده بولان قلاع و بالخاصه
نیکبولی قلعه سی سایه سنده متفقین اردوسی توقیف ایتك وقازانیله جق
زمان ظفرده استانبولی ضبط ایتك و متعاقباً اکیسه یولدن و سریعاً
متفقین اوزرینه توجه و تعرض ایتك موافق کورولمشدی .

ب — متفقینك سفر پلانی : تعرضی ایدی . غایه ، قسطنطنیه نی

محاصره و تضییق ایتكده اولان عثمانلی اردوسی آرقه دن اوروب
حو ایتك ایدی . بومقصدك استحصالیچون اولا ، سوق الجیشجه
بویوك براهیتی حائز و اوزمانك اك مهم بر قلعه سی اولان نیکبولی
ضبط ایدیله جك بعده بورایه استناداً (نیکبولی اس الحركات اتخاذ
ایله رك) بولغارستان استیلاو بالقانلردن مرور واستانبول استقامتده
حرکتله عثمانلی اردوسنه تعرض ایدیله جكدی .

متفقین اردوسنك استحضارات سفریه سی و مجارستانده

اجتماعی : مجار قرالی سیژیسموندك تشویقیله حرب مقدسه اشتراکی
قبول ایدن آوروپا حکومتی حامی فعالیتلرله بر طرفدن اردولر ترئینه
دیگر طرفدن اعانه لر درجه باشلامشردی . فرانسه نك اهل صلیب
اردوسنه فضله قوتله اشتراکی تأمین ایچون سیژیسموند ، عثمانلیلرك
فرانسز سوالیلرینی تحقیر ایتدیکی حقنده تئویرانده بولوندیغندن قرال

پشنجی شارلک ریاستی آلتندہ فرانسدہ بر مجلس حرب عقد اولندی
ونتیجہ مذا کرمدہ قوتلی بر فرانسزاردوسی اعزامی قرار لاشدیرلدی .
فرانسزلر اک کزیدہ لرندن ۱۰,۰۰۰ شوالیہ انتخاب ایتدکاری کبی
بورغونیاده بر مقدار شوالیہ احصار ایتدی و قسماً اجرتلی اولقی
اوزره ۱۰,۰۰۰ ی متجاوز فرانسز قوای معاونه اردوسی باش قوماندانلغنه
بورغونیادوقه سی قورقوسز ژان نامیلہ معروف قونت دونہ ودر تعین
ایدلدی . لورد دولانفاستر قومانداسندہ بر قسم انکلیزده بونلرہ التحاق
ایتدی . ۲,۶۰۰,۰۰۰ قرون اعانہ طویلاندی .

نیسان اواسطندہ (دیزون) ده اجتماع ایدن بوقوت ، مایس
اواسطندہ آلمانیا به داخل اولارق فرہ دریق فون هوہنزوللہ رن قومانداسندہ
۲,۰۰۰ قدر آلمان قوتیلہ ده تقویہ ایدلدی . آلمان رجالندن شیلیختین
برغہ رده بونلر میانندہ ایدی باویرا شوالیہ لری ، قونت دونورنبرغ
قومانداسندہ ایدی . بوار دو مایسک ۲۴ نجی کونی ویانہ به واصل
اولدی . بر قسم آر-تریاشوالیہ لری : ده مذ کور اردویہ التحاق ایتدی .
ایتالیا دخی اتفاقہ داخل اولمشدی . جنودده مکمل بردونانما احصار
ایدلدی . حتی ردوس شوالیہ لری کمی کوندردیلر . ۴۴ کی-دن
مرکب بودونانماک قوماندانلغنه وندیکی طوماچہ نیقو تعین ایدلدی .
مذ کور دونانماک بوناز ابچندن سرورلہ طونہ به کلہ رکبری اردویہ
بحراً حمایہ المسی قرار لاشدیرلدی .

قونت هرمان دوسیللی قومانداسندہ بونمان ایتالیا کوکلیلریلہ پولونیا
وبوهمیادن کلن عسکرلرده بودا پشتده اجتماع ایدلدی . اولاح بی
میرجه دخی ۱۰,۰۰۰ کیشی ایلہ بواردویہ التحاق ایتدی .

بحار اردوسی معاون اردولریلہ برلش-دیکی زمان موجودی

۱۳۰,۰۰۰ کیشی به بالغ ایشدی . بواهل صلیب اردوسی شو
صورتله بودا پشته ده اجتماع ایدنجه؛ برآیین روحانی اجرا و خریستیانا نك
بومقدس دعواده موفقیتی ایچون کدیسالرده دعالر ایدلدی . وعظلم
ونطقلمله افرادك حسیاتی تحریك و حربه ترغیب ایدلدی .

اردو افرادینك معنویاتی بك یوكسكدی . حتی افراد آره سنده
« ساییقیلسه میزراقلمزله طوناریز . بوش و کتمزه کیم قارش
طوره بیلیر؟ » کی سوزلر دوران ایتمه ماشلادی . اهل صلیب اردوسی
منسوبینی موفقیترلندن بك امین و صوك درجه مغرور ایدیلر . حتی
ییلدیرم بایزیدك قارشیلرینه چیقمق جساتنی کوسه ترمه حکنی ظن
ایدیورلردی .

عموم اردو باش قوماندانلغه مجارقرالی سیژیسموند تعیین ایدلدی .
اردونك اعاشه سیچون ۷۰ قدر سفینه به ارزاق دولدریله رق طونه
نهریله جنوبه سوق اولندی .

متفقین اردوسنك حرکات سوق الجیشیه سی ویکبولی

قلعه سنك محاصره سی : اردو تدارکاتی بعدالاکال تموزك ۲۴ نجی

ونی بروحه آتی یکی قولدن حرکت ابدی : [قروکی-۱۱]

غارا قوماداسنده بولونوب متفقین قطعاندن مرک شرق قولى؛
ترانسواپیا جهندن وزین بورغین اوزرندن اولاح مملکته داخل
اولدی که بویول هرمانشتاد اوزرندن کچهرک افلاق قطعاسنده اولطی
نهرینی تعقیباً نیکبولی به منتهی اولیوردی .

مجارقرالی سیژیسمود قوماداسنده کی قسم کلیدن مرکب غرب
قولى دیرقابو - ویدین طرفقی تعقیب ایدلدی . بوقول ۱۸ - آغستوسده

اورس-ووابه کلدی و سه-وهر بن قربنده طونه نی کچهرک عثمانلیلرک ایلک قلعه-سی اولان ویدین اوزرینه بورودی وایلك محاربه ویدینه اجرا ایلدی .

ویدین محافظی عثمانلیلرک خرجگذاری اولان بواغار پرئسی (استرازمیر) ایدی. بو ذات دشمنك هجوم ایده جکئی آکلار آ کلمازدر حال قلعه یی تسلیم ایتدی (۲۸-آغستوس). متفقین قلعه محافظلرینی کاملاً شهید ایده رک بوراده ۳۰۰ عسکر براقدی و طونه نك صاغ ساحلی بویجه ورویشه دوام ایده رک ۲-ایلولده راخووه موقع مستحکمه کلدی. ویدین مظفریتندن سرمست اولان فرانسلر راخووابه اهمیت ویرمدکلرندن، عثمانلیلر طرفندن وقوع بولان خروجلردن تلفاته دوچار اولدیلر و سزبسموندك کوندردیکی قوای امدادیه ایله شدیداً راخوواب محاصره ایتدیلر . بش کون دوام ایدن محاصره نتیجه سنده قلعده ارزاق و ییه جك قلمادیغندن محصورین صلحاً تسلیمه طالب اولمش ایسه ده ، متفقین اهمیت ویرمه رک شهری کاملاً تخریب و محافظلرینی شهید ایتدیلر ویا لکنز اهالیسه نی سربست براقدیلر . بوراده ۴۰۰ قدر عسکر ترك ایده رک اردو نیکیبولی اوزرینه حرکت وایلولك سکنجی کونی واصلت ایلدی .

نیکیبولی بجاره ، انگلیز، فرانسه ، ایتالیان، آلمان، بوشناق، بوهیمالی، اولاح و بولونیالیلردن ترکب ایدن متفقین اردوسی طرفندن برآ محاصره ایدیلر جك ، بحرآ جسم بردوناما اردونك حرکاتی حمایه ایلر جکیدی .

نیکیبولی شهری بدنجی عصر میلادیده ایرانی-لره قارشى احراز ایلدیکی مظفریتك برخاطره-سی اولق اوزره بیزانس ایمپراطورلردن

هر اقلیوس طرفندن انشا اولمشدی . شهر غایت مستحکم و قلعه لر اراضینک حاله اویدیرله رق موافق بر صورتده انشا ایدلمشدی . متفقین اردوسی نیکبولی پیشگاهنه کلدیکی وقت فرانسلر آیری اوله رق حنوبده ، مجارلر و متفقین سائر شهرک طرفینده اردوگاه قوردیلر ؛ چونکه یک مغرور اولان فرانسلر یالکیزجه عثمانیلرک حقندن کله جکلرینی ظن ایدیورلر و متفقینه بر حصه ظفر آیرمق ایسته میورلردی .

سفر بلانی موجبجه نیکبولینک بر آن اول ضبطی لارمدی . آنجق اردوده محاصره آلات و ادوات نقصان اولدیغدن محاصره تدبیرات یک بطی جریان ایدیوردی . بواشاده اهل صلیب اردوگاهنه عیش و عشرت ، وحشیات آله بیلدیکنه دوام ایدیور... حتی یو نوکلر معشوقه لرینی فرانسه دن کتیرمشلر ، کوچکلر ایسه جوارنه کندن تدارک ایتمشلردی .

قلعه محافظلری شجاعت و بسالتی ، ثبات و متانی ایله عثمانلی اردوسنده تمایز ایتمش اولان طوغان بکل قومانداسی آلنده ایدی . طوغان بک دهها دشمنک حرکات تجاوزکارانه نی خبر آلدیمی زمان نواقصنی و ترتیبات تدافعیه سنی اکمال ایتمشدی .

طوغان بک دشمنک یک فائنی قوتلره آتی کون دوام ایدن شدنی و متعدد هجوملرینی غایت جسورانه و معندانه مدفعیه ایدرک دفع ایتدی . دشمن هجوم خبری ایله نیکبولی نی ضبط ایدمه جکنی آکلایه رق قلعه نی آبلوقه ایله سقوطه قرر و بردی . طوغان بک آبلوقه ک تمادیس حائده قوه امدادییه احتیاج حاصل اوله جقنی دوشورک استانبول محاصره سیله مشغول بیلدیرم بازیده خبر کوندردی .

استانبولی شدتلی بر صورتده محاصره ایتش اولان ییلدیرم بازید، ایمانوئله کوندریان برمکتوبی آلد ایتش وبوسایده مجارلرک حرکات خصمانه سی واوروپا حکومتلریله اتفاقی دهاول خبر آلمدی ؛ فقط آوروپالیرک تدارکات سه فریه لرینی اکمال ایدوب حرکات تعرضیه به ابتدار ایدنجه به قدر ، استانبولی ضبط ایده جکفی امید ایتدیکندن باشلامش اولدینی ایشی یاریده براقفی موافق کورمیه رک استانبولک ضبطندن صوکره متفقین اوزرینه توجهه قرار ویرمشدی .

لکن استانبول ضبط ایدیله مه مش و دشمنک طوبلادینی بویوک برارد وایله تعرضه باشلامش حتی ویدینی اشغال ایلش اولدینی خبر آلدیفندن ؛ ییلدیرم متفقین اردوسنت طونه وادیسنجه نیکبولی اوزرینه ایلرلیه جکفی و نیکبولی قلعه سنک ضبطندن صوکره جنوبه حرکات تعرضیه سه دوام ایده بیله جکفی ملاحظه ایده رک یکی برقرار ویره بیلیمک ایچون اول امرده بک زیاده اهمیتی حائر نیکبوی قلعه سنک درجه مقاومتی آکلامق لزومی حس ایدوب بالذات تحقیق ایتک اوزره ، همان اردوگاهدن حرکتله برکجه وقتی نیکبولی اوکنه کلدی که یوانشاده متفقینک شدتلی متعدد هجرملری یکی قیرلش وحرکات نجارزکارانه سی توقفه دوچار ایدلش بولونیوردی .

کیچا، این نیکبولی پیشگاهنه کان ییلدیرم بازید قلعه به یقین حاکم برتبه اوزرینه جبوق « ره طوغان ! » دبه باغیردی . بوسی طانیان طوغان بک ، ییلدیرمک ورودی آکلایه رق درحال قلعه دن جیقدی و بازیده ملاقی اولدی . ییلدیرم بازید طوغان بکدن کافی درجه ده ارزاق موجود اولدینی و فقط آبلوقه مک تمادبسی حالنده قوای امدادییه احتیاج اوله جفی حقنده معلومات آلتجه : « بر قاج

کونه قدر اردونك نيکبولى پيشگاهنه کله حکنى واووقته قدر مقاومت اولئسى ، امر ايده رك درحال عيى كيجه عودت ايتمش وبوبوك بر سرعنه اردوگاهنه مواصلت ايتمشدر .

عثمانلى اردوسنك استانبولدن نيکبولى يه حرکات سوق الجيشيه سى : باش قوماندان وضعينك ديكشديکنى دوشونه رك ، استانبولك ضبطنى متفقينك دفعندن صوکره يه راقق لازمکليکنه وکنديسى استانبول محاصره سيله مشغول ظن ايدن متفقين اردوسنى ، نيکبولى يى محاصره ايله مشغول ايکى آرفه دن اوروب طونه يه دوکمه قرار ويره رك اردويه همان ادرنده اجتماع امرينى ويردى .

اشبويلانى تطبيق ايجون اردو سريعا ادرنده طوبلانهرق ۲۳ - ايلولده حرکته فليه اوزرندن وشيجه کچيدندن کچهرک طرنوويه واصل اولدى .

متفقينك ارزاق نداركى ايجون بو طرفلره کوندرديكى مفرزه عثمانليلره اسير دوشدى . آنجق بونلردن نيکبولى يه قاجه بيلان ر قاج نفر ، عثمانليلرک طرنوويه کليکنى خبر ويرديسه ده قوماندانلر قطعيا اينانماديلر . حتى مارشال بوسى قوبوکاردرلو احتمال ويره ديكندن بوروايتى صنيعه عد ايده رك نفرلرک قولاقلرينى کسديردى ؛ فقط حقيقتى آ کلامق اوزره سيزيسمونند (ژان ماروطى) قومانداسنده قوتلى برکشف قولنى بواستقامتمده کشفه کوندردى .

عثمانلیلر طرفندن کوردیلن مذکور کشف قولی شدتله تعقیب ایدلدی . پیشدار قوماندانلغی غازی اوردنوس بك ایفا ایدیوردی . عثمانلی اردوسی ایلوک ۲۷ نجی کونی نیکبولی جنوبکلدی . عثمانلی اردوسنک نکه نیلمیان برزمانده ورودی متفقین قرارگاهلرنده بك قنابر تأثیر بر اقدی . فرانسرلرایسه حرصلرینی راحووه دن آلدقاری ۱۰,۰۰۰ اسیری او آقشام عثمانلی اردوسی قارشیدنده صورت وحشیانه ده وکاملأ شهید ایتمکه تسکین ایتک ایستدیلر .

عثمانلی اردوسنک غایت واقفانه و بك سریع بر بورویش ايله آنسزین نیکبولی جنوبنه ورود ایدرک متفقین اردوسی تهید ایلدی ؛ متفقینی آرقه سی محاصره - یله مشغول اولدینی نیکبولی قلعه سنه و طونه نهرینه و صاغ جناحنی اوسما نهرینه وبره رک بك قنابر وضعیتده محاربه نی قبوله مجبور ایتمشر .

۲۷ — ایلوله ییلدیرم اطراف و حوالی نی ، دشمنک وضعیتنی ایجه کشفدن سوکره اردوسی نیکبولینک تقریبأ اون کیلومتره جنوبنه و اوسما نهری یقینه کتیردی و اوراده اردوگاه قوردی . اردوسنه محاربه ترتیبانی آلدیردی .

طرفین اردولرینک محاربه ترتیبانی : هرابکی اردو ایلوک یکریمی سسکیزنجی جمعه کونی نیکبولی جنوبنده بروجه آتی محاربه ترتیبانی آلمشدی : [قروکی - ۱۲]

۱ — ۱۴۰,۰۰۰ موجودنده اولان عثمانلی اردوسنک محاربه نظامی :

عثمانلی اردوسی جبهه شماله متوجه اولق و طونه نهرینک آتی

کیلومتره جنوبنده بونونق اوزره وصول جناحی اوسمانهرینه مستند و اوچ خطلی اوله رق اخذ موضع ایتمشدی .

آ — اک اوکده عثمانلی پیدشرداری : غازی آورده نوس بک قومانداسنده اولوب ۸,۰۰۰ قدر عزبلرله ۱۰,۰۰۰ قدر خفیف سواری عسکرلرندن مرکبدی . بیلدریم دشمن ایلک صدمه سنک شدتی بیلدیکی ایچون اک اوکنه بونلری قویتمشدی .

ب — مرکز غروبندن برنجی خط : ۲۰,۰۰۰ قدر تیرانداز یکچیجری عسکرلرندن عبارت اولوب بونلرک ایلریسنده کی اراضی شرامپولار وسائر ایله تحکیم ایدلمش ایدی .

۶ — مرکز غروبندن ایکنجی خط : عثمانلی سواریلرندن مرکب ایدی .

د — صاغ جناح غروب : وزیر اعظم علی پاشا قومانداسنده روم ایلی عسکرلرندن عبارت اولوب موجودلری ۲۵,۰۰۰ دن فضله ایدی . روم ایلی بککری بکی فیروز پاشا ، مالقوج بک ، تیمور طاش بک معتبریه علی پاشانک امرینه ویرلمشدی .

ه — صول جناح غروب : آناطولی بککری بکی تیمور طاش پاشا قومانداسنده آناطولی عسکرلرندن عبارت اولوب موجودلری ۲۵,۰۰۰ دن فضله ایدی . قره مان بککری محمد ، طورخان ، بشیر ، طاهر بککری معتبریه تیمور طاش پاشانک امرینه ویرلمشدی .

و — اوچنجی خط : بیلدریم قومانداسنده قابوقولی عسکرلرندن مرکبدی . یالکیز خاصه سوارایی ۲۵,۰۰۰ موجودنده ایدی . مذکور اوچنجی خط ، مرکز کریسنده کی تپه نک همان کریسنه ، اردو احتیاطی اوله رق اقامه ایدلمشدی که بو قوت دشمنک احاطه

حرکانه قارشى قويمق ، اردونك رجعتنى حمایه ايلك لدى الايجاب
برنقطه استناد اولمق وظيفه سنى ايفا ايدم جكدى .

ز — پرنس لازاروويچ قوماند سنده كى ۵,۰۰۰ صرب عسكرى
صول جناح آچيغنده و اوسما نهرينك صول ساحلنده بولونيوردى .
بعض آوروپا مورخلرى صرب عسكرينك اوچنچى خطك صاغ
جناحنده احتياطده بولونديغنى بيلدirmekده درلر .

ح — اك كريدنم عثمانلى اردوكاھى موجود اولوب دروننده
آفرانلر بولونيوردى .

۲ — ۱۳۰,۰۰۰ موجودنده ارلان متفقين اردوسنك محاربہ
نظامى :

عثمانلر بروجہ بالاتر تياتى اخذ ايدركن محارقالى سيزيسموند
نيكبولينك جنوبنده بولنان فرانسز قرارگاهنه كلهرك عقد اولنان
مجلس حربده : « عثمانلى اصول حربنه واقف اولان اولاحلرله ،
محارلرى برنجى خطده بولونديرمق ونتيجہ قطعيہ يى فرانسز لره براقق ،
پلاقى تكليف ايلدى . بوفكره آميرال دووييهن ايله زاق دووقوس
موافقت ايتديكى حالده مارم شال بوسى قو ايله قوننه تابل دو طرفندن
اعتراض ايدلدى ونهايت فوق العاده كبر و ضروره مستغرق اولان
فرانسز پرنسلى اوكه آتينه رق ايلك هجومى اجرا ايلك شرفى جبراً
استحصال ايلديلر ! سيزيسموند متأثراً اردوكاھى عودت ايلدى .
بناءً عليه محاربہ نظامى اوله رق متفقين بروجہ آنى ترتيباتى آلدى :
متفقين اردوسى جبهه سى جنوبه متوجه اولمق و طونه نهرينك
اوج درت كيلو متره جنوبنده بولونمق اوزره و صاغ جناحى اوسما
نهرينه يقين وايكى خطلى اوله رق اخذ موضع ايتمش و نيكبولى

قلعه‌سی حزئی بر قوتله ترصد و اشغال ایدلشدی . بناءً علیه متفقین اردوسی آرقه‌سی طونه نهریله نیکبولی قلعه‌سنه ویرمش بولونیوردی .

۱ — برنجی خط : فرانسزلرله بورغونیاشوایه‌لرندن مرکب اولوب بونلر ؛ آمیرال ژان دووبیهن ، قونتابل دو ، ژاق بوربون ، هانری دو قوس ، تره موئییل ، فلیپ دارتووا ، قونت دیرلامارش فلیپ دوبار ، مارشال بوسی قوسوماندالرنده ایدیلیر . بونلرک برقسیمی فرانسز قرالک یقین اقراسندن ایدی .

B — مرکز غروب‌بندن ایکنجی خط : قرال سبزیسموند قومانداسنده اولوب مجارلر ، بوهمیالیر ، بوسنه‌لیلر ، باویرالیر ، آلمانلردن مرکبیدی .

C — صاغ جناح غروبی : لازقوویچ قومانداسنده خرواتلردن عبارت ایندی .
D — صول جناح غروبی : میرچه قومانداسنده اولاهلردن عبارت ایدی .

E — نیکبولی قلعه‌سی ترصد و محاصره‌یه مأمور برقسیم فرانسزلر اولوب قونت دونه‌وه ر قومانداسنده ایدیلر .

F — مجارلرله متفقین اردوکاهی .

G — فرانسز اردوکاهی .

H — مجار خفیف فیلولوسی .

پلان و امر موجبجه اردو بونظامی اخذ ایدلرک بدایت‌ده مدافعه‌ده قاله‌جق و عثمانیلرک تعرضه انتظار ایده‌جکدی .
عسکری تاریخ - ۴

نيكبولی میدان محاربه سنك احوال طپو غرافيه سی :

نيكبولی میدان محاربه سنك جریان ايتديکی اراضی ، شمالاً بك مهم بر مانع اولان طونه وغرباً ده اوسما نهر لرله محاط ایدی . طونه اوزرنده کوپری اولمادیغدن مرور آنجق کیم لرله ممکن ایدی . اوسما نهری دخی کچید وبر میوردی . طونه نك صاغ ساحلنده بولونان نيكبولی قلعه سی بك مستحکم ومتین اولوب محاربه ائساننده عثمانلیرك ائنده بولونیوردی . نيكبولی نك عثمانلیرك ائنده بولونسی ، طونه ، و اوسما نهر لرینك مهم بر مانع اولمسی متفقین اردوسنك خطر جعت ومواصله سی تهید ایدیوردی . میدان محاربه سی طولی عرضه نسبتله داها واسع وآز عارضه لی اولوب هر درلو حرکاته مساعد ایدی . قائلی میدان محاربه سی نهر لرله محاط مذکور دار ساحده جریان ایتمیشدر .

محاربه نك طرز جریانی

ایلولك ۲۸ نجی جمعه کونی طرفین بزوجه بالا محاربه نظامی آلمش بولونیوردی . فرانسیز شوالیه لری عثمانلی پیشدارلرینی کوریر کورماز بر دقیقه بیله صبر ایدمه میه رك پلان وامر خلافتنه در حال عثمانلی پیشدارلری اوزرینه تعرض ایتدیلر . حتی آمیرال دووییه بر آاز اول مجلس حربده سیژیسموندك ایلك تعرضی اولاحلرله مجارلرك اجرا ایتیمی حقنده کی تکلیفی موافق کورمسنه رغماً بودفمه ائنه ژاندارك رسمی حاوی بر باریق آلمش مؤثر نطق لرله قومانداسنده کی عسکری هجومه تشویق ایدیور ومجارلرك حسارتی تحقیر ایدیوردی . فائق قوت لرله ایلرله یین فرانسیزلر اولاك ایلریده بولان خفیف سواریلرله عزبلره هجوم ایتیلر . فرانسیزلرك بوتون قوت لرله ومدهن

بر صولله هجوملری قارشیشنده قالان عزیزلر اساساً اینی اسلحه ایله ده
تجهیز اولما- قلدیلرند بک فضلہ صایعات و بر دیلر و نهایت رجعتہ مجبور
قلدیلر .

وندن سو کره ورائسز عثمانلیلرک برنجی خطنه تعرض ایتدیلر؛
فقط مرکز ورنجی خطه بولان تیراندازلرک اوکنده بر بوجوق
متر هاید شراپول قازبقلری و ارایدی و مد و ریاده لر فرانسزلره
قاش شدنی و مؤثراوق انداحت ایدیوردلردی . بو وضعیت قارشیشنده
آنی اوله رق بر شیء یابه میه حقلربی و فضلہ ضایعات و بر دکربی
بورده ورائسزلر در حال یایا حنکینه ایندیلر و اوق یاغموری آلتنده
هم صایعاتلرینه رغماً شراپوللری کچرک تیراندازلره ده هجوم ایتدیلر .
کوکس کوکسه بک شدتی ، دوامی و خوزیزانه بر مجادله دن صه کره
ر هلی بولان فرانسزلر قارشیشنده ، زرهسز اولان عثمانلی پیاده لری ده
نهایت رجعتہ مجبور قلدیلر و کریده کی سواری خطنک آرقه سینه
چکیلدیلر .

برنجی خصده کی عثمانلی پیاده لرینک رجعتی فرانسزلری ده ازیاده
شوق و غیرته کتیردیکندن مرکز غروبنده کی ایکنجی خط اوزرینه ده
تعرض ایتدیلر ؛ فقط مرکزده و ایکنجی خطده بولونان عثمانلی
سواریلری ده بلا مبارزه احتیاط عمومی اوزرینه رجعت ایتدیلر .
بو وضعیت قارشیشنده فرانسزلر بوتون بوتون هیجانه قایله رق
و مظفریتدن امید وار اوله رق شمدی یه قدر دوچار اولدقلری بک
چوق ضایعانه و صفلرنده حاصل اولان قاریشیق و انتظامسزانه رغماً
رجعت ایدن سه اریلری شدتله تعقیب ایتدیلر . حابوکه بوراده
فرانسزلر کنده لیرینه چکی دوزمن ویره جکلر و کریلرنده و اوزاقده

قلان متفكر و روڊي بڼه به رك مشركاً تعرض ايدم جگړې .
فرانسزېر بوقاعده به رعايت ايتمكاري كې اصول حربلرینه نظراً ياي
جنكده دشمنى مغلوب ايدنجه؛ باركېرلرینه بينه رك ، رجعت اندن
دشمنى آتلى تعقيب ايتلى ايجاب ايتديكى حالده بودفعه كرى به
دونوب باركېرلرینه ده بينمكه لزوم كورمديدلر ويايا اوله رق منفرداً
تعرضلرینه دوام ايتديلر ؛ فقط اوكلرنده تپه نك اوزرینه چيقينجه ،
بردنبره قارشيلرنده عثمانيلرك اوچنچى خطى تشكيل ايدن نازه قوتلرى
يعنى خاصه سواريلرينى كورديلر . كېرى به باقديلر ، بينك آتلىرندن
بك اوزاقلاشدقلىرى آكلاديلر وشوتللكلى وضعت قارشيسنده
شاشيرديلر وترده دوشديلر . فرانسزېر شو تردد وقرار سزاق
ايچنده ايكن بيلدېرم ، درحال خاصه سواريلر به و مدھش بر سر عتله
حېه دن هجوم ايتدى . جناحده كې سپاهيلر ده فرانسزېر لك كرى ايله
ارتباطلرى قطع ايتمى امر ايتدى . قېوقولى عسكركلرېنك بوصول
شجيعانه ي اوزرینه مدھش تضيق آلتنه آلان فرانسزېر آمېرال
(دوويين) ك « شواليه لك ناموسى قانمزه تميزله مى ز . بورده
معنده مدافعه ايدم رك شواليه لك اوغورنده فدائى جان ايتمك
لازمدر . » طرزنده كې نطقنه ده اهميت وېرميه رك پريشان بر صورتده
فرار ايتمكه باشلاديلر و بك مدھش ضايعات وېرديلر ، چونكه جناحلر ده
بولتان عثمانى سپاهيلرى آرقه لرندن چوېر مش ايديلر .
فرانسزېر لك قسم كيدن بك زياده آيريلوب منفرداً بودرجه ايلر بلدى
سزيسموند قطع اتندن و قنده معاونت كورمه ملرېنى و مغلوب اولملرېنى
موجب اولاشدر .

فرانسزېر سواريلرېنك باركېرلرينى طونان افراډه ، عثمانى - سپاهيلرېنك

رجعت ایدن فرانسزلرك خطر جعتنی قطع ایتدیکی و آرتق بر معارنت امکان قالمادیقنی و منادیاً عثمانی تعرضینک ایلرله دیانی کوره دک ، کیری به قاجغه ماشالادیلر . سیز بسموند مغلوب اولان فرانسزلره معاونت ایچون بر مقدار سواری کوندردی ایسه ده بونلرده فرانسزلرك قاجان مارکیرلرینه چاربه رق قارمه قاریشیق اولدیلر . فرانسزلرك مغلوبیتی کربده احتیاطده بولان متفقین اردو سنه ده سرایت ایتدی . صاغ وصول حنا حلرده بولان خرواتلر و اولاحلر عینی عاقبتیه دوچار اوله حقلرینی آکلاد فلرندن فراده ماشالادیلر . بواشاده یالک ز سیز بسموند قومانداسنده بولان مرکز قولى موضعی محافظه ایدیوردی .

سیز بسموند قورتیله یلوب فرار ایدن فرانسزلریده طوبالایه رق تحت قومانداسنده کی بوتون قوتیله ؛ مـدان محاربه ده طوبالایه مقدمه و ترتیب و تنظیم ایدلمکده اولان عثمانی پیاده لری اوزرینه تعرض ایتدی و بدایتیه یکچیریلری بوزدی و سپاهیلریده دوچار تزلزل ایتدی ایسه ده ییلدیرم خاصه سواریلرله کریدن درحال مقابل تعرضه کجیدی و شبد بر صورتده سیز بسموند اوزرینه آتیلدی . شدتلی و قانلی محاربه نتیجه نده متفقنك صوك مقاومتیه قیرلیدی و متفقین عسکرلری مغلوباً رجعتیه باشلادی .

عثمانیلرک موفقیتی کورده ن صرب برنسی لازار وویچ نتیجه قطعیه نی آکلاد قدن صوکره عثمانیلره معاونت ایتدیکی کوسـترمک اوزره بواشاده متفقینک یان و کریلرینه دوغری تعرض ایتدی . هر طرفدن احرا ایدیان شدتلی تعرضلر ، دشمنی بردها مقاومت ایده میه حک صورنده پریشان ایتمش و غیر منتظم صورتده طونه اسد تقامتند فرار ایتلرینی موجب اولمشدر . قرال سیز بسموندده معیتده قالان جزئی

عسکرله قاچه بيلمش و طونه ده برقاينه آتلايوب طونه منصبنده دوران ونديك سماننه التجا ايتك صورتيله كنديني قورناراييلمشدر .

محاربتهك اك بحرانلى وقارغشلق زماننده ييلدزم مجروح اولمش و آتى ده بردشمن قيليچ ضربه سيله مرد اولمشدى . ييلدزم ياره-نه اهميت و برميهرهك ديكر برآنه بينمش داغيلان پياده لرى طويلامش و سواربلره شدتلى تعرضلر اجرا ايتديرهك ظفر قطمى استحصالي ايتمشدر .

فرار ايدمهك داغيلان متفقين افرادى طونه يه قدر عثمانيلر طرفى- تعقيب ايدلى . پك چوقنرى قيليچدن كچريلدى و برچو-لرى اسير ايدلى . فراريلردن برقىمى خوف و تلاشدن كنديلرى طونه يه آنديلر و غرق اولديلر . برقىمى ده اساساً ارزاق بوكلى اولان كميله هجوم ايتديلر؛ فقط قوه استيعايه سندن پك چوق افراد بىنديكمن فضله نخلته تحمل ايدمه ين بوكيلرى ده باطيروب بوغو-لديلر . آردو پاك بو حرب مقدسه اشتراك ايدوب قورتولايلان ديكر برقىم افرادى ايسه يوللرده سفالت و آچلقدن ئولديلر . حتى بالائينا قوتنى ديلنجى قيافيله ممالكته عودت ايتك ايتشمش ايسه ده اوده يولده آچلقدن وفات ايتمشدر .

باش قوماندان مغلوب دشمنى نيكبولى يه قدر تعقيبدن ص-وكره ميدان محاربته دوندى و نتيجه شاهدا تنده عثمانيلرك بودر حضايعانه آغلادى . مظفر اردو اوچ كون ميدان محاربته ده قالهرق استراحت ايتدى . بومدت ظرفنده شهيدلر كاملاً دفن ايدلى و ياره-يلر طويلاندى . ولايانه وجوار حكومتلره على الاصول فتح نامه لر كوندردلى و عثمانلى اردوسى ادرنه يه عودت ايتدى .

نیکبولی محاربه سنده طرفینک ضایعاتی حقنده دسترس اولنان معلومات مخلف اولوب عثمانلیرک ضایعاتی ۳۰,۰۰۰ و متعینک ایسه بونک برمنلی فضلہ اولدینی قبول اولونه بیلیر .

ییلدیرم اسرادن بر قسمی فرانسزلرک برکون اونکی حرکات وحشیانه لرینه مقابله المثل اولوق اوزره اعدام ایتدیرمش ایسه ده کنجیرایله فرانسه اصلزاده لرندن یکریمی دردینک حیاتلرینی ناغیشلادی . بونلر ایکی سنه اسارتده قالدیلر . بعدہ ییلدیرم بازید اسرایه مظنن برآو صافتی ویردرک مدکتلرینه عودتلرینه مساعدہ ایتشدیر . حین عودتلرنده اسرا آره سنده بونونان فرانسز اصلزاده لرندن اردو قوماندانی قوت دونه ودر (قورقوسز ژان) عثمانلیرہ قارشى بردها سلاح استعمال ایتمه حکمنه دائر یمین ایتدیکی زمان ییلدیرمک اردو منزہ قارشى بردها سلاح استعمال ایتمه چکک حقنده کی قسمکی کا اعاده ایدیورم مرد برآدم ایسه کیت یسه سلاحه صاریل ! حتی بوتون آوروپا دولتلریله علیهمہ اتفاق ایدهدرک بکا بوبله بویوک ظفرلر قازانقی فرصتی ویریرسه کدها زیاده نمون اولورم . دیدیکی مشهوردر .

بوشانلی مظفریت اوزرینه ییلدیرمه وارد اولان تبریکنامه ده ، مصر سلطانی [سلطان اقلیم روم] عنوانی استعمال ایتمش و بوندن صوکره عثمانلی پادشاهلری مذکور عنوانله تسمیه ایدلمک باشلا یلمشدی .

نیکبولی سفرندن استخراج ایدیلان نتایج : نیکبولی ظفرینک اهمیت سیاسیه سی بویوکدر . همان بالعموم آوروپا حکمدارلرینک اتفاقیه وجوده کتیریلان اهل صلیب اردوسی ، دها حدود بوبنده تماماً احیا ایدلمشدرکه بوغالیبت تورکلرک شان و شهرتی برقات دها

اعلا یشدر . قهرمان و جنگاور تورک اردوسنک مغوب ایدبله میه جکی قناعتنک آوروپاده تأسسنه خادم اولمش و تورکلرک بالقانلرده حاکمیت مطلقه سنی تامین یشدر .

عسکری نقطه نظرندن بوسفری تدقیق ایدرسنک: عثمانلی اردوسنک حرکات سوق الجیشیه ده یک بوبوک بر سرعت و قدرت و باش قوماندانک سوق و اداره ده یوکسک قابلیت و مهارت کوستردیکی حیرت و تقدیرله آکلاشیلیر . شوبله که :

متفقین اردوسی اوزون مدت حرب، استحضار اتنده بولونقدن و آوروپانک هر طرفدن قوای امدادیه آلدقدن صوکره نیکبولی به کلمش و قلعه نی محاصره ایتشدی .

استانبولک محاصره سیله مشغول اولان ییلدیرم بدایتده وضعی سکونت و صفوق قانداقله قارشیلایه رق ده اول باشلادیی استانبولک محاصره سنی یاریده بر اقامق ایچون محاصره میه دوم ایلمش و فقط بالذات تحقیقاتی نتیجه سنده وضعیت دیکشدیکنی (ورونجه ، یکی وضعیت قارشیسنده در حال ک موافق قراری ویزه استانبولک محاصره سنی رفع و اردوسی یورغون اولسنه رغماً آر زمانده ارنه ده طوبلامش و اعظمی بر سر ، له واک مصله یلدن و دشمنک هیچ بکه مدیکی اصغری بر زمانده نیکبولی پیشه کاهنه ورود ایتشدر که بو خرفی العاده سریع حرب سوق الجیشیه دن باشالایان خصم اردوسی ؛ آرقاسنی طوبه نی مهم بر مانع ایله نیکبولی قلعه سنه ویره رک یک فنا بروضه عینده چیه آلوب حرب قبوله مجبور اولمش و بالذیه تماماً محو اولمشدر . بآء علیه نیکبولی سفری التزام سرعت قاعده سنک اک پارلاق برمه ایدره طوبه بونجه حدود قلعه لرینه کافی محافظلر اقامه سی ده دشمن حرکانی

تاخیر ایلیش و عثمانلی اردوسینه وقت قازانیردق اردونك حرکات
سوق الجیشیه سنی تسهیل ایلشدیر .

ییلدیرم بازیدك جسارت شخصیه سنی وقوماندانلقده کی دهای
عسکر یسی مظهریتك استحصالتك پك بوبوك مؤثر اولمشدیر .

فی الحقیقه عثمانلی اردوسینك محاربه موضعی پك موافق اولاراق
انتخاب ایلمشدی ؛ چونكه اردو صول جناحنی اوسمانهریه استناد
ایتدیرمش و کرسنده ده خطر رحمت طبیعیه سنی بولاندیرمشدی . باخصوص
دشمن اردو سنی کنه یسیله نیکبولی قلعه سنی آردوسینه آلمشدی . بوکا
مقابل متفقینك محاربه موضعی پك فنا و صوك درجه تهلیکلی ایدی .
زیرا آرقه لرندۀ عثمانلی محافظلری طرفدن مدافعه اولان نیکبولی
قلعه سنی الله پك بوبوك و مهم بر مانع اولان واوزرنده هیچ برکوپریسی
بولونمیان طونه نهری ، صاغ خانانده ده اوسمانهری بولونیوردی .
بشام عایه متفقینك خطر رحمتی امین دکلدی . کرچه هر کی نهر اوزرنده
متمدد کوپریر انشسی صورتیله بر درجه قدر خطوط مواصله تأمین
ایدیله بایردی ؛ فقط بوکا زمان و مالزمه نك مفقودتی مانع ایدی .
بشام عایه مغلوب اولان متفقین اردوسی بوا بایدن غولاً منتظماً
رحمت ایدممش و اردو سنی قورتاراماش و التاجه مأ منهرم
اولمشدیر .

متفقینك حرکات سوق الجیشیه سنی ده دوغری دکلدی . مادامکه
استابیرل محاصره سیله مشغول عثمانلی اردو سنی آرقه دن وورق
و نورکاری آورو باین قورومق ایستهنلیوردی . محاصره ادواتنك
نقصانلغه رغماً طونه اوزرنده کی قلعه لرك محاصره و ضبطی ایله بهوده

زمان غائب اتمك موافق دكلاری . بناءً عليه متفقین اردوسی (باغراد
نیش - صوفیه - فایه - ادرنه) طریقہ استنبول - استقامتہ سریمآ
ایلرہ ملی ایدی . الذیصہ ودهامؤثر اولان شو استقامتی بر اقوب طونہ
بویندہ عثمانی قلعه لرہ اوغراشمق خطا ایدی .

طرفین اردولرینك تشکیلات و امر و قوماندان اعتبارہ مقایسہ لرینہ
کلانجہ : دہای عسکریمی نسبتندہ شدید و عزیمت پرور اولان بیلدیرمك
تحت قوماندانسنده ، عثمانی اردوسی متجانس برکتہ جائندہ حرکت
ایتمشدر . عثمانی ردوسندہ تشکیلات و تجهیزاتك مکملاتی ، تعلیم
و تربیہ و معنویاتك بوکسکاککی و باش قوماندانك عزیم و شدتی سایہ سندہ درکہ
استنبول کبی بویوک برشہر مستحکمك در حال محاصرہ سینی رفم
وسنہ لدنبری تمادی ایدن محاصرہ بورغونافغہ رغماً بلا استراحت جبری
یورویشلرہ اصغری بر زمانہ نیکبولی بہ ورود وہان دشمنہ تعرض
و قطعی ضربہ نی ایندیرمك ممکن اولمشدر .

متفقین اردوسی ایسہ مختلف مللردن مرکب اولوب آیری آیری
قوماندانلرہ تابع ایدی . اردودہ انسجام داخلی ، امر و قوماندانہ
وحدت یوفدی . بوسیدین بوتون اردونك بر باش قوماندان طرفدن
سوق و ادارہ سی تأمین ایدلہ مہ مشدی . فرانسز شوالیہ لرینك
جسار تلرینہ مغرور اولہ رق منفرداً و قرار خلافتدہ حرکت ایتمہ لری
و دیگر مللرک ارازابساندہ تمایز ہوسنہ قابلملری اردودہ انتظام سزاق
و انضباط سزاق بالخاصہ حرکاتدہ عدم وحدت تولید ایلمشدی . فرانسز لرك
بویوک براستعجال کوستروب منفرداً تعرضلہ ، عثمانی صفلری داخلندہ
و متفقہ لرندن پك اوزاق مسافہ لردہ ، محاربہ اتملری و بوائاندہ متفقہ لرینك
ہیچ بر معاونتہ مظهر اولاماملری فرانسز لرك منفرداً مغلوبیتنی

و متفقینك بر قوماندا آئنده آید بر - سوق و اداره دن محروم اولدی
و ضربه قطیه نك و متحداً و بوتون قوتله ایندیر بله مامسی اردونك هزیمتی
انتاج ایلشدر . مفاخر ملیه مزه پارلاق بر ظفر قازاندران نیکبولی
سفرینك مطالعه سی موجب فائده در .

نیکبولی سفرینك صوکی

۳ - واره میدان محاربه‌سی

[۸۵۱ هجری - ۱۴۴۴ میلادی]

اسباب حرب : ییلدیرم بازید صوک دورلرنده یک زیاده ذوق و سفاخته دلمشدی . اخلاقاً - قوطایتدیکی نسبتده مغرور اولان ییلدیرم آنقره جوارنده چبوق آباد موقعنده تیمورانشکک بش مثلی فائق اردوسی ایله اجرایتدیگی قانلی میدان محاربه‌سنه اسپردوشمش، عثمانلی اردوسی تماماً پریشان اولمشدی (۸۰۴ هـ) . ییلدیرم بازید معنوی اضطرابدن متأزماً ۸۰۵ نارنجنده وفات ایتدی . بروسه داخل اولوق اوزره آناطولی تیمور اردوسنک استیلاسنه معروض قالمش و تخریب ابدلمشدی . بوفلا کتدن صوکره کنج عثمانلی حکومتنده داخلی اختلافلر، قانلی مصادمه‌لر باش کوستردی . دولتک موجودیت سیاسی صارضیلدی . یوتون بونلره رغماً ۱۲ سنه دوام ایدن دور فترتد آز صوکره عثمانلیلرینه کندیلیری طوبلادیلر . یکیدن اکتساب شوکت و قدرت اطهارینه باشلادیلر .

ایکینچی مراد پادشاه اولدقدن صوکره استانبول عثمانلیلر طرفندن دردنجی دفعه محاصره دلمش امپراطور - سنوی ویرکو اعطاسنه مجبور ایدلمشدی (۸۲۷ هـ) . متعاقباً آناطولی و حاضنه یکیدن باشلانمش و آرزمانده اکیال دلمشدی . ده صوکره صربستان و مجارستانه قارشى موفقیتلی آقینلر باشلادی .

۸۳۲ ده - سنان پاشا قومانداسنده بر عثمانلی اردوسی طونه لوزرنده کی قولومباج (کوکرچینلک) قلعه‌سنه مواصلت ایدرک مجار قرالی سیکیزموند قومانداسنده کی اردویی مغلوب ایتمش و قروشه و اچ

ایله قولوباج قلعه لرینی ضیط ایلشدی . بووقه اوزرینه صربستان
 دخی قدیمی و حمله عثمانلیله عسکر وبرمکی تدهد ایتشدی . بعده
 سلانیک قلعه سی دردخی دفعه اوله رق محاصره ایلدش و ندیکلیزدن ضیط
 ایلدشدی (۸۳۴هـ). متعاقباً یانیه و شمالی آربا ووداق اشغال ایلدی .
 آورده نوس زاده علی بک ۸۴۰ده اردل (ترانسیلوانیا) قطعه سینه داخل اوله رق
 حسابیز غنائم واسیر آلدی ؛ فقط سینه اوسنه صرب واولاح بکربنک
 بحار قرالی ایله عثمانلیله عاینده کی مخبراتی خبر آلدش وایکنجی مراد
 سفره راوریرمش ، عثمانلی اردوسی مشکل ر محاربه دن سوکره سمندره
 قلعه نی ضیط ایلشدی . سمندره قلعه سنک امدادینه کان بحار
 قرالی آلبه رک اردوسی ده پریشان ایلدی . بومضفیریت اوررینه
 ایکنجی مراد بوسه نی ده تم دیدایده ک ویرکو اعطاسنه مجبور ایتدی
 آلبه ر وفات ایدوب لادیسلا (ولایسلاو) قرال اولیجه ؛ عثمانلیله
 منعقد معاهده بی طانیق ایسته مدیکندن ایکنجی مراد آورده نوس
 زاده علی بک قوماندا سنده بر اردو کوندرمش و باغراد آلتی آی
 محاصره ایلدش ایدی (۸۴۵هـ). بحار قرالی لاریسلا سک فک محاصره
 حقنده کی تکلیف لری قبول ایلدش و فقط باغراد بر درلو ضیط
 ایدبله مه مشدی .

بواشاده مزید و طرخان بک رک قوماندا سنده دیگر بر اردو ،
 اولاح مالکندن کچه رک ترانسیلوانیاده [هرمانشتاد ، وایسبورغ] .
 قدر کیتمش و اوراده ژان هونیاد اردوسیله اک شیدید بر محاربه یه
 طوتوشه مشدی . محاربه نک اک بحرانی بر زمانده ، اهل ایدیلن
 قلعه محافظلرینک بر دمبره عثمانلی اردوسی آرقدن اورمسی اردونک
 محوینی و مزید بک شهادتی موجب اولمشدی .

مغلوب ایدیلره من ظن ایدیلن عثمانلیلره قارشى احراز ایتدیكى شو ظفر ، ژان هونیادك شهرتى آرتدیرمش ، وقعه ایکنجی مرادی يك زیاده متأثر ایتمشدی (۸۴۶ هـ) . هونیادی بومحاربه ده آدینی اسیرلری بیک بیرکن قارشیشنده ذوق واستهاسنی تربیدایجون اعدام ایتدیرمشدی . مزید بکله اوغلنك باشلرینی ایسه غنائله دولو واون بارکیله چکیان برظفر آرابه نك اوسته قویوب متفق صرب قرالی ژورژ برانقوویچ هدیله اوله رق کوندرمشدی . اوزمانك الك مشهور خرسنیاں قوماندانلرندن اولان ژان هونیاد ترانسیلوانیا ووبووده سی اولوب عثمانلیلر طرفندن یاتقو تسیمیه اولنان هونیادی یانوش در . ایکنجی مراد بومغلوبیتك انتقامی آلق اوزره ، طونه یاقه سی محافظی شاهین پاشا قومانداسنده ۸۰,۰۰۰ کیشلك براردونی مجارستانده آقین احراسته مأمور ایتمشدی . اساساً این برعسکر اولمیان شاهین پاشا غافل اولانه رق ژان هرنیادك واساغ موقعنده قوردینی بوصویه دوشمش و اردوسی پریشان اولمشدر [۸۴۶ هـ] . یکدیگری متعاف عثمانلیلرک شوایکی مغلوبیتی اوروپالیلری شوق وغیره کنیردی . بالخاصه ژان هونیادك ۳۰,۰۰۰ کیشی ابه ۸۰,۰۰۰ کیشلك برعثمانلی اردوسی مغلوب ایتسی وایا دردنجی اوژنك عالم خرسنیا نیی تورغر علیه تشویق ، حکومات صغیره یه جرأت ویره دك عثمانلیلر علمینده کی اتفاقه داخل اولمیرینه سبب اولمشدی . عثمانلیلری آوروپادن ، آسیایه طرد ایتك مقصدیله بویوک بر اردو احضار ایدلدی . بواردونك باشنده قرال لادیسلاس ، ژان هونیاد ، پانك مرخصی قاردینال سزاری ی بولوندینی حالده پشته دن حرکتله سمندرده دن طونه نه ری کچیلدی ونیش جوارنده عثمانلی اردوسنه نصادف ایدلدی . بوئانده ایکنجی

مراد قره‌مان عسائی تسکین ایچون بالذات آنا تولیده مشغول اولدیغدن عثمانلی اردوسی نیش جوارنده جریان ایدن شدتلی محاربه‌ده مغلوب اوله رق رجعت ایتدی [۸۴۷هـ] . عثمانلی اردوسی تعقیب ایدن متفقین ، هاب صوفیه شهرینی ده ضبط ایلدی . عثمانلی اردوسی بالقان داغلیزیه چکیلرک اهتان ، طرایان کچیدلری اشغال وبوخطمه مدافعه‌ده قالدی .

بواهل صلیب ردوسنت تعرضیه رابر قره‌مان بکنک عسائی ایکنجی مرادی مشکلات ایچنده براقش ومتأثر ایتمشدی . بناءً علیه ایکنجی مراد اولا وبالذات قره‌مان اوغوللاری اوزرینه توجهله قونییه ضبط وقره‌مان اوغلی غانیه‌سی باسدیرمش ودرحال روم ایلی جهتنه کچرک ژان هونیاده قارشلی قلبه ایله صوفیه آراسنده بالقان کچیدلری سدومدافعه ایدن عثمانلی اردوسنک باشنه کچمشدی . ژان هونیاد اردوسی متعدد تعرضلر اچراسیله اشبوکچیدلری زورلامش ایسه‌ده ضبطه موفق اوله مدیعی کبی صفوک شددندن ده فضله ضایعات وبرمشدی . ژان هونیاد ناچار رجعت ایتدی . عثمانلیر تعقیب ایتدیلر . تعقیب مفرورلرندن بری شهر کوی بوغازنده پوصویه دوشوب احاطه اولوندیغدن بونلر ، قسماً شهید وقسماً اسیر اولدیلر اسرا میانده صدر اعظم ابراهیم پاشانک اوغلی وخلیل پاشانک برادری داماد محمود چای‌ده وار ایدی .

دشمنک صوک تعرضلری قطعی صورتده قیرلقدن ورجعته مجبور ایدلدکن صوکره ایکنجی مراد ، روم ایلی محارباننه ختام ویرمک ایسته‌دیکنندن بحارلرله اون سنه مدته سلدینده بره‌صالحه عقد ایتدی [۸۴۸هـ] . مصالحه نامه‌نک عقدنده اسیر دوشن دامادینی

قورتارمق ایچون کریم، سنکده تاثیر اولمشدر. بومعاهدہ موجبجه؛ صربستان ورومانیا سنوی، یرکویرمک شرطله صربستان ورومانیادن ضبط اولنان یرلر اعاده اولونه جتی؛ یعنی صربستان ایله هر ملک صرب قرالی برانقوویچ و بریله حک، افلاق مجارستانه احاق ایدیله حک و پادشاهک دامادی محمود چلبی ایچون فدیة نجات اولارق یتیمشیک دوقه اعطا اولنه جتی. هر ایکی طرف (پادشاه و مجار قرالی) بومعاهدہنی محافظه ایده جک کرخی کتب مقدسه اوزربنه یمین ایده رک تأیید ایلشدی. بوائشاده بوبوک اوغلی علاءالدین چلبینک وقوع وفاتی ایکنجهی مرادی پک متأثر ایتدیکندن، ریاست حکومتی اون دوت یاشنده بولنان اوغلی فاتح محمد ترکله آخر عمرینی سکون وازوا ایچنده کچیرمک مقصدیله مغنیسایه چکیلدی. آنجق پک کنج اوغلنک اداره حکومتده خطایه دونمائی ایچون اسکی وزیرلرینی معیتندہ راقشدی که صدارت مقامی خلیل پاشا اشغال ایدیوردی. عقد اولنان معاهده احکامنه رعایت ایدیله رک صربستاندن ضبط ایدیلان قلعہ لرک اعاده ایللمسہ رغماً مجار قرالی اون سنہ مدتلہ عقد اولنان بومصالحه نامه یه اون کون بیله صداقت کوسه ترمه دی چونکه؛ بر طرفدن قره مان اوغلی ابراهیم پک: عثمانلی پادشاهنک حردن اوصادیقنی و تخننی اون دوت یاشنده کی صبی اوغلنه ترک ایلدیکنی بناء علیه عثمانلیرہ هجون ایچون بوندن دهامساعد فرصت ظهور ایتجه چکنی، مجار قرالی لادیسلاسه بر مکتوبله بیلدیرمش و بوخبر انتقام اخذنه فرصتجو قرالک فوق العاده ممنونیتی موجب اولمشدی. دیگر طرفدن معاهدہنی عقد ایدن عثمانلی مرخصلری مملکتلرینه دوزر دونمز؛ جناق قلعده بولنان پاپا دونانماسنک آمیرالی قادینال

فرانچسکو ایله بیزانس ایمپراطوری یو آنیس پاله ئولوغوس دن مجار قرا له کلن مکتوبلرده : « بورغونیا - ایتالیا سفاتی حریبه سندن مرکب بردونانماک چناق قلعه بوغازنی سد ایدهدرك عثمانلیلرك آناطولیدن روم ایلی به عسکر نقل ایتملیشه مانع اولدیعی و قره مان اوغلنك آناطولیده یکیدن عصیان ایلدیکی جهتله مجارلرك روم ایلی به تعرضی حائده ایکنجی مرادك آناطولیده اقامتدن بالاستفاده عثمانلیلری مغلوب ایتك يك قولای اوله جنی ، بیلدیرلمش و قرال حربه تشویق ایدلمشدی .

اوججی والک مهم تأثیر؛ پاپاک مرخصی طرفندن اجرا ایدلمشدی . شویله که : پاپاک مرخصی قاردينال سهرارینی ، سکدین ده .. هده ناده عقد اولونورکی شرائطی مجارلرك منافعه پت موافق کوردیکندن سستی چیمار مامش ایدی ؛ فقط قره مان اوغلندن ودونانما قوماندانلغندن کلان مکتوبلاری خبر آیر آلمانلرك ایاده ممنون اولمش و معاهده نامه نی فسخه تشبیه ایتلمشدی . بومقصده قاردينال سهرارینی ، محقرمك حسیات دینه سی تحریک ایدهدرك : « پاپاک مساعده سی آلمان خرساتیانلغ دشمن بی آمانی اولان تودکارله مصالحه عقد ایدلکیکی و دیاسیزلره قارشى نقض عهد و عیمینك هیچ برحکمی اولمیه حقی ، بیلدیرمش و حرب ایدیلشی تکلیف ایتلمشده ، دیگر طرفدن پاپاده ژان هو یادی آله ایتك و حربه اقناع ایتك ایچون : « بولغارستان اراضیمی ضبط ایدلدیکی تقدیرده کندیسنه بولغارستان قرالائی توحیه ایديله جکفی وعد ایدهدرك حربك تسریعنه غیرت ایدیوردی .

بوتشبات اوزرینه ۴ - آغستوس - ۱۴۴۴ ده سکدین ده بر

عسکری تاریخ - ۵

مجلس حرب عقد ايدلى . مجلسده يالکز پولونيا مرخصهلى
حرب علمنده بولونديلر ؛ فقط لاديسلاس ومعيتى حربى بهمه حال
الزام ايتدكلرندن اكثريتله حربه قرار و يرلدى وبويوك بر اردو
احضاريله همان روم ايلي اوزرينه ايلرلنكه عهد ايدلى . حربده
اكرى بسقبوسى سيمون ، غروس واردابنلى ژان دودومى نيس ،
بوسنهلى رافائى ايله مجار قوماندانلرندن ژان هونيادو مجار آسپلزاده لرندن
يدى كيدشيك قرال معيتده بولنه جقلى نقرر ايتدى .

طرفينك فواى حربيه سى : وارنه ميدان محاربه سنده عثمانيلر
۱۰۰,۰۰۰ ؛ متفقين آدروپا مورخلرينه نظراً ۲۵,۰۰۰ ؛ مصر
سلطانه يازيلان فحنامه يه و تورك تاريخلرينه نظراً ۸۰,۰۰۰
موحودنده برر اردو طريلايه بيلمشلردى . عثمانلى اردوسنك عزب
و آقنجيلر مستثنا اولقى اوزره اسلحه و تعليم و تربيه سى اينى ايدى .
بالخاصه يكيچرلر منتظم پياده عسكرىنى تشكيل ايدىوردى .
متفقين اردوسنك اسلحه و تجهيزاتى بك مكمل اولوب اولاكلردن
ماعدا افراد زرهلى و ايكي طرفى كسكين قيلميج ايله مسلح ايدى .
طوبلر بده واردى .

طرفينك سفر پلانى :

آ — عثمانيلرك سفر پلانى : سكدن معاهده نامه سنك بوقدر
قيصه زمانده عثمانيلر عايمنه فسخرى اميد ايدلمديكى كې بو خبرده برآز
كچ آلتش و يكنجى مرادك باش قوماندانلى قبول ايتمى مسئله سيده
اوزامش اولديغدن ؛ عثمانيلر استحضارات سفر يه يه بك كچ باشلامشردى .

بنام علیه متفقین اردوسی نیکبولی به ورود ایندکدن صـ و کره عثمانی
اردوسی ادرنده اجتماع ایدم بیلیمشدی .

مملکتی اهل صاب اردوسنك استیلا سندن قورنارمق مقصد بیله
عثمانی اردوسی ، الكیسه طریق اولان (فلبه - شبقه - طرنووه -
نیکبولی) استقامتنده سریعاً ایلریله جك ومتفقین اردوسنه تصادف
ایتمی کرده تعرض ایدم جكدی . بوراده اوج احتمال دوشونیلیمشدی .

۱ — متفقین اردوسی نیکبولی قلعه سنك محاصره سینه مشغول
اولدینی تقدیرده ؛ ارقه سندن تعرض ایدیله جك دشمن ردوسی ،
عثمانی اردوس بیله قلعه محافظلری آردسندم صیقیشدیریوب احما
ایدیله جكدی .

۲ — خصم اردوسنك الك دوغری برحرکت اولان جنوب
استقامتنده ، ادرنه اوزرینه توجهی حالنده ؛ دشمن اردوسنه تصادف
اولنه حق محلامه تعرض ایدیله جكدی .

۳ — دشمن اردوسی نیکبولی قلعه سنی محاصره ایتیمه رك
ادرنده دن غیری براستقامتده ایلریله دیکی تقدیرده ؛ عثمانی اردوسی الك
آله جنی معومات اوزرینه خصم اردوسنه توجه ایدم جك و ممکن
اولورسه نیکبولی محافظلریله برلشه جك و دشمنه ، یقالادینی یرده
تعرض ایدم جكدی .

ب — متفقینك سفر پلائی : مقصد روم ایلی بی استیلا
وتوركلری آوروپادن آتمق اولدیغندن تعرضی ایدی . متفقین اردوسی
طونه وادیسنجه نیکبولی اوزرندن شرق استقامتده ایلریله رك وارنهی
ضبط ایدم جك و بعدد قره دكز ساحلی بونیجه جنوبه ایتیمه رك استانبول دنده

قوای معاونه آله جق و چناق قلمه بوغازبنك سدی طولایسیله
ادرنه ده طولاینه جنی طیبی اولان روم ایلی عسکرلرندن مرکب کوچوک
عثمانلی اردوسی احایده جکدی .

متفقین اردوسی ایچون اک دوغری حرکت ؛ اک طیبی و اک
قیصه بریول اولان (نیکبولی-طرنوود-قله) اوزرندن ادرنه استقامتند
سریعاً ایلیله ملک و عثمانلی اردوسی ، تجمع منی اکال ایتمه دن یا قالا یوب مغلوب
ایتمکدی ؛ فقط یک چوق آغیر لقلره مالک متفقین اردوسنن فیشین بالقانلردن
مروری تهله کی اوله جی و بالقان داعلری منطقه سنده مواد اعاشه نك
فقدانی حسیله اردونك بویوک مشکلاته معروض قله حنی دوشونیلمش
حابوکه وارنه استقامتنه توجه ایدلیدی تقدیرده ؛ وارنه به ورودی
مترر متفقین دو با تاسیله توحید حرکات ایتمک و مواد اعاشه منی اکال
ایلمک نمکن و سهل اوله جی کبی قره دکیز س-احی بویجه حرکت
حائده استنبون قوای معاونه-یله برلشمکده قبل اوله-هی و چناق
قلمه بوغازبنك دو با تاسیله طرفدن سدی طولایسیله آنا طولی عسکرینك
روم ایلی به نقلی منع ایدلمش اولدیغدن بولانك تفتیقده مشکلاته
معروض و یجمه-هی ماقشه یدیه دك يك یا کاش بر پال قبول ایدلمشدی .
بوملاحظات غیر وارد اولوب حقیقنده محارقرالک ، استانبوله کیده رک
ایمپراطورک کریمه سیله تاهل یتمک آرزوسنه مغلوباً شو حطالی حرکت
احتیار ایدلمشدی .

متفقین اردوسننك استحضارات سفریه-یله وارنه
استقامتنده حرکات سوق لجیشیه-هی : سکدن محاس حربنده
عثمانلیر علیه قرار و بریلیر ویرلمز همان استحضاران باش-لانیلدی .

اردونك دها قوتلى اولسى ايجون بحارستانه خر حڪمدار اولان
مملكتلره آدروپا حكومتلرينك اكرتيسندن معاونت وقوت طلب
ايدلدى. صرب قرالى براتقوويچ معاهده موحنجه تكميل اراصيدى
۱. تردادايتدىكى جهتله عثمانليره قارشى اعلان حرب ايجون هيچ بر سبب
قلمه ديفندن بحاله جواب رد وىردى. پولونيا لير تانارلرك متمادى
آقيللىرى حسيبله آنجق حزن بر قوت كوندريبله جكلرىنى سىلدىرديلر.
يوسىملى اسفان ساما له اولاح ومولداوا بكلرى قواى معاونه له اشتراك
ايدم حكلىي وعد ايتديلر. بزانس ايمپراطورى يو آندىس پاله اولوغوس
طرفندن ده مهم مقدارده قواى معاونه كونده ريله جكى اميد ايدىلوردى.
آرناؤد بكي (قاسم تروپا) ۳,۰۰۰ سوارى ايله محارستانه كچوب
اردويه التحاق ايتك ايسته مش ايسده صربستاندن مرورينه، صرب
قرالى مساعدده ايتامشدر. حربه اشتراك ايدن يسقبوسلرده بك آز
قوت كوندردكلرندن ايلول بدايتده سىكدين ده آنجق ۱۲,۰۰۰
كيشى اجتماع ايدم بيلدى. اجتماعى متعاقب حركت ايدن بوكوچوك
اردونك آغىر قللىرى بك زياده ايدى [قروكى - ۱۳].

مذكور اردو اورصووايه مواصلت ايتدىكى زمان، ايتجهيز
ايدلمش ۴,۰۰۰ كيشى ايله التحاق ايدن ژان هونىاد باش ق. ماندانلقه
تامين ايدلدى. متفقين اردوسى ۲۰ - ايلولده اورصووادن
طونين مرور ايتدى وبركونده قلادووايه واصل اولدى. قراللك
دبدبسته متعلق اشيا ايله آغىر قللىر ۱۰,۰۰۰ آرابيه بالغ ادمشدى.
آغىر قللك مقدارىنى تزييدو حركاتى سكتهدار ايتمه مك ايجون آغىر طوبلر
ترك ايدلدى. يالكنز خفيف طوبلر برلكده آلتدى.

قلادووا ضبط ايدلدى. اردو تيموق نهرندن كچدى ۲۶ - ايلولده

(ویدن) . کلدی . اورس . ووادن ویدن ۱۱۰ کیلو مترو اولوب
بومسافه بش کونده قطع اولمشدی . ویدن ده ایکی کون استراحت
ایدیلرک بمده حرکت ایدلدی . راحووه تخلیه ایدلمش بولوندی
واردو یوروشه دوام ایدرک ۴ - آشرین اولده نیکبولی به مواصلت
ایتدی

نیکبولی قلم سی پک مستحکم اولوب قوماندانی فیروزک زاده
محمد پک ایدی . متفقین آغیر طوپلرله محصره ادوانی کریده
براقدیغندن قلمیه هجومدن صرف نظر ایدیلرک یالکیز واروشلری
احراق ایدلدی . بونکله برابر خیلی تلفات واسیر ویرلدی .

اولاح کی دراقوله ۴,۰۰۰ سوارلی ایله نیکبولی حوارینده اردویه
التحاق ایددی . متفقین اردوسنک موجودینی تخمیننک پک دوننده
کورهن دراقوله ؛ بوسفردن واز کچمه لرینی تکلیف ایددی ایسه ده
لادیسلالاس و هونیادیکنک حنت و تحقیر لرینه هدف اولمقدن باشقه
بر نتیجه آلد ایده مدیکندن ، مخدومی عسکرک باشنده براقورق کندییی
ملکتنه عودت ایتدی .

متفقین اردوسی نیکبولی دن صوکره هدف الحركات اصلی دشمن
اردوسیدر ، قاعده سنه بناء ادرنه ده هنوز تجمعی ا کمال ایده میان
عثمانلی اردوسنه بر آن اول ضربه قطبینه ایندیردیلمک
ایچون اک طبیعی واک کسیدیرمه بریول اولان ؛ طرنووه اوزرندن
وبالقانلری شپقه کچیدن مرورایدرک فلبه طریقله ادرنه استقامتنده
ایلرله مسی ایجاب ایدرایکن بوجه بالاسفر بلاننده کی غبروارد ملاحظاته
توفیقاً ادرنه استقامتی ترکله ، شرق استقامتنده وارنه اوزرینه یوروشه
دوام ایتدی . ژان هونیاد اولاح و مجارلردن مرکب بر قوتله اردو

پیشدادی اوله رق ایلیده بورویور قرال لادیسلاس ایسه متباقی
عسکر و آغیر قلقلره برابر قسم کلینی تشکیل ایدیوردی . بوترنیده
متفقین اردوسی رازغراد اوزرندن ۲۴ - تشرین اولده بکی بازاره
کلدی . بکی بازار مساحکم بر شهر اولدیغندن مشکلات ایله ضبط
و حیوانانه ورنجهیه قدر بوتون اهالیسی قیلیچدن کچیرلدی .

بوموفقیت اوزریه لادیسلاس شمنی ، پتر یچ ، قاولانه و وارنه
شهرلریله جوارده کی دیگر شهرلره بیسانامه لر کوندردک تسلیم
اولملری تقدیرنه سرست براقیله جقلربی عکسی تقدیرده قیلیچدن
کچیریله حکارخی بیلدیری ایسده عثمانیلر حیدوده جوار بولنان
شهرلری تحکیم ایتس . مدافعیه عزم الله مش اولدقلرندن حوابرد
و بر دیلر .

لادیسلاس ، شمنی اوزرینه یوردودی و ۲۶ - تشرین اول -
۱۸۴۴ ده شمنی پیشکامنه کلدی . شمنی حسیم بر قایاق اوزرینه
بنا ایدمش بر قلعه لوب دروننده اولدجه محافظیده وار
ایدی . بیراده قانی محاربه جریان ایتدی و محافظلردن ۲۰۰
قدری شهید دوشدکده سوکره شمنی سقوط ایتدی . حتی شهر
داخلنده کی قلعهیه انج ایدن ۵۰ عثمانلی قهرمانی ، بر جلدن کدک
آچیلوب مهاجینک قلعهیه کیردکلربی کوردور کورمن کندیلربی
بر جدن آنه رق شهید ایلبار . بو ائشاده طر نووه استقامته ۵۰۰
کشیک بر مفزده کوردلای ایسده بوقوت ۳۰۰ تلفات ویرمش
و رجته مجبور اولمشدی .

متفقین اردوسی ، ۴ - تشرین نانی ده پراوانی به کلدی . شهر
ضبط و کاملاً احراق ایلدی . اردو پراوایدن حرکتندن برکون

صوکره (پتریچ) واصل اولدی . یوکسک برتیه اوزرینه انشا ایدلش اولان پتریچ شهرینک جنوب قسیمی اوج متره عرضنده بویوک برخندکله ستر و محافظه ایدلشدی . سورلری مردیوه نلرله چیقماق ایستیهن مهاجینه؛ مدافعه قلعهدن طاش آتهرق فضله ضایعات ویزدیرمش ایسهده نهایت بوراسیده هجوم حبری ایله ضبطر بوتون محافظین قتل ایدلدی . پتریچدن حرکنله آقشیمی (میخلیج) واصل و شهر تخلیه ایدلش بولندی . قامچی نهرنده بولومان عثمانلیرک ۲۸ سفینه سی تخریب ایدلدی .

قرال لادیسلاو اردوسی ۹ - تشرینان - ۱۴۴۴ ده وارنیه کلدی . وارنیه جنوبنده کی (غلانا) حصاریله شالنده کی (ماقره بولیس) و (قاورنه) شهرلری تسلیم اولدیغندن متفقین، وارنیه ک همان شمال شرقیسنده اردوگاه قوردی .

متفقین اردوسنک بوحرکات - سوق الجیشیه سی سراپا خطادر؛ چونکه متفقین اردوسی الک قیسه یولدن (طرنوه - قله - ادرنه) استقامتده هدف الحركات اصلی اولان دشمن اردوسی اوزرینه یورویه جک و عثمانلی اردوسی، تجمع سوق الجیشیه سی اکمال ایتهدن یقلا یوب مغلوب ایتیمکه چالیشاقدی . حالبوکه متفقین اردوسی هدف اصلیدن انحراف ایله شرقه، وارنیه اوزرینه توجه ایدرک یا کلاش بر استقامت تعقیب ایتدیکی کبی بعض شهر و سواقی ضبط ایچوند بیهوده زمان وقوت اسراف ایلشدرکه و خطای سوق الجیشینک حراسنی مغلوبیله اوده مشدر .

عثمانلیرک استحضارات سفریه سی وحرکات سوق الجیشیه سی : قره مان اوغلنک بحار قرالنه کوندردیکی مکتوب و متفقینک

استحضارات حریه سی عثمانیہ طر فدن خبر آلتجہ؛ فاتح محمدک
کنجلیکی و تجربہ سزلیکی وزرای دولتی اندیشہ یہ دوشوردی .
بو مسئلہ نک مذا کرہ سی ایچون صدر اعظم خلیل پاشا نک تشبیلہ فاتح محمدک
ریاستندہ، ادر نہ دہ عقدایدیل بر مجلس حردہ: «ایکنجی مرادک تکرار
ریاست حکومتہ دعوتی تقرر ایتدی» ویریل قرار موجبجہ؛ ایکنجی
مرادہ: «ریاست حکومتی تکرار قبول و ملاکتی مدافہ ایچون اردونک
امرو قومانداسی در عہدہ اتمک اوزرہ ہان حرکت ایتسی» احترام
ایدلی ایسہ دہ بودعوتنامہ یہ ایکنجی مراد: «پاک نسامزدن اولان
اوغلارہ تخنسی ترک ابدیم» ریاست کندیسنہ لازم ایسہ دین
ودولتی صیانت ایتسین. آنک رأیلہ حرکت ایدیکز!، جوانی
ویرہ رک اختیار عزائی ترجیح ایتشدی؛ فقط وکلانک: «ریاست
کندیلرینک ایسہ کلوب دفع اعدایہ مباحثہ تلمری فرض عیندر .
یوق، اگر اوغمنک ایسہ؛ اوغلی اعتراف عجزلہ دشمنک حقندن
کلمک اوررہ پدیرنی اردونک باشنہ دعوت ایدیور . اولوالامرہ
اطاعت ایتلمری لارمدر» طرزندہ دیگر بر دعوتنامہ کوندرملری
اوزرینہ ایکنجی مراد، حرکتہ مجبور اولمش و درحال فعایتہ
کچمشدر .

شویلہ کہ: ایکنجی مراد آرزماندہ آناطولیدن جمع و تدارک
ایتدینکی ۴۰،۰۰۰ کیشیلک بر اردوایلہ ادر نہ یہ حرکت ایتدی .
دشمن دوپاشاسنک چناق قلعه بوغازینی سد ایتدیککی خبر آلتجہ؛
روم ایلہ یہ مرورد آنجق استانبول بوغازندن قابل اولہ جغنی دوشونہ رک
حرکتی ہم تسریع و ہم دہ دشمندن کیزلہ مک صورتیلہ آرزماندہ آناطولی
حصارینہ کلادی. وزیر اعظم خلیل پاشا ایسہ بر قاج کون مقدم روم ایلہ

حصاری جوارینه گلش و ساحله طوپ تعبیه ایلشدی. ایکنجی مرادنفر باشنه بردوقه اجرت ویره رک جنوز کیمیلرله اردوسنی، خلیل پاشانک حمایه سی آلتنده روم ایلی یقاسنه کچیردی .

آناطولی عسکرینک استابول بوغازندن بردنبره روم ایلی به مرورلری روملری شاشرتدی . روملر مجارلرک متفق اولدقلری حالدۀ عثمانلی اردوسنک ییزانس سورلری اوکندن کچوب ادرنه به کیمیلرینه قارشی سیرجی قالدیلر . آناطولی اردوسی تشرین اول او-اطنده ادرنه به واصل اولدی . فاتح محمد پدرینی استقبال ایلدی . ایکنجی مراد دشمن حقنده وضعیته دثر معلومات لازمه آلدی و شیمدی به قدر ادرنه ده طوپلارنان عثمانلی اردوسنکده ستحضارات سفر به سی سریمّا اکیال ایلدی .

بوآنساده متفقین اردو-نک نیکبولی به ورودینه دثر خبر آندیغندن عثمانلی اردوسی همار (قلبه-شبیقه-طرنووه) طریقله نیکبولی اوزرینه بورودی که بوحرکت بک دو عری ایدی .

عثمانلی اردوسی التزام سرعته قیصه برزمانده نیکبولی به مواصلات ایتمش ایهده؛ دشمنلرک اول شرق (وارنه) استقامتده کیمدیکنی اوکرنمسی اوزرینه، نیکبولی محافظلرله قوتی تزیدایدک همار شرقه توجه ایلر رازغراد طریقله وارنه استقامتده یورویشه دوام اتمشدر .

عثمانلی اردوسی بودارالحرکاده متعدد سفرلر احرا ایتدی ایچون احوال اراضی به دثر وقوف نام صاحبی ایدی . باش قوماندان دشمن اردوسنی بردنبره آرقه سندن باصره رق خط رجعتی قطع و غیر مساعد وضعیته یقلا یوب محاربه نی قبوله اجبار ایتک ایسته بوردی .

فی الحقیقه ۹ - آشرین نان آقشامی عثمانلی اردوسی بوبارلاق پلانی
تطبیقه موفق اولمشدی ؛ چونکه دشمنك خط رجعتی قطع ایتش
ودشمن اردوسی وارنه حوارینده صقیقشدیرمش بولونیوردی .

عثمانلی اردوسنت ۴ : ۵ کیلومترو مسافه سنه تقریبی کورهن متفقین
تلاشه دوشمدی و برتدیر احتیاطی اولمق اوزره اوکیجه قره غولار
ترید ایدلدی . حتی بارکیرلر اوزردن ۱ کرلر آلمانلی .

ترس جبهه ایله محاربه ایتك و محذوری : ۹-شه ن نان
۱۴۴۴ وض-میتند عثمانلی اردوسی متفقینك خط رجعتی تمام قطع
ایتش اولدیغندن ، متفقین اردوسی محاربه ایچون عثمانلیله لر قاشی
جبهه آلتیجه ؛ خط رحمت طبعی (خطوط مواصله) سی جبهه سی
ایلریسنده قلمش ایدی که وکا : ترس جبهه ایله محاربه ایتك دیرلر .

الك دلیلی واین محاربه وض-عتی ؛ خطوط مواصله نك کریده
بولمسی ۱۰-۹۰۰ عمود اولمه سیدر . خطوط مواصله جبهه یه مائل
اولورسه وکا : «مائل جبهه» دینیر که بوضعیته خطوط مواصله به
یاقین ارلاا حناحه «-وق الجیش جناحی» نامی ویربایر . بوحاج اردونك
الك ضعیف و حساس نقطه سیدر .

ضعیف براردو ایچون ترس جبهه ایله محاربه ایتك چوق تهلیکلی
و فلاکتی داعیدر ؛ چونکه مغلوبیت حالمده اردو کندی مملکتینه
رحمت ایدمه حکندن و منزل خطندن ایرلدیغندن تماماً نحو اولور .
آنحقی تفوق عددی بی حائر براردو، خصصتی قطعی میدان محاربه سنه
اجبار و امحالیده بیلمك ایچون، بوبوك قیاسده احاطه مانوره-ایله دشمن
قوای اصلیه سنك خط رجعتنه دوشهرك اونی ، ترس جبهه ایله حرینی

قبوله اجبار ایدر که سوق الجیش داهیسی ناپولیونک حرکات سوق الجیشیه سی
تدقیق اولتورسه دانما بواصولی تعقیب ایتدیکی کوروئور . ناپولیوندن
تقریباً اوچ بوجق عصر اول اجرا ایدیلان وارنه میدان محاربه سنده
ایکنجی مراد متفقینی احما ایچون فائق اردوسنه بک این برمانوره
اجرا ایتدیرمش و خصمنک خط رجعتنه دوشهرک اونى بک فنا
بروضعیته یاقالامش وترس جهه ابله حربی قبوله مجبور ایتشد . بویوکسک
مانوره عثمانلی اردوسی باش قوماندانک صنعت حربده کی قدرت
و مهارتی اثباته کافیدر .

بوضعیته متفقینک کریسنده دکز بولنسی ایسه تهلکینی
آرتدیربیوردی .

میدان محاربه سنه تقدم ایدن کیجه متفقین اردوسی
وضعیتک مناقشه سی : ۹ - تشرین ثانی - ۱۴۴۴ آقشامی ،
شوبجرائلی وضعیت حقنده برقرار ویرمک اوزره متفقین قرارگاهنده
برمحاس حرب عقد اولوندی . فائق قوتلر قارشیدنده و بک فنا و وضعیته
قلان متفقین ایچون ملاحظات آیه وارد خاطر اوله بیلیر :

۱ - برقم قوتله عثمانلی اردوسی اشغال ایدرک قسم کلی ابله
همان استانبول ارزینه یورومک وروم قوتلریله براندکن صوکره
عثمانلیره تعرض ایتک .

۲ - محاربه نی قبول ایتیه رک رحمت ایتک .

۳ - ۱۲۰ - سفینه دن مرکب متفقین دونانماسی بکله یوب
یوکا استناد ایلک و دونانماک و رودینه قدر وارنه قلمعه سنده مدافعه ده
هالق .

۲ — محاربه‌ی قبول ایتک .

برنجی احتمال کج‌مشدی ؛ چونکه : متفقین اردوسی شیمدی به قدر عثمانلی مواقع مستحکمالرله اوافق تفک محاربه‌لر وبره‌دك بهوده وقت غائب ایتش و دشمنله پک یقیندن تماس حاصل اولمشدی . آرتق مانوره قابلدتی فضلّه و قوتی فائق اولار عثمانلی اردوسی قارشیدسندّه بوحرکت پک مشکلدی .

ایکجی شق : عثمانلی اردوسی غرب استقامتی تماماً قیامش اولدیغندر بولعارستاندر رجعت ممکن دکلدی . شماله رومانیا به چکیلماک ایسه ، پک + بولک برنهر اولان طونه‌دن مرور ایچون مقتضی کویری مالزمه‌سی موحد اولدیغندر فائق قرئر قارشیدسندّه بوحرکت تهلاکلی ایدی ؛ فقدر بومشکل وفا وصعیتده حربی قبول ایتکس ایسه الک موافق حرکت سریمآ شمال استقامتده رومانیا اوزردن چکماک بدی . اوچنجی ملاحظه : دونائماک زمان ورودی هنوز محمول اولدیغندر و دونائماک اردو ایچون نه قدر بر فائده ناپس ایسه حکمی شبهه‌لی بولودیغندر بهوده زمان صیاعنی موجب اولوردی . بالخاصه وارنده ازاق بولنامسی اردونک وارنه قلعه‌سندّه اوزون مدت مدافعه‌ده قلمسی امکانز قیابوردی .

ژانیه نیاد : « تعرض احراسته قادر بر اردویی مستحکم بر موقعه صوقی مضراوله جفنی و درناما یتشنبه به قدر آچاقدن مشکل وصعیته کیره حکمرانی و تعرضک افراد اوزرنده حسن تأثیر حصوله کثیره حکمی » بیان ایده‌دك محاربه‌ی ترجیح ایتدیکی کوی بوتون قوماندانلر ظفردن پک زیاده امین اولدقلرندن محاربه‌ی آرزو ایتشلردی . لادیسلاسده بومصالحاتی تصریب ایلشدی .

طرفین اردو لریٹک محاربہ ترتیبائی : ہر ایک اردو تشرین
تانی نک اونسی صالی کونی صباحین وارنہ نک غربندہ بروجه آتی
محاربہ ترتیبائی آلمشدی . [قروکی - ۱۴]
۱ --- ۱۰۰,۰۰۰ موجودندہ اولان عثمانی اردو سـنک محاربہ
نظامی :

عثمانی اردو سی جہہ شرق و شرق جنوب بہ متوجہ اولق و صاغ
جناحی دہوینا کولہ مسـتد بولونمق اوزرہ ایکی خط حاصلہ اخذ
موضع ایتشدی .

آ — صاغ جناح غروب (برنجی خط) : طرخان بک قومانداسندہ
اولوب روم ایلی سواریلرن مرکبدی . محاربہ روم ایلی دہ اجرا
ایدلیکی ایچون روم ایلی عسکرلری صاغ جناحہ قومئشدی .
ب — مرکزدہ (برنجی خط) : پاہیلر .

۶ — صول جناح غروب (برنجی خط) : قرہ جہ پاشا
(اوروج پاشا) قومانداسندہ اولوب آناطولی سواریلرن مرکبدی .
۷ — صول جناح آچیغندہ : آقینجیلر و عزب عسکرلری
واردی . بونلر ہم اردونک صول جناحی حمایہ ایتم و ہم دہ دشمک
صاغ جناحی تہدید ایتم مقصدیلہ بورادہ رلشدیرلشدی .

۸ — مرکز کریسندہ (ایکنجی خط) : ایکنجی مراد قومانداسندہ
اولوب قاپوقولی عسکرلرن (بکیچریلر و خاصہ سواریلری) مرکبدی .
بونلر منتظم برقلعہ نظامی آلمشلر و جہہ لرینی شرانپوللو سپرلرلہ تحکیم
ایتشلردی . ایشبو ایکنجی خطک وظیفہ سی برنجی خطک رجعتی
حمایہ ایتم و اردونک احتیاط عمومیسفی تشکیل ایتم اولوب دشمنک
برنجی خطدہ موفقتی حالتدہ محاربہ یہ دوامی تأمین ایلک ایدی .

و — اك كريدە مەسحكەم عثمانلى اردوگى اولوب دروننده
آغبرلقلر بولونيوردى . اردونك حرکاتى تاخيرایتمەك ملاحظەسىلە
عثمانلىلر يك آز مقدارده آغبرلق ايله حرکەت ايتمشلردى .

۲ — ۸۰,۰۰۰ موجودنده اولان متفقين اردوسەنك محاربە
نظامى :

متفقين اردوگى ، غەرب و غەرب شەمالى بە متوجە اولمق و وصول
حاجى دەويندا كۆلنە مەسكەن بولونمق اوزرە طولانى برخط حالندە
خەد موضع ايتمشدى .

۱ — ژان هونىاد عسکرلرى .

۲ — زىيەن بوركر عسکرلرى .

۳ — زەفس قلر عسکرلرى .

۴ — بحار عسکرلرى .

۵ — جىلاكى عسکرلرى .

۶ — لايسلاس عسکرلرى .

۷ — ، ، ،

۸ — بوسنە بسقبوسنك عسکرلرى .

۹ — غروس واردەن عسکرلرى .

۱۰ — فرانچىنالاوجى قومانداسندە خرواتلر .

۱۱ — قاردىنالىلەغانەن عسکرلرى .

۱۲ — اكرى بسقبوسنك عسکرلرى .

۱۳ — لاسقبوبونچ قومانداسندە اولاحلر .

۱۴ — متفقين اردوگامى .

باش قوماندان ژان هونىاد عثمانلىلرک تفوق عددیسنى واصول

حربی دقت نظره آله رقی، او آنه قدر استعمال ایترکاری قدملی
نظامی ترك ایله اردوسنه برخط اوزرینه ترتیبات آلدیردی . بوخط
مختلف قطعه لر دن تركب ایدیوردی . هونیادی وارنه سورلر دن
۱،۰۰۰ خطوه مسافه ده قروکید . کوریلن موضعی انتخاب ایتشدی .
بوموضع ده وینا کوندن شرق شمالی استقامتده کی طاغ انکسه قدر
امتداد ایدیور و ۴،۰۰۰ خطوه طولنده بولونیوردی که اوزمانک
تعیه سنه کوره متفقین قوتیله غیر متناوب محاصره برجه ایدی .

صاغ جناح لری ایلیسند عثمانلیلرک مستوراً ایلیله مسنه خادم
چالیرله مستوریماحلرک موجودتی، بوخناحک مقاومتی صغفه دوچار
ایدیوردی . بوکچاره بولمق اوزره هونیادی ، صاغ حناحی برآز
کری آلدی . قدملی بر صورتده قوتلندیردی . بوخناحک ده
کریسند مستحکم اردوگاه تأسیس ایدرک طوبله آغیراتلری
بورایه یرلشدیردی .

اردونک قوتی تحقیص ایتمه مک مقصدیله وارنه وغلاطه شهرلرینک
محافظه سیچون قوت افراز ایدله مشدی . مرکزده قرال لایسلاس
بوسنه و کندی عسکرلرله ؛ صول جناحده هونیادی بش مختلف
قطعه ایله ؛ صاغ جناحده خروانلر وقاردینال سه زارینی ایله یسقهوسلرک
عسکرلری ، مرکز کریسند احتیاط عمومی اوله رتده اولاحلر
اخذ موضع ایتشدی .

وارنه میدان محاربه سنک احوال طپو غرافیه سی : وارنه
میدان محاربه سی شرقاً قره دکز، شمالاً داغلق و چاللیق عارضه لی
اراضی ، جنوباً دوینا کولی ایله محاط و محدود بر ساحه دن عبارت
ایدی .

وارنه ؟ بیزانس-لوردن قلعه حسین سورلرله چوریلش مس-تحکم
برشهردر . سورک جنوبده دهوینا کولتک بر بوجق کیلومتره طولنده
بولان آماغی دکنزه منصب اولور قسماً بطاقاقدرد . ایکی قسم اولان
دهوینا کولتک طولی یکریمی کیلومتره قریب-در . پراوادی نهری
بوکوله منصب اولور . کولک جنوب ساحلی غایت صarp و ۳۵۰ متره
ارتفاعنده وصیق آغاجلی اورمانلرله مستور داغلرله محاطدر .

• میدان محاربه سی وارنه نك غرب و شمالنده کی دوز، قومق و قوراق
بر اراضیده جریان ایتشددر . وارنه نك شمال و شمال غربیسنده کی
صرتلر ، جالیلر و آغاحلرله مستور اولدیغدن حسین - وری حرکاته
مساعدا دکدی ؛ فقط مستوراً یلرله کی تسهیل ایتدیکندن متعرضین
ایجون فائده لی ایدی .

محاربه نك طرز جریانی

رحبک طقوزنجی صالی کونی طرفین بروحه بالا محاربه نظامی
آلدقندن صوکره باش قوماندان مستوراً تقریبه مساعدا اولان دشمنک صاغ
جناحنه ، کشف و وضعیتی مساعدا کوردیکی تقدیرده محاربه
ایتمک وظیفه سیله عزبلرله آقینجیلردن مراتب ۱۰ : ۱۵ بیک
کشیک بر قوت سوق ایتدی . بولنل اراضیدن بالاستفاده دشمنک
صاغ جناحی یقینه قدر مستوراً صو قولدیلر . آنجق صرتلردن
اینرکن خرواتلر طرفندن کورولدیلر ؛ فقط خرواتلر ،
آقینجیلری فنا وضعیته یقالامق ایجون وادی به اینلرینه استظاراً
بر حرکتده بولونمادیلر . عثمانلیر وادی به اینجه ؛ ناللاجی قوماندان
صنده کی خرواتلر اگری بسقه و سنک عسکرلرله مشترکاً شدتلی بر
عسکری تاریخ - ۶

تعرض اجرا و آفینجیلرله عزیزلری رجعتیه مجبور ایتدیلر (زوال وقتی) عزیزلرله آفینجیلرک رجعتیه کورن قره جه پاشا، درحال برقم قوتیه زمین عارضه لرندن بالاستفاده مستوراً، دشمنه تقرب و خرواتلر اوزرینه شدتله تعرض ایدرک مخروانلری کری به آتدی؛ فقط خرواتلر صاغ جناحلرندن ا کری پسقوپوسنک عسکرلریله تقویه ایدبلرک موفقیتله یکیدن مقابل تعرضه کچدیلر. بواشاده خرواتلرک صول جناح و کریسنده بولنان غروس واردن پسقوپوسی ایله قاردینال له غانه عسکرلری وضعیتی یک مساعد کوره رک ابرکنجی خطاده کی مهم موقعلری ترکیه عثمانلی سواریلری اوزرینه ایلریله دیلر؛ فقط نام بوسرمده قره جه پاشاک معیتنده کی دیگر آناطولی سواریلری، بردنبره میدان چیقارک بواکی قولک صول جناحه تعرض ایتدیلر و قانلی محاربه نتیجه سنده بونلری مغلوباً رجعتیه مجبور ایتدیلر.

بواکی قولدن انجق ۱۰۰ کیشی قهرتیه بیلوب مستحکم اردوگاهه جان آنه بیلدیلر. عثمانلیلر دشمنی تعقیب ایدرک مستحکم اردوگاهه قدر کلدیلر و متفقینک مزاراقرینه قارشی دره سز کوکسلرینی سپر ایدرک اردوگاهه کیردیلر. بوراده کی محاربه دده دشمنی کا۰لاً پریشان ایتدکن صوکره اردوگاهده بولنان آراهلری قسماً تخریب ایتدیلر.

مستحکم اردوگاهدن برقم عسکرله فرار ایدن ا کری پسقوپوسی وغروس واردن پسقوپوسی وارنیه التجا ایتک ایستندیلر؛ فقط قلعه قاپولرینی قبالی کورونجه شایردیلر و ده وینا کولی استقامتنده قاچدیلر. عثمانلیلر فرار ایدن بودشمنی ده وینا کولنه قدر تعقیب ایتدیلر. نهایت بودشمندن برقمی ایله واردن پسقوپوسی، ده وینا

بط-اقلغه، ساپلانه رق اوراده تلف اولدی و آنجق قسم جزئیسی
فراره موفق اوله بیلدی .

ژان هونیاد محاربه نك بوجنا حده کی بحرانی ازاله ، قصدیه بوسنه
بسقبوسنك قولیه لا . بسلاس عسکر لرینی تحت قوماداسنه آله رق تعقیبدن
عودت ایدن ، نظام و انتظامی بوزولمش و پك یورغون دوش-شمش
اولان آناطولی عسکر لرینك جناحنه شدتله تعرض و آناطولی
عسکر لرینی طاغیر استقامتده رجعته مجبور ایتدی . بوائساده
قوماندانلری قره جه پاشا شهید دوشدیکندن [*] آناطولی سواریلرنده
بوتون بوتون انتظام مزلق ماش کوستردی . ژان هونیاد، آناطولی
عسکر لرینی یکیکچریلره ۴,۰۰۰ خطوه قالدینجهیه قدر شدتله تعقیب
ایلدی . متمادی تعقیب نتیجه سنده یورولمش ، انتظامی غائب
ایتمش اولان متفقین سواریلری ، برنجی موضع لرینه عودت ایتدی
وهونیادی بوسواریلری ترتیب و تنظیم ایچون اوغرا شیرکن اولاحلرده؛
عثمانیلرک محاربه خطنك بو قسمنده حصوله کلن بوشلقدن بلاستفاده
یکیکچریلرک صول جناح آچیقندن طولاشوب ، عثمانلی اردوگاهنه قدر
ایلریده رك اوراده یغما کرلکه باش-لادیلر . بوائساده ده وینا کولی
جناحنده محاربه قیزیشمش بولونیوردی .

ده وینا جناحنده کی محاربه بوجه آتی جریان ایتشدرد : عثمانلی
اردوسنك صاغ جناحنده بولنان روم ایلی سواریلری اولاه تعرضه
قالقدیلر . روم ایلی سواریلری ایجه تقرب ایتدیکی برصره ده
متفقین صول جناحی شدتله هجوم ایدیه عثمانیلری اسکی موقع لرینه

[۱] پروادی به کیدن یول اوزرنده پاشا بابا تربسی نامیله معروف تربده ده

چکیلمکه مجبور ایندی ؛ فقط نازه قوتلرله تقویه ایدیلن عثمانلی
سواریلری، یکیدن مقابل تعرضه کچدیلر و متفقینی رجعت و تلمات
کلیه به دوچار ایتدیلر .

ده وینا کولی جناحده کی محاربه نك متفقین عاینه انکشاف
ایتدیکنی کورن زان هونیاده لادیسلاسه : قوتله اردونك احتیاطی
تشکیل ایتک ولدی ایجاب رجعتی حمایه ایلک ایچون موضعنده قلمسی
و موافقتی آلمه دن هیچ برصورتله موقعندن آبرلماسنی رجا ایلدی .
زان هونیاد مرکزده کی آایلردن بری آلوب صول جناحك امدادینه
قوشدی . روم ایلی سواریلرینه یاندن تعرضه به اونلری تکرار
رجعت مجبور ایتدی و روم ایلی سواریلری شدتله تعقیب ایده رک
اسکی موضعلرنده طوتونمه لرینه مانع اولدی . نهایت روم ایلی
سواریلری محاربه میدانی ترکله یکچریلرک آرقه سنه چکیلمکه مجبور
قاندیلر . بو ائشاده باش قوماندانک معیتنده بوانان یکچریلر، جناحلری
خاصه سواریلرله حمایه ایدلرکی حالد . موضعلرینی محافظه ایدیورلردی .
ایکینجی مراد آنا طولی و متعاقباً روم ایلی عسکرلرینک محاربه میدانی
ترکله رجعت ایتلرله بک زیاده متأثر اولمشدی .

زان هونیادك صول جناحده کی موفقیتی، لادیسلاسك حسدینی
موجب اولدیفندن قرال فرصندن استفاده ایده رک نتیجه قطعی
بالذات استحصال ایلک حرصله قومانداسه نده کی ۵۰۰ قدر کزیده
سواری ابله جهه دن یکچریلره تعرضه قالدی .

ایکینجی مراد، یکچریلر اوزدینه ایلرله یان بوقونی تماماً احاطه
ایده رک احتیاطک مقصدله جناحلرنده کی خاصه سواریلرینه سرویردی
و ایجاب ایدن ترتیباتی آلدیردی . لادیسلاس جهه دن یکچریلره

مجوم ایدرکن ، خاصه سوادیلری ، ایکی جناخدن احاطه ایتدیلر .
 بوغار بوغاره اجرا ایدیلن پک قانلی بر محاربه نتیجه سنده مجارلر
 بریشان وقرالاریده تلم ایلدی . قوجه حصر نامنده بریکچی
 قهرمانی ، محاربه نك الك بحرانلی زماننده قرالک باشی کسه رک باش
 قوماندانه کتیردی .

ایکجه مراد دشمنک قوه معنویاسنی قبرمق ایچون قرالک باشی
 بر منراغه طاقدیردی . اشبو منراغی دشمنک نقض ایتدیکی معاهده
 نامه ایله برابر ؛ محاربه نی اداره ایتدیکی تپه نك الك بوکسک نقطه سنه رکز و
 دشمنه اشپرایتدی . قرالربنک باشی کوردن متباقی دشمن افرادی
 آرم سنده حاصل اولان دهشتلی قورقو ، مر قوملرک مقهوراً فرارلری
 موجب اولدی و ۵۰۰ نفردن پک آزی قورتولوب قاچه بیلدی .
 ژان هونیاد روم ایلی سوادیسنی تعقیبدن عودت ایتدیکی زمان
 قراکلق باصمشدی . قرالی و احتیاط قوتی برنده بولامادی .
 وضعیت وخامتق آکلانجه ؛ قرالک جسدینی آلق ، فلاکتی تعمیر
 ایتک ایستدی و عسکری تشجیع مقصدیله : « بزقرال ایچون کله دک ؛
 دین اوغورینه محاربه ایدیورز . » کبی نصایحده بولوندی ایسه ده
 لادیسلاسلک قتل ایدلیدیکی ایشیدن افراد هبیج بر سوز تأثیر
 ایتبور و افراد مدھش بریلینلقله فرار ایدیورلردی .

دشمن اردوسی هر طرفده بریشان اولمش و ژان هونیاد اولاحلر
 ی معیتی افرادبنکده قاچدق لرینی کوردکدن صوآره کندیسده
 قاچقدن باشقه بر چاره بوله مامشدی . افرادک بر قسیمی وارنه
 استقامتده قوشدیلر سده قابولری قابالی بولدیلر . جزئی بر قسیمی

مستحکم اردوگاهہ التجا ایتدینر ؛ قسم اعظمی طونه طریقہ رجعت ایتک اوزرہ شمالہ چکیلدیلر.

ایکنجی مراد، دشمن اردوسنک رجعتی کیجہنک حلولی مناسبیتلہ کورہمہ مش اولدیغندن، کیجہنی محاربه میدانده چکیردی . مظفر باش قوماندانک کشفی اہمال ایتمی و مغلوب دشمنک راحتجہ رجعتہ مساعدہ ایتمی بک بویوک خطادر. صباحلین محاربه میدانده کیمسہ قالمادیغنی وبالکز دشمن اردوگاھندہ بر قارغشہلق موحود اولدیغنی کوردی وایلریلہ بک دشمن اردوگاھنی ضبط ایلدی . حتی بوحرہ سبب اولان قاردینال سہ زارینی، مذکور اردوگاھی مدافعہ ایدرکن مقتول دوشدی .

تعمیقہ مأمور ایدیلان بکلر بکی داودپاشا، روم ابلی سہایلریلہ ایکی کون ایکی کیجہ طونه نهرینہ قدر دشمنی تعقیب ایتدی و برجوق اسرا و غنائم آلدہ ایدہرک عودت ایتدی .

وارنہ میدان محاربه سندہ متفقینک تلفاتی طونه دہ غرق اولانلر دز بشقہ ۱۲,۰۰۰ کیشی ایدی. عثمانلیئرک ضایعات ۳۰,۰۰۰ قدردی. اردو استراحت ابچون اوج کون محاربه میدانده قالدی . یارانیلر طوبلاندی ، شہدا دفن ایدلدی . عموم ممالکہ فتح نامہلر ارسال ایدلدی . اوج کوندن صوکرہ اردو مظفرآ ادرنہ بہ عودت ایلدی .

ایکنجی مراد مظفریتدن صوکرہ مغنیسایہ منزوی حیانتہ چکیلیمک ایستہدی ؛ فقط یکیچریلرک عصیان و صدر اعظم خلیل پاشانک تشبہی اوزرینہ اوغنیلک ادارہ ملکہ قادر اولہ میہ جغنی آکلایہرق تکرار ریاست حکومتی درعہدہ ایتدی .

فاتح محمد، تختدن سقوطنہ سبب اولان صدر اعظم خلیل پاشایہ بک

زیاده منبر اوله رق مغنیه سابه چکیلدی . بر درلو بو وقعه یی اونوته میان
ایکنجی محمد ؛ نهایت استانبولاک فتحندن سوکره صدراعظم خلیل
پاشانی قتل ایله حدتی لسکین ایده بیلدی .

وارنه سفرندن استیخراج ایدی لان نتایج : ریاست حکومتده
برصدینک بولونمسی و چاق قلمه بوغازینک دونانما ایله قیایمسی کبی
اسبادن سهولته مغلوب ایدیه جکی ظن ایدی لان تورکری ، اوروپادن
هوومق ایچون ؛ بویونک امیدلرله تشکیل اولان سولک اهل صلیب
اردوسنکده هزیمتیه نتیجه لنان وارنه میدان محاربه سی ، تورکلرک
نه قهار برقوت اولدیغی جهانیه اثبات ایتدیکندن پک مهم وقایع
سیاسیه دندر .

عسکری نقطه نظر دن بو - فری تدقیق ایده لم : عثمانلی اردوسنک
کرک استحضارات سفریه و کرک حرکات سوق الحیشیه ده کوستردیکی
سرعت و مهارت و بالخاصه موفقیتله تطبیق ایدی لان احماکار مانوره
شایان تقدردر .

شویله که : استحضارات سفریه ده دشمنک تقدم ایتمنه وجناق
قلمه بوغازینک ، متفقین دونانماسی طرفندن سد ایدلمش اولمسنه رغماً
ایکنجی مرادک امر و قوماندایی درعهده ایدرایتمز ؛ پک قیصه برزمانده
آناطولیدن تدارک ایده بیلدیکی ۴۰،۰۰۰ کیشیلک اردوی ، دشمنه
سزدرمه دن بویونک برسرعت و مهارتله استانبول بوغازندن کچیرمسی
و بالنتیجه ادرنه ده بویونک براردو طوپلایه بیلیمسی موفقیات عظیمه دندر .
ادرنه ده اجنماع و استحضارات سفریه سی اکمال ایدن عثمانلی اردوسنک
سفر پلانی ؛ حال و وضعیه موافق و اک طوغری برصورتده تنظیم

ایداشدی ، فی لحقیقه آلمان معلوماته و وضعیت عمومی به نظر آ عثمانلی اردوسنك ؛ مرکزی و دشمن استقامتنه متوجه الك قیصه بربول اولان (قابله - طرنووه - نیکبولی) طریقہ تعقیب ایتمی و حرکات سوق الجیشیه ده التزام سرعت قاعده - نه رعایتی و حتی حرکات تأخیر ایتمه مك ملاحظه سیله لزوم سز آغیر اقلری ادرنده ترك ایلمی الك موافق بر حرکت ایدی . عثمانلی اردوسی استحضارات سفر بهیه ده اکچ باشلامش ارلدیفندن متفقین ، بدایتده تهمی آلدی ایتمش ایدی ؛ فقط متفقینك حرکات سوق الجیشیه ده بك بویوك خطا ارتکاب ایتمی ، بوکامقابل عثمانلیرك هم استحضارات و هم حرکانه التزام سرعتله الك دوعری خطا حرکاتی اختیار و افتق قوتلرله دشمن اردوسنك خط رجعتی قطع و متفقینی دار بر منطقه ده صقیشدیروب بك فنا بر وضعیتده حربی قبوله جبار و بالنتیجه دشمن اردوسی احما ایلمی ، سوق الجیشیه نمونه اتخاذ ایدیلرک ماهرانه بر مانوره ، صنعت حرب اعتباریله پنت یوکسک بر حرکت سوق الجیشیه در .

خلاصه عثمانلی باش قوماندانی بوسفرده : دشمن اردوسنه توجه ایدیرک « هدف اصلی » - سوق الجیشی ، ؛ نیکبولی قلعه محافظلرندن ده استفاده ایدوب بوتون قوتی آلی آلتنده طوبلی بولوندره رق « تصرف قوا ، ؛ بوتون قوتیله دشمنك الضعیف و حساس نقطه سی اولان خط رجعتنه دوشیرک « قوای اصلیهك صورت استعمالی ، ؛ دشمنه تعرض ایتمکله « تعرض سوق الجیشی ، ؛ استحضارات و حرکانه سرعت کوستر مکله « التزام سرعت و خطا حرکات انتخابی ، کبی قواعد سوق الجیشیهك الك مهملرینی حسن صورتله تنبیقه موفق اواشدر . متفقینك مغلوبیننه برنجی سبب : « هدف حرکات اصلی دشمن

اردوسیدر ، قاعده سوق الجیشیه سنه رعایت ایتیمه ریک عثمانلی قلمه لرینی ضبط ایچون بهوده زمان وقوت ضایع ایتیمسی وبرآن اول ادرنه استقامتمده ایلرله مسی ایجاب ایدرکن بلالزوم شمنی و وارنه حوالیسنده طولاشمسی و بالتیجه فنا بر موقع و وضعیتده و نقصان قوتله میدان محاربه سی قبول و احرا به مجبور قلمه سیدر . باخصوص آغبرلقلرینک لزومدن یک چوق اولمسی ؛ اردونک حرکانی اشکال و تأخیر ایلش و آغیر طوپلرک ترکی ؛ قلمه لر او کنده چوق زمان ضیاعنی موجب اولمشدر . متفقینک حرکات سوق الجیشیه ده ارتکاب ایتیرکی بو خطا ؛ بدایتده آلد ایتیرکی تقدم سوق الجیشیدن استفاده سنه ده مانع اولمشدر . حالبوکه متفقین اردوسی نیکو لیدن طرنووه طریقله ادرنه اوزرینه توجه ایتسه ایدی نتیجه قطعی نی استحصال ایدمیلیردی .

تعبیه خصوصانه کلانجه : متفقین اوزمانکی اصول حربیه مخالف و قوتیه غیر متناسب رحیم ؛ اشغال ایدرک صف تعبیه سی منافعندن استفاده یدمه مش ؛ بوکا مقابل عثمانلیر هر زمان استعمال ایتدکاری مجرب محربه نظاملری تطبیق و استعمال ایتدکاری کی مستور آدشنک صاغ حناخه تقرب ایتک صورتیه اراضینک حالندن ده استفاده ایتکی دوشونمشلردر .

زان هونیاد وارنه میدان محاربه سنک سوق و اداره سنده یک بویوک بر مهارت و اقتدار کوسترمش ، متفقین اردوسیده فوق العاده رغبت ابراز ایلش ایتسه ده ؛ حرکات سوق الجیشیه ده ارتکاب ایدیان خطا اردوینی هزیمته اوغراتمش و تعبیه ساحه سنده کوستربلاز شدت و سرعت مذکور خطای تصحیح ایدم مامشدر . متفقین اردو سنده امر و قومانداده وحدت تأمین ایدیله مامشدی . بچار قرالینک ، باش قوماندان زان

هونیادی چکه میرک؛ باش قوماندانك آرزو و پلانشه مخالف بر صورتده مستقل حرکت ایتسی اردوینی هزیمته سور و کله مشدر . تلمیم و ترسیده برابرلك، اردوده انسجام اولمادیغندن و قرال باش قوماندانك موفقیتنی چکه مدیکندن، مالی مختلفه دن مرگ قطعات آرمنده توحید حرکات تأمین ایدیه مامش و زان هونیادك اقتدار فوق العاده سینه رغماً محاربه، متفقین اردوسنك مغلوبیتله نتیجه لشمسدی .

وارنه سفرینه قدر سواری الك معتبر صنفی و اردونك اساسنی تشکیل ایدیوردی ؛ فقط یک چیریلرک بو محاربه ده ایفا ایلدیکی مهم خدمات نتیجه قطعیتهنك استحسانه عامل اولمش و پیاده صنفنك قیمت و اهمیتنی آرتیرمشدر . بوتاریخدن اعتباراً عثمانلی پیاده سی آوروپا عالم عسکرینسك بحوق نظر دقتنی جلبه باشلامشدر .

وارنه سفری مفاخر ملیه مزندندر . تورک اردوسنك داهبانه و موفقیتله اجرا ایلدیکی احاطه مانورده سی ، پک مهم حرکات سوق الجیشیه دن اولدیغندن، بو سفرک تدقیق و مطالعه سی جداً فائده لیدر .

وارنه سفرینك صوکی



۴ -- فتح قسطنطنیه

[۸۵۷ هجری - ۱۴۵۳ میلادی]

استانبول شهری : هجرتدن ۱۲۴۱ (میلادن ۶۵۸) - سنه
اول ، بونانس-تاند کاش مغاره حاکمی بیزانس طرفندن ایلاک دفعه
سرا برونی صرتی اوزربنه آسا ویزانس نامبله تسمیه اولمشدی .
روما حکمدارلرندن بوبوک قسطنطین ، اوچچی عصر میلادیده بیزانس
شهرینی توسیع و انمار ایتش ، اسمی ده : قسطنطنیه تسمیه ایتشدی .
دها سورده روما ایمپراطورلرندن ژوستین وفات ایددحکی صدرده
تحت اداره سنده کی ممالیکی ، اوغوللری بئنده ایکی قسمه آیرمش بو
صورتله غرب و شرق روما حکومتلری میدانه کلشدر .

قسطنطنیه : آوروپا بله آسیا قطعه لرینک نقطه لاقی سنده اووب ؛
مرمره ، بوغاز ایچی و خلیج - احلار بله محاط بولمق ؛ بوبوک و معمر
برشهر اولمق اعتبار بله وضعیت جغافیه ، مناظر طبعیه ، لطافت موقعیه ،
اهمیت تجاریه و قیمت تاریخی - سبله دنیا نلک اهمیت شهرلرندن یسی
ایدی . بو اعتبارله استانبول قرون اولادن بری ، برچوق جهان کمرلرک
انظارینی جلب ایتش ، بک چوق اولرک هدف الحرکاتی اولمشدر .

استانبولک محاصره تاریخیچه - سی : ۲۹ دفعه محاصره

ایدیلان استانبول ، بو محاصره اردولرندن آنجق بدیسی طرفندن ضبط
ایدلمش و دیگر یکریمی ایکی سنده ، مهاجین شهرک متین سولرلرینه
قارشى هیچ برشی یا بئغه موفق اوله میهرق ، محاصره نی رفعه و آبوسانه
رجعه مجبور اولمشدردی .

استانبولك محصره تاريخچهسى تدقيق ايديله حك اولورده :
 ۱۴ دفعه يونالميلرله رومالميلر ولايتلر، ردفعه آوار خانلى، بردفعه
 اهل صليب، بردفعه ايران شامى خسرو، يدى دفعه خليفه اردولرى،
 ۵ دفعه عثمانيلر طرفندن محاصره ايدلدىكى كوردولور .

عربلر، هجرتك ۳۲ نجى سنه سنده حضرت عثمانك شام واليسى معاويه؛
 ۴۸ نجى سنه سنده خليفه معاويهك اوغلى يزيد؛ ۵۴ نجى سنه سنده
 خليفه معاويهك قوماندانلردن خناده؛ ۹۸ نجى سنه سنده خليفه
 سليمان بن عبدالملكك برادري مسلمه؛ ۱۱۴ نجى سنه سنده خليفه هشام
 بن عبدالملكك قوماندانلردن سيد بطال غازى؛ ۱۶۵ نجى سنه سنده
 خليفه مهابت اوغلى هارون الرشيد؛ ۱۸۱ نجى سنه سنده خليفه
 هارون الرشيد طرفندن محاصره ايدلشدى . ۲۲۳ تاريخنده خليفه
 معتصم دخی براردو ايله استانبول حواريه قدر گلشدى .

«لغة جن القسطنطينيه فلنعم لاميير امير هاولنم الجيش ذلك الجيش»
 حديث نبويه سيله فتح قسطنطينيه، مؤمنلرجه اك علوى برظفريت
 معنوه عـد اولمش ايدلغندن برچوق اسلام اردولرى آيلرجه
 يوروييهك استانبول سورلرى اوكنه گلشـلر؛ ضبطى ايجون
 اوغلاشمشلردى .

عثمانلى دولتلك ظهورده بزانس امپراطورلى، اك بوبوك برحكومت
 ايدى . استانبول شهرى ايسـوت ومعموريت اعتباريله فوق العاده
 برمرتبه ككلاه ايدى .

حضرت پيغمبرك (ص.ع) نبشيراتنه نائل اوله بيلمك ايجون
 توركاردهده استانبولى ضبط ايتك آرزوسى بك شدتلى ايدى

بودن باشقه عثمانلی حکومتک مؤسس عثمان غاری ر منظومه لرنده :
« ستابولی آچده کازاریاپ ، توصیه حماسه تکارانه سیه اخلافه بوقصه
شرقی ارانه بویورمشلردی .

عثمانلیلرک ۱۵۸۸ سنه سنده روم الی به چیمه لری ، استانبولک وسطی
ایچون ایلاک خطومنی تشکیل ایدیوردی .

استانبولک عثمانلیلر طرفندن بریحی دوعه محاصره دی ۷۹۷ سنه سنده
واقع اولمشدر ؛ فقط براهل صلب اردوسنک یکبولی شهرری
تضیق ایتیمی اوررینه ییلدیرم بازید محاصره نی وکابله اردوسیه
نیکبولی به کیتکه محور فامشدی . ییلدیرم بازید یکبولی صهرندن
صوکره ۷۹۹ تاریخده ایکیجی دوعه استانبولی محاصره و عثمانلیلرک
روم الی به مرورنی سهل ایچون آناطولی حصارینی (کورجه
حصاری) نشا ایتدی ؛ فقط بزانس ایمپراطوری امانوئل ستاسوله
براسلام خله سی احدائی ، رمسجد نشا سی ، قضی نصبی ، سوی
۱۰ سیک فیلوری حرج عطاسی و جامعده ییلدیرم بازید نامه خطبه
اوقوتسی تکلیف و صدر اعظمه هدیا تقدیمیه مصالحه رحاسده
بولوندیغندن ایمپراطورک تکلیفی قبول و محصره ربع ابدلی .
استانبوله بر قضی نصب اولدی و بورایه بولی سنجاعندن رقاچ بوز
خانه حاقی نقل اولدی و رمسجد انشا ابدلی . تیور دوعه سی
اوزریسه روملر نقص عهد ایدرک اسلامدی استانبولدن احراج
و جامع شرفی اسانندن تخریب ایلدیلر . حتی شهردن چیقاریلان
اسلاملرک بوله شهر ایدلای ، عثمانلیلرده برحس افعال اوایدی .
اوچنجی محاصره ۸۱۴ سنه سنده موسی چابی و دردنجی محاصره
۸۷ تاریخنده ایکیجی مراد طرفندن اجرا ایدلشدی . فاتح محمد

طرفندن اجرا ایدیلان بشنجی محاصره ده ایسه استانبول ضبط ایدلمشدر .

اسباب حرب : فاتح محمد ممالك عثمانیه داخلنده اداره صلح
 ومسلته موفق اولور اولماز اولجه كلوب كچن بويوك قوماندانلر كبی
 استانبولك ضبطی هوسنه قایلמש وبوباده اعمال فكره باشلامشدی .
 یواننده روم امپراطوری طرفندن اعزام اولنان سفیرك بعض
 مطالبات فوق العاده بیان ایتمی ، استانبولك فتحی تسریع ایچون
 مهم بر سبب اولدی . مع هذا فاتح محمد دوشونجه سنی احساس
 ایتمه دن سفیری باشندن صاودی . ادرنه به كلیركلر استانبولك فتحی
 استحضاراتنه تشبث ایلده دی . بومقصدله روم ایلی حصارینك انشایچون
 امپراطور اون اوچنجی قسطنطین دراکوزمه دن بریر طلب ایتدی (۱۵۶) ؛
 فقط قسطنطین اوراسنك جنوزیلرله عائد اولدیغنی جواباً بیلدیردی .
 فاتح محمد وقیله زوپتته اورابللو معبدینك بولوندیغنی محله ، روم
 ایلی حصارینی انشایه وعینی زمانده قارشیمسینه کی ییلدیرم بازید
 طرفندن انشا ایدلمش اولان آناطولی حصارینی تعمیره باشلادی .
 بو حصارلردن مقصد ؛ بوغازدن سفاینك مروری واستانبولك
 محاصره سی انشاینده قره دکز جهنندن قوای معاونه ورودی منع
 ایلک ایدی . حصارلرک انشایدلدیکی موقعك تاریخی راهیتی وارد :
 آندروقله س مقدا بورایه جسیم برکوزی قورمش ، ایران شاهی
 بويوك دارانك مظفر اردولری بورادن کچمشدی (میلاددن ۵۰۰
 سنه اول) فی الحقیقه بوراسی بوغازك الك دارو آفینسی چوق برحلی اولدیغندن
 جغرافی وعسکری راهیتی حاردر .
 معمار مصاح الدین روم ایلی حصاری ایچون بره لان تنظیم ایتدی .

اوج قله دن ساحلده کنه صدر اعظم خلیل پاشا، صاعده کیلردن برینه
زاغانوس پاشا، دیکرینه صاریجه پاشا نظارت ایدیورلردی. بواشاده
فاتحک اوناغی آناطولی حصارلرینه حاکم برته ده قورولمشدی .
هر طرفدن جلب ایدیلار ۲,۰۰۰ دیوارچی، ۴,۰۰۰ مرغوز و سارهدن
هرکب جمعاً ۶,۰۰۰ عمله ایله ۲۱-۳۰ اورت-۱۴۵۳ ده انشا آتیه باشلانیلدی.
ارکلیدن کراسته، آناطولیدن طاش کتیرلدی. برجوق سعی و غیرت
نتیجه سنده درت آی سوکره (تموز نهایتده) حصارک انشایی اتمام
ایدلدی و بوغارکسن نامی ویرلدی. اعمال اولنان بویوک برطوب خلیل
پاشا برجه قوندی . حتی اوئشاده بوغازدن جبراً کچمک ایسته بن
وندیکلی قبودان ربیچینک سفینه سی بو طوبله بانیرلدی . حصارک
دیوارلری یکریمی بش آدیم قالینلغنده اولدیغندن اوزمانه قدر
انشا ایدیلن قلاع جسیمه آره سنده اکمیتیلرندن معدود ایدی . دکره
قرب برجه الک بویوک طوبلر تعیه ایدلمشدی . فیروز آغا قومانداسنده
۴۰۰ یکچیری حصارک محافظه سنه مأمور ایدلدی و کیلردن حق
مرور آلمغه باشلانیلدی .

بواشاده معاشک تزیید ایدلمه مسندن مغیر اولان اوربان نامنده بحاری
برمهندس استانسولدن چیقاراق عثمانلیله دخالت اتمشدی. فاتح محمد اوربانه
برجوق التفات ایدره ک احسانه مظهر قیلدینی کبی مماشده تخصیص
ایدوب ممنون ائدی .

روم ایلی حصارینک انشاسی بیزانس ایمپراطورینی اندیشه
دوشوریدی و او یقوسنی قاجیریوردی . هدایا تقدیم ایدره ک
ویرکو اعطاسنی تکلیف و بالنتیجه انشا آنک تأخیرینی رجا ایتک
مقصده یله ایمپراطورک کوندردیکی آلچی به ، فاتح محمد : « بر زمانلر

ایمپراطور یکز مجار لرله انفق ایدرک وارنه - فرنده بابامک روم ایلی به کچمسنه مانع اوماق ایسته شدی . اوزمان بابام، بوغازی آلدی ایتک ایچون بور به برقله یاتنی عهد ایتشدی . ایسته بن اووصیتی یرینه کتیر یورم . کیدیکز ! ایکنجی محمدک سافلرینه بکزه مدیکنی ایمپراطور یکزه سویله بیکز ! سافلرینک یاپه مدینی شیر اونک ایچون امر سایلدر . ذتاً بوغاز نیصرک دکل، بندر . بردها بوکی طلبلرله بکاسفیر کوندر مسون ، بیانات قطعیه سنده بولونمشدی که ؛ بو حواب قیصره آجیقه اعلان حرب دیمکدی . آرصو کره ایمپراطور ایکنجی برسفیر اعزامیلرله عثمانلرک ؛ بوغاز یچی کویلدیرلیک ا دینلرینی حراب ایتدکلرندن شکایت ایلدی . فاتح محمد - سه اهمیت ویرمدی . فاتح محمدک مقصد - حقیقیسی تماماً آ کلایاز ایمپراطورده، استانبولک مدافعه ترتیباتی ابله مشغول اولمغه باشلادی .

روم ایلی حصارینک انشایی حتام بولدی صر لرده فاتح محمدک دامادی اسفندیار بک تکفور طاغیه بر مقدار عسکر اخراج ایتشدی . بو عسکر قوبونلری اوتلاتمقدلر ایکن روملر ، مذکور سورولرک باغچ، رینه ضرر ایراث ایتدیکندن شکایتله عثمانلرله مجادله ایلش و برقچ عثمانلیک شهادتنه - سبب اولمش - لردی . روملرک بوتجاوزی فاتح محمدک حدتی و اساساً آرزو ایتدیکی استانبولک محاصره سی استحضر ایتک تسریعی موجب اولدی .

بووقعه یی خبر آلان ایمپراطور بیان معذرت ایچور برسفیر اعزام ایلدی ایسه ده مقصدینه نائل اولامانجه ؛ آرتق استانبولک محاصره اوله حظه قطعاً قعات کتیره دک شهرک قابولرینی سده ایتدیردی . فاتح محمد بوندن ده ازیاده مغیر اوله رق و یا شهری تسلیم ایت و یا خود

ایلك بهارده حربه حاضر اول ، مآئنده ايمپراطوره خبر کوندردي . ايمپراطور بوتکيف اوزرينه حرباً مقابله حاضر اولديغي بيان ايتديکندن بزانس ايمپراطورلغنه اعلان حرب اولوندي .

محاصرین استحضاراتی وقوای حربیه سی : فاتح محمد آغستوسک ۲۸ نجی کونی روم ایلی حصارند چیقارک استانبول قلعه سنک خندکاری اوکنه کدی و بوراده اوج کون قاهره بالذات تدقیقانه بولوندي . خندعرك وضعيته کوره ايجاب ایدن ترتیبانی محنده دوسرندکن صوکره تقرب ایدن قیش موسمنده استحضارات سفر بده بولونمق اوزره ادرنه بکتدی .

فاتح محمد استانبولک احوال داخلیه و وسائط تدافیه سی - مقنده معلوماتدار اولانلردن اساسلی تحقیقانه بولندي . بالذات مشاهدات و تحقیقانه استناداً شهرک طرز محصره سی ارانه ايدر برپلان ترسیم ایلدی . بو محاصره پلاننده : استانبول جواریزک خراطه سی ؛ سورلرک تعرضه الیریشلی نقطه لری ، محاصره قطعاتک صورت ترتیب و تقسیمی ، بطریقه لرله محاصره آلات و ادواتک موقعی ، لغ و سائر حفر اولنه حق محللرله هجوم اصلی جبهه سی اشارت و تثبیت ایدلدی . بوتون قیش ادرنه محاصره حاضر لقلریله بکدی .

استانبولک^۳ خارجدن قوای معاونه آلماسنه مانع اولمق ايجون ايجاب ایدن ترتیبات اتخاذ اولندي . قسطنطینک برادری وموره حاکمی دیمتریوسک موره دن قوت کوندرمه سنه مانع اولمق اوزره بکدر بکی قوجه طرخان بک ، عمر و آحمد اسمنده کی ارغولاریله موره ب کوندرلدی . طرخان بک موراده کی وظیفه سی موفقیتله ایفا ایلدی .

استانبولك سورلری فوق العاده متین اولدیغندن بونلرك تخریجی ایچون اول امرده بویوک چاپلی طوبلره احتیاج واردی . فاتح محمد محارلی اوربان ایله صاروجه معمار . صالح الدینه . ایجاب ایدن طوبلرك دوکولمسی امرایلدی . باقر و طونجبدن طوبلر اعمالنه باشلانیلدی . اوج آیلق متنادی برمساعی نتیجه سنده ۶۲،۰۰۸ سانیته ترو چاپنده جسم برطوب اعمال ایلدی . [*] بو طوبلک تجربه انداختنده مریدسنک بر میل مسافیه قدر کیتدیکی وبر قولاج قدر طوبراغه نفوذ ایلدیکی ممنونیتله آکلاشیلدی . حین انداختنده مدھش برصداء کثیف بردومان وجوده ککش ، شهرک جاملری کاملاً قیرلمشدی بو طوب سایه سنده استانبول سورلرینک تخریب ایبله رك شهرک ضبط ایدیله چکنی ، فاتح محمد دوشوندکجه نشه سی آرتیورو کیجه لری رؤیاسنه کیره رك اویقوسنی قاجیریوردی . حتی برکیجه صدر اعظم خلیل پاشانی یاناق اوطه سنه جاغیره رق : « لالا ! شو یاناغی کوریورمیسک ؟ ایچنده بردورلو او یویامیورم ، عظیم براضطراب چکیورم . روملرك پاره سیله اغفال اولتمقدن حذر ایت ! یقینده حرب ایدم جک ، عون الهی وامداد پیغمبری ایله روملردن شوشهری ضبط ایتمکه موفق اولاجفز ، دیمشدی .

[*] بر جسم طوب ۸۰،۵۹۶ لیبره نقلتنده ، ۱۲ قاریش چاپنده و ۲۲ قدم طولنده اولوب آندینی صرینک ثقلتی ۶۰۰ کیلوگرام ، باروت حق ۲۰۰ لیبره ایدی . طوبلک نقلی ایچون آلتی یوز نفر لهالی جفت اوکوزه احتیاج واردی . کونده آنجق سکرز دفعه انداخت ایدیله بیلیردی .

[بومعا صرده قوللانیلان طوبلردن بری طاشدن اولوب اورته سندن ویده لی اولق اوزره ایکی پارچه به آبریلر شکله یاپلمشدر و اوزرنده [عمل علی] یازیسی واردر و الیوم انکلترده (وولسج) قصیه سنده اسلحه موزه سنده بولونمده در . بوموزه به سلطان عزیز طرفندن هدیه ایدامشدر .]

اردونك تداركات سفریه سی تعجیل اولوندی . تداركات اكمال ایدیلیر ایدلمز؛ استانبوله قوای امدادیه کلمی محتمل اولان طرفله قوای کافیه سوق واستانبولك خارجله تماسی قطع اولوندی . استانبولك بحرآده آبلوقه سی ایچون ، قبودان دریا بالطه اوغلی سلیمان بك قومانداسنده کلیولیدن بوغاز ایچنه بردونانما کوندرلمشدی . ۱۴۵۵ کمیدن مرکب عثمانلی دونانماسی بدایتده روم ایلی حصارینك حمایه سنده بولنان میرکون لیانسه کلدی که دونانما قوماندانك اسمنه اضافتله بورایه بالطه لیان نامی ویرلمشدر .

۱- شباط - ۱۴۵۳ تاریخنده تقریباً ۲۰۰،۰۰۰ پیاده وسواری ، ۱۴ بطریه (دردی حسین اولوق شرطیله جمماً ۱۳۰ طوب) و ۱۰،۰۰۰ مهمات آرابه سندن مرکب حسین براردوایله ادرنه دن حرکت اولوندی . دامادزاده قره جهك پیشدار قوماندانی ایدی . حرکتدن اول یوللار وکوپرلر تعمیر ایتدیرلمشدی . طوبیجی مالز مه سنك چوقلفی ، بالخاصه آغیر طوبلر ك جری مشكلاتی ، حرکاتك سرعتله اجراسنه مانع اولدیغندن ادرنه دن استانبوله آنجق ۶۴ کونده کلینه بیلدی و عثمانلی اردوسی نیسانك بشنجی پنجشنبه کونی ایوب سلطان صرتلرنده اردوگاه قوردی . عثمانلی اردوسنك معنویاتی بك یوکه کدی . شیخ آق شمس الدینك رؤیا سنده حضرت ایوبك مقبرینی کشف ایتمی علامت خیر عایدلمشدی . حتی شیخ استانبولك فتح ایدبله جکی کونی دخی خبر ویرمشدی . فاتح محمد طرفین اردولرینك احوال روحیه سنی بیلدیکندن ممنون اولیور و بالکنز شمعی به قدر بوتون محاصره لری عقیم براقان ، استانبولك متین سورلرینی تخریب چاره لرینی دوشونیوردی .

محصولات استحضاراتی و احوال روحیه سبب قوای

حریه سی : امپراطور، روم ابلی حصارینک انشاءنندن اعتباراً
عثمانیلرک مقصدینی آکلادینندن ، بومدت ظرفده شهرک
سورلرینی کاملاً تحکیم ، ارزاق و مهمات کبی نواقصی اکال
ایلدیکی کبی آورو باحکومتلرندن ده قوای معاونه کوندیرلمسینی رجا ایلدی .
اوانشاده بیزانس اهانیسی ، ذوق و سفاخته دالهرق اخلاقاً سقوط
ایتمی ؛ خلق آراسنده عدم ممنونیت ، عظیم براعمادسزاق ، نفق
و شقاق حکمفرما ایدی . عثمانلی اردوسی ادرنه دن حرکت
ایدرکن روملر مدافعه وطن ایله مشغول اولاجقلری برده دینی
منازعه لرله ، روم ولاتین کلیسالرینک برلشوب ، برلشمه سی مسئله
مزمنه سیله اوغراشورلردی . حتی بومقصدله عقد اولونان برمجاسده
روم اکابرندز لوقاس نوطارا : « فسطینیه ده برقاردینل شایقه سی
کورمکدن ایسه برعثمانلی صارینی کورمک اولادر ، دیمشدی .

روملرده لاتین کلیسائنه قارشو بویوک برعداوت موجود
اولدینندن ، کلیسالرک برلشمه سی مسئله سی ده حل ایدمه دیلر . اتحادسزاق
و اخلاقسزاق قوای مغنوبه لری اوزرینه فنا تاثیر اجرا ایلبیوردی .
اعزّه نصاردن صوره نومه اسناد اولونان : « اوق ایله مساح برقوم
لیان طرفندن شهری ضبط ایدهرک روملری مغلوب ایدمکدر ،
افاده سی وبرکاهنک : « دشمن شهره داخل وبوغاقا بوسيله بوغاقا بوسی
میداننه واصل اوله جق ؛ لکن اهالی بوراده تکرار جسارته کلوب
دشمنی شهر خارجه دفع ایدمکدر ، طرزنده کی تفالاتی خلق آراسنده
سرینکه باشلادی .

بیزانس دونانمائیسی ؛ آندرادینو قومانداسنده ۱۴ بویوک
 سفینه دن عبارت ایدی . ایمبراطورک منتظم روم عسکری
 ۵,۰۰۰ : ۶,۰۰۰ قدردی ؛ فقط آلی سلاح طوتان اهالی تسلیح
 اندیلرک خط مدافعه ده استعمال ایدلایکندن و اوزمان استانبولک
 نفوسی ۱۸۰,۰۰۰ اولدیغندن و بونلردن باشقه ۲,۵۰۰ اجنبی ابله ۵۰۰
 جنوری استانبول مدافعه سنه اشترک ایتدیکنندن ، مدافعینک حقیقی
 محارب قوتی : عثمانلیرک ربی درجه نده اوله رق قبول ایدبله یلیر .
 ستانبول قلم سی حقنده ایضاحات : استانبول سورلری
 سرای برونندن آوانسرایه ، آوانسرایدن یدی قله به ، یدی قله دن سرای
 بروننه قدر مثلث شکلدره اولوب ایکی ضامی دکنزه ، برضامی قره به
 متوجه و حقیقه " پک متین ایدی . خلیج و مرمریه ناظر دکنز جهته نده کی
 ضلع لرک مدافعه لری قولان اولدیغندن بورلری یالین قات انشا ایدلمشدی .
 قره به متوجه جهه سی ایکی قات سور ابله محاط اولوب متعدد
 برجلری وایلرینده قسماً صولی قسماً قورو غایت کنیش خندکلری
 حاوی ایدی . و لاخر نه سرانی منطقه سی ایسه آیرجه ودها متین سورلره
 چوریلشدی . تکمیل سورلرک محیطی بکرمی کیلومتر وین متجاوز اولوب
 اوزری مربی ، مدوره ، مدس ، مشن برجلره تحکیم ایدلمشدی .
 سورلر اوزرنده ملکی و عسکری قابولر آچیلشدی جاده لر نه ایتنده کی
 ملکی قابولر محاربه زماننده قنایر ؛ ایجابنده مدافعین ، عسکری
 قابولردن خروج حرکتی اجرا ایدرلردی قره جهته نده کی قابولر :
 (یالیزلی قابو ، یدی قله قابوسی ، بلغراد قابوسی ، سیلوری ، قابوسی
 مولو بیخانه قابوسی ، طوب قابو ، هجوم قابوسی ، ادرنه قابوسی ،
 سیرق قابوسی ، اگری قابو ، و لاخر نه قابوسی) دن عبارتدی .

خلیج جبهه-سندھ : (انصار قابوسی ، آیو انسرای قابوسی ، بلاط قابوسی ، فز قابوسی ، آیاقابوسی ، جبالی قابوسی ، اون قبائی قابوسی ، آیازمه قابوسی ، اودون قابوسی ، زندان قابوسی ، بالق بازاری قابوسی ، باغچه قابوسی ، یالی کوشه-کی قابوسی ، دمیر قابو) و مرمره دگری جبهه-سندھ ایسه : (طوبقور ، دکرمن قابوسی ، پورطاقاره آ ، بالفتحانه قابوسی ، آخور قابو ، دمیر (جاتلادی) قابو ، آرسلان قابوسی ، قوم قابو ، یکی قابو ، داود باشا قابوسی ، صماتیه قابوسی ، ناری قابو) کی بر جوق قابولر موحودایدی . بوقابولر غایت متین انشا ایدلمش و طرفینی بر جلرله تحکیم ایدلمشدی .

خلیج ؛ یالی کوشکنندن غلطه به قدر قالین بر زنجیر کریمک صورتیه سد ایدلمشدی . [*] بوزنجیر کیمیلر لیمانه کیره جکی زمان کوشه دبلیر بعمده کر بیلردی .

غلطه ایسه جنویرلر اداره-سندھ غایت مستحکم بر شهرایدی و عادتاً بر واروشی حکمنده ایدی . [قروکی - ۱۵]

محاصرینک ترتیبائی : فاتح محمد قرارگاهنی طوب قابو ایله ادرنه قابوسی ، آراسندھ کی هجوم قابوسی قارشیسندھ و ایوم مالتیه دنیلن محله تاسیس ایتدی (۶ نیسان) . قرارگاه عمومینک اطرافنی خندهک و شراپول قازیققریله تحکیم ایدلدی . محاصره خطی قلعهدن ۱,۰۰۰ خطوه مسافده ایدی . کلیبولیدن مرورله اردویه التحاق ایدن آناطولی عسکرلری ، بکاربکی اسحق بکله محمود بک قوماندا سندھ اوله رقیدی قلعهدن طوب قابویه قدر صاغ جناح منطقه-سفی ؛ روم ایلی بکاربکی قرهجه بک قوماندا سندھ کی روم ایلی عسکرلری ،

ادرنه قابوسندن تکفور سراینه قدر صول جناح منطقه-نی ؛ فاتح محمد قومانداسنده کی خاصه عسکرلری ، طوب قاپو وادرنه قابوسی آردسنده کی مرکز منطقه-نی (هجوم اصلی جهه-سی) احاطه ایلشلردی .

احتیاط اوله رق ۱۰۰,۰۰۰ سواری آپرلمش ، جنویزلره قارشی فاتح محمدك قائم پدري زاغانوس پاشا قومانداسنده ، برمه قدر قوت بك اوغلی صر تلربی اشغال ایلشدی . صاع جناحد ۵۰,۰۰۰ آناتولی عسکری و مرکزده ۱۵,۰۰۰ یکپچری موجوددی .

جسم طوبلر ، هجوم اصلی بی احضار ایچون ادرنه قابوسی ابله طوب قاپو آردسنه تعبیه ایلشدی . دیگر ۱۴ بطریه مختلف واقعه یراشدیرلشدی . (سیلوری قابوسی قارشیسنه ۳ ، طوب قاپو قارشیسنه ۴ ، ادرنه قابوسی قارشیسنه ۲ ، تکفور سراین قارشیسنه ۲ ، اگری قاپو قارشیسنه ۱ بطریه وضع ایلشدی .)

خارجدن کله جك قوای امدادی به قارشیده ترتیبات آلمشدی . ۱۲ بویوک جکدر ۸۰ ایکی صره کورکلی کمی و ۵۳ کوچک سفینه که جمعا ۱۲۵ کبدن مرکب عثمانلی دونانما-سی بالظه اوغلی سلیمان بکک قومانداسنده اوله رق بشکطاش لیمانده بولونیوردی .

محصورینک ترتیباتی : زان هونیادوساژ آورو با حکمدار لرندن

طالب ایدیان قوای معاونه اسباب مختلفه دن کوندرمه مش ایدی . پاپا برنجی نیقولا روم ولاتین (شرق وغرب) کلیسالرینک براشمه مسئله-می حل ایلده دن عسکر کوندرمه جکخی بیلدیرمش ، جنویزلر ایسه هانکی طرفی التزام ایدم جکلربی تعینده متردد قالمش-لردی . بناء علیه خارجدن يك آز قوت کلدیکندن ایمپراطور استانبولک مدافعه سیچون شهرک اهابلسندن استفاده ایتشدی .

نيسانك ايننجي كوني خليجي سد ايدن جسيم زنجير كريلدي .
 قورشونلي مخزنده احتياط اوله رق برخيلي طوپ واردى . عثمانلى
 اردوسنك ورودى ايله برابر سراى برونى ، قز قلعهسى ، مرمره
 ساحلنه وسورلره طوپلر يرلشديرلمشدى . قواى امداديه ايله ككن
 مشهور قوماندانلردن جنويزلى ژوستياني مازغالار كرېسنه ، برجلرك كافه سنه
 روم آتشي اجراسنه مخصوص آلات ناريه وضع ايتديردي .

روم آتشي : كوكورت ، رچينه و زيتون ياغندن مرك مدهش
 ياقيجي برتر كيدر . اهايدن آلى سلاح طوتانلر تعليم و تربيه ايدلدى .
 ۱۵،۰۰۰ يكيچرى ايله فاتح محمدك احاطه ايتريكي جهنك مدافعه - نى
 ايمپراطور درعهده ايتدى و جيهته قارنال ماشلى بيزانس بايراغى
 سورك بوقسمنه كشيده ايدلدى . ژوستياني ۳۰۰ جنويزلى ايله طوپ
 قابونك مدافعه سنه مأمور ايدلدى . يدى قله قابوسنه ، آدرونيقوس
 قانتاكوزن ايله قاترېنوقونطاريى ؛ بلغراد قابوسنه ، قاتانغو قوماندانسنده
 روملر ؛ سيلورى قابوسنه ، نيقولاغوده ليسى ايله دولهينو قوماندانسنده
 روملر ؛ ادرنه قابوسنه ، لئرنتارى برېه - نيؤس ، بوخاردى برادرلر
 قوماندانسنده جنويزلر ؛ تكفور سراينه ، كيرولانومينوتى ؛ اكرى
 قابويه ، مانوئل غوده ليس ايله زارغراند قوماندانسنده روملر ؛ انصار
 قابوسنه ، مانوئل پاله ثولوغوس ايله لئوماردو لانغاسقو ؛ آيوانسراى
 قابوسنه ، ونديكدن كلان قواى معاونه ايله برابر غاربهل ترويزانو ؛
 فنار قابوسنه ، آلکسيوس ديس پانوس ايله آلوزيويودودو ؛ آيا
 قابويه ، يوحان بلاخوس ؛ جبالى قابوسنه ، تهئودور پاله ثولوغوس ايله
 مه توخته ؛ اون قپاني قابوسنه ، فيلانطرويه نوس مأمور ايدلمشلر

واون قېلىندىن سىراي برونىشە قىدر دوغرىدىن دوغىرى يە تىخت تەدېدە
يولتېيان منطقه، وزىر لوقاس ئو طاراقوماندا سىندە كى كرىدىلى وروم قوتلىرىلە
اشغال ايدىلمىشدى . قارىدىنال ايزىدور، پاپائىك كوندردىكى ۴۰۰ ۋىندىكلى
ايله سىراي برونى؛ دونىترو جولىيانو، بو قولاھون سىراي ايله قوم قابو يە
قىدر اولان مىرمىرە ساحلى؛ زاقوبو قونستارنى صامتيە منطقه سى
مدافعه ومحافظە مامور ايدىلمىشلىرىدى .

استانبولی تشکیل ایدن یدی تبه دن بشنجیمی (فاتح جامعك
یولوندىنى محل) اوزربه ۲,۰۰۰ كدشلك راحتيه قوتى رلشدرلمشدى .
۱۴ سفنه دن عبارت نژانس دونانماسى خلیچده بولونیوردی .

محاذیہ نك طرز حریانی

فاتح محمد نيسانك اون برنجی كونی بطریه لری یرلشد برمش و محاصره
تریدستی اكل ایلش اولایغندن شهرك تسلیمنی طلب اتمك اوزره ،
نخود باغاب ابراطوروك نزدینه كوندرمش ایسه ده ابراطور جواب
رد و بریدكندن عینی كون عثمانی طوبلری ، بومباردمانه و سوزلر
اوزرنده كدیكلر آچغه باشلادی . اوربانك بو بویوك طوپنك صداسی ،
مدا فینی تدھیش ایدیوردی . بو بویوك طوپ ایکی ساعتده طولیدیریلور
و كونده سكر می انداخت ایدم بیلور و سوزلرده جسیم رخنه لر
آچوردی ؛ فقط اوربانك اعمال ایلدیکی بو بویوك طوپ بركون فوق العاده
قیزه رق باطلامش و یقیننده کی افراد ایله اوربانیده اولدیوشدی .
بونك اوزریه هرا نداختن صوكره نامولر زیتون یاغی ایله طلا
ایتدیرلك صورتیله بو عذوركده چاره سی بولندی .

عثمانی پياده سى مدافعينه اوق انداخت ابتدئى كې لغمجيلرده
سورلرى يىقمق ايجون خندكار استقامتنده تحت الزمين حفريات اجراسيله
مشغول ايديلر . مع مافيه مهندس زان غرانند عثمانليلك بوانغملرينه
قارشى مقابل يوللر آچهرق مهاجرلى دومانه بوغقمق صورتيه توركلرى
چكيلمكه مجبور ايدىيور و غم ترتيباتى تائيرسىز بيراقديرمغه موقوف
اوليوردي .

فاتح محمد اولجه تكررلكلره اوزرينه موضوع درت عدد متحرك
اخشاب قله دخى انشاييتدبرمشدى . كشور كندا نامى ويربان بوقلهلك
دشمن آتشيله ياننامسى ايجون يانلرى داخل و خارجاً دائمى "ايصلاق
بولونديلان دريلرله قابلاشمىدى . قلهلك داخل ۱۰۰ يكيچىرى استعاب
ايدىيور و خندكلرى طولديرمق ايجون ده آلت قسملرنده اودون
وسائره بولونيوردى . طوب قابو قارشيننه كتير يان مذكور قلهلردن
برى ، ۱۸ - نيسانده مدافعين طرفندن روم آتشيله احراق ايدلدى .
متحرك قلهلر واسطه سبله ، نوركلر سور اوستنه مرديوه نلرله چيقمغه
قشبت ابتدئى ؛ روملر بوبوك طاشلر ، روم آتشى وقاينار صولر
آتوب دوكلرك مانع اوليورلردى .

محاصره ائناسنده : يدى قله جبهه سنده بولنان سردار شاعر احمد
پاشا ، سيلورى قابوسى قارشيسنده بولنان حيدر پاشا ، مولويخاه قابوسى
طرفنده بولنان عونى پاشا ، طوب قابو او كنده بولنان قره مانى محمد
پاشا ، ادرنه قابوسى قارشيسنده بولنان سعدى پاشا ، اكرى قابو جهتنده
بولنان هر سلك زاده احمد پاشا دشمنه كوز آچديرمه مق ايجون افرادى
تشجيج و منمادياً طوب انداختيله سورلك تخريبنه غيرت ايدىيورلردى ؛
فقط اك مددهش محاربه ادرنه قابوسى ايله طوب قابو آراسنده كى هجوم

اصلی جه، سنده جريان ايدیور و بطریقه لر نمادیا سورلری دو کوردی . هجوم صلی جه، سنده سورلری یکی تعمیر ایدل دیکندن اودرجه تخریبات پایله بور و بویوک طوبلرک سورلرده آج دینی کدیگر، کیجه این رومر طرفدن طولدریلوردی . اون ایکی کون دوام ایدن بو محصره و محاربه دن برتیجا، آله ایدله مامی؛ حتی متحرک قله لردن برینک احراق ایدلمسی اوزرینه فاتح محمد، منای دهاضیف اولان خلیج جه تنده کی سورلرکده عینی زمانده تضییق لزومنی حس ایتمش و بونک طرز احرافی تأمله باشلامشدی .

بواننده قره مان ، کرمان ، تنک ، آبدن ، صاروخان اوغلاری معیتلرندگی افرادله برلکده عثمانلی اردوسنه التحاق ایله مشر ؛ بدی قله ، سیلوری ، مولویخنه و طوب قاپولرینه مأور ایدلمشلردی که بورلرده بک بویوک سجاجاتلر کو-تردیله .

محاربه بحریه : استانبولک قریه متوجه سورلرندگی شدتلی محاربه دوام ایتدیکی ائنده چناق قلعهدن کلان کوچک برقایق ، بشر پارچه دن مرکب کوچک برامداد فیلوسنک استانبول استقامتنده ایله دیکنی خبر ویردیکندن ، بونلرک بیزانس دونائماسیله برلشمسینه مانع اولمق مقصدیله باطله اوغلی سلیمان بک ۱۸ سفینه حریره دن مرکب برفلو ایله بورده نظامنده ایله دی و دشمن فیلوسنه کوردک ایله تعرض ایله دی ایسه ده؛ جنوز ووندیک-سفینه لری اوق ، صاپان و روم آتلی انداختی-سورتیله شدتله مقابله ایتدیله . دشمن سفینه لری بویوک و بوکسک بوردالی اولوب عثمانلی کیمیری ایسه آلقاق و برصره کوردکلی ایدیلر . روزکار دخی عثمانلی کیمیلرینک عاینه اسیوردی . بوقنا

شرائط آئنده عثمانی کورمکچیلری ایفای وظیفه دن عاجز قالدیلر .
حتی روم آنشکک تأثیر به عثمانی سفینه لرندن ایکیسی یانمغه باشلادی .
بو وضعیت تجربه سز عثمانی بحریه لیلرینی شاشیرتدی و دشمن فیلوسی
روزکارکده مساعده سیله لیمانه داخل اولدی . مورخیندن بر قسمی
مذکور دشمن فیلوسنک خلیج لیمانه و قسم دیگر یکی قابو لیمانه
البحر ایتدیکنی یازمقدردرلر .

شورنچی محاربه بحریه نی متعاقب نید- آنک یکریمی یدنجی کونی
مرمره ده ، زیتون رونو قریبده طرفین دونائمالری آراسنده مدھش
بر محاربه جریان ایتشد که تفصیلاتی بروجه آتیدر :

بدی قلعه ک بر میل قدر مسافه سنده وقوع بولان محاربه بحریه نی
فاتح محمد معیت ارکانیله ؛ قسطنطین زادکانیله قره دن سیرایتمش و بوتون
شهر خاکی ده مرمره ساحلنده کی سورلرک اوزرینی دولدرمشدی .
ایمپراطورک قدر غممه قوماندان ایدن (قالاتانه لاس) ، کینک
بر او خندن دیگر اوجنه طولاشه رق ، طاقه سی تشجیع ایدیوردی .
یزانس دونائمالی بدایتده طوب انداختی ایله عثمانی دونائمالی
قرشیلادی ؛ فقط عثمانی دونائمالی قوماندان سلیمان بک را کب
؛ ولدینی سفینه ک مهموزینی این برمانوره نتیجه سنده دشمن سفینه سینه
صاپلامغه موفق اولدی و درحال بودشم سفینه سنک اطرافنی عثمانی
سفینه لری واردیلر و الله الله صدالری و کسلدی . کیلر بوردا
یوردایه کله ک بحریه افرادی بکدیگری اوزرینه قلیج ، بالطه ایله
هجوم ایتدی . اوج ساعت قانی و مدھش بر محاربه جریان ایتدی .
محاربه نهایته دوضری عثمانی کیلرندن بر قسمی طوتوشمش و بر جوق
بحریه لیلر شهید دوشمش اولدیغندن عثمانی مرتباتی آراسنده یأس

و تردد باش کوستردی . قبودان سلیمان بك یارالادی ویا لکنز را کب اولدینی سفینه دن ۱۱۵ نفر شهید دوشدی .

یزانس دونانماسنك علبه سنی ساحلدن کورهن فاتح محمد ، تصویرى محال بر آتشپاره غضب و جلالت کسبله رك ، صانكه دونانماسنك امدادینه یتیشه جك ایش کبی ، آتی شدنله مهموز لایه رق دکزه دوغری سوردی . بووقعه نك جریان ایتدیکی زیتون بروننده اساساً دکز اولدجه صیغدر . باش قوماندانك کوستردیکی شولوحه حماسه قارشیننده ، دونانما افرادی صوك بر غربت وشدنله هجوم ایتدیلر ؛ فقط یزانس دونانماسنه قارشی هیچ برشیته موفق اوله مادیلر ونهایت بشکطاش اوکنه رجعته مجبور اولدیلر .

بومحاربه بحریه ده عثمانیلرک ضایعاتی ۱۲,۰۰۰ قدردر . خریستیانلرک ضایعاتی ایسه بوکانظراً هیچ مثابه سنده در . فاتح محمد محاربه نك فرداسی کوئی زوالده قره دن بشکطاشه کلدی . قبودان سلیمان بکی یاتروب یوز دکنك ضرب ایتدی ویریه حمزه بکی دونانما قوماندانغه تعیین ابله دی .

بحری مغلوبیتله برابر قره جهتنده کونلردنبری دوام ایدن محاصره نك هیچ برنتیجه ویرمادی ؛ اودونك مغنویاتی قیرمش وتاثر عمومی موجب اولمشدی که بواشاده ایمراطورده سنوی ویرکووبرمک شرطیه عقد صلحه طالب اولدی . بومسئله یی تذکر ایتمک اوزره مجلس حرب عقد اولوندی . صدر اعظم خلیل پاشا (بعض مورخلرک ادعایرینه نظراً روملردن آلدینی رشوتك خاطری ابجوز) : « اوروبادن دهارچوق امداد قوتلری کله جکندن محمله صالح جهتی اترام ایتدی » . یکریمی بیکه قریب بابایی درویشلربله کلش اولان آق

شمس الدین و ملا کورانی اقدیلرله زاغائوس پاشا : « محاصره یه شدله دوام ایدلمسی » موافق بولدیلر .

بالکیز قره جهنمدن محاصره نك قطعی فائده ویرمه بیه جکفی آکلایان فاتح محمد عثمانلی دونانماسی قره دن و غلطه نك شماله دن کچروب خلیجه ایندیره رك، خلیج جهنمه کی سورلری ده تضییق ایتمک قرار ویردی ؛ چونکه خلیجی سه ایدن قالین زنجیری کسه مک امکانشزدی . جنویزلر ایسه بیطرف بولوندقلرندن دونانمای اونلرک اراضیه سندن کچیرمک بیطرفانی محل ایدی . فاتح محمد دونانما نك خلیجه ایندیرلمسه بر دفعه قرار ویردکن سوکره حسن ندیر و شدت عزمی سایه سنده بواسر عظمیه ده موفق اولدی . شویله که : طولمه باغچه و پانغالتیه دن (مکتب حربیه نك یوزمتره قدر شرق شماله سنده کائن قره غول موضعندن) قاسم پاشا دره می طریقيله قاسم پاشایه قدر درحال بر یول آچیلدی . بوبولک اوستی چام تحتلرله دوشه نوب اوزرینه ایچ اوزیتون یاغی طلا ایدلدی و بوسورتله کیلری جره مساعده قیزاقلی بر یول وجوده کتیر لدی . بده بشکطاش لیانسه بولونان دونانمادن ایکی صره وره کلی اولقی اوزره اوچر و بشر کوره کلی سفینه لردن جماعاً ۷۰ پارچه کی مذکور قیزاقلر اوزردن بیکلرجه انسان و حیوان طرفندن جر ایدیلرک برکیجه ظرفنده قاسم پاشا لیانسه ایندیرلدی . بوحرکتک حمایه سی ایچون اوکیجه ساحله طوبلر تعبیه ایدنشدی . بوخاطر و خیانه کلیان موفقیت عظمیه طرفینک قوای معنویه نه معکوساً تأثیرلر اجرا ایتدی .

مدافمین ایرتسی صباح عثمانلی دونانماسی خلیچده کورونجه

حیرت‌ناپذیرانه قالدیلر و اهمیت کسب‌ایدن خلیج جبهه سنک مدافعه‌سیچون
بورابه عسکر کوندردیلر هجوم اصلی جبهه‌سنی مدافعه‌ایدن ایمپراطور قسطنطین
ایله کوستینانی، انصار قابوسیله بلاط قابوسی آراسنه یعنی اک زیاده تهدید
اولونان منطقه‌یه کلدیلر و حمزه‌بک قومانداسنده خلیجه اینن عثمانلی دونانماسنی
یاغنه قرار ویردیلر؛ فقط عثمانلیلر محصورینک بوتصورتاتی جنوزلردن
خبر آلدقلرندن فوق‌العاده احتیاطکارانه حرکت ایدییه‌ورلردی. بر
کیجه ژوستینیانی، خلیچده بر کمی به یینه‌رک عثمانلی سفینه‌لرینه تقرب
ایتمک ایسته‌دی ایسه‌ده؛ متیقظ بولنان عثمانلی کجیلری طرفندن
کوروله‌رک درحال اوزرینه انداخت ایدنش و مذکور کمی غرق
ایدلشد. بوکینک مرتباندن یالکمز ۱۵۰ کیشی قورتنه بیلدک
آز صوکره غلطه اوکنده ذخیره بوکلی بر جنریز کیشی‌ده عثمانلی
آتشی ایله بانیرلدی؛ چونکه جنوزلر بی‌طرف اولدقلری حالده
کجه‌لری روملره معاونت ایدییه‌ورلردی. مع‌هذا جنوزلرک عثمانلیله ده
خدمتی دو قوندیغندن مذکور کینک یا کله‌لقله آتسه طوتولدیغنی
سویلنه‌رک ایش قبایلدی.

عثمانلی دونانماسی خلیجه ایندکدن صوکره ایکی ساحل آراسنده
ارتباط ناسیمی ایچون خاصکودین آیوانسرایه برکوپری انشا‌ایدلدی
(۱۹ مایس). بوکوپری عثمانلی کیلری واسطه‌سیله سال وفوجولری
بربرینه ربط ایدوب اوزرینه تحته قویه‌رق وجوده کتیرلمشدی.
مذکور کوپریدن استانبولک خلیج ساحلنده کی سورلری اوکنه طوب
وعسکر کجیریلدی. عثمانلی دونانماسی‌ده خلیج جبهه‌سنده کی سورلر
اوکنده لنگر اندازاولدی. بوئانده ایکنجی برکشبت اولق اوزره

وندیکلی زانقو، خلیجده کی کوری ابله عثمانی سفینه لرینی احراق ایچون روم آتشی و ساز موادی حاوی برکمی به قرق نفرله بینه رک کیجه لین، مذکور سفانه کیزلیجه صوقولمق ایسته مش ایسه ده؛ عثمانی بحریه لیلری طرفدن کوروه رنه درحال تعرض ایدلمش و ایچنده کی افراد اسیر ایدلمشدی . دشمنک تمادی ایدن آمجیزلرینه بناءً عمومی برتعرض اجرا و خلیجده بولسان دشمن فیلوسی تخریب ایدیلهرک بحرآ حاکمیت مطلقه استحصال ایدلدی .

بشکطاش اوکنده قالدان متباقی سفینه لرده مرمره جهتهنده کی مفقیتسزلکله نتیجه نین محاربه بحریه نی متعاقب مدافعه نه معاونت ایچون کله جک کیلره انداخت ایتک اوزره غلطه اوزرنده کی سن نه تودور تپه سینه عثمانیلر طوب تعیه ابله مشلردی . حالبوکه جنوبی اراضیه نه خسار ابراث ایتدن مذکور تپه دن یاتیق محرکلی طوبلرله انداخت قابل اولمادیغنی آکلایان فاتح محمد، بوبابده اعمال فکر ایدهرک هوان طوبنی ایجاد و اعمال ایتدیرمش و مذکور تپه به تعیه ایتدیروب دشمن سفینه لرینه قارشی اندیره کت انداختنه موفق اولمشدر .

هجوم عمومی به تقدم ایدن فعالیت: خلیج حبه رنی حاطه ایدن عثمانی فیلوسی بوراده کی سورنری تضیق ایدرکن ، قره جهتهنده کی سورلرده ده؛ یدی هفته دن بری دوام ایدن شدتلی محاربه وبوم باردمان نتیجه سنده بویوک کدیکلر آجیامش وبونلرک انقاضی ابله خندکار قسماً محاصرین قلعه تک غریبنده و شمالنده بدن سورلرینک همان اوکنه قارب ایتش بولونیورلردی . شهر بو صورتله قره و خلیج حبه لرندن

ایچه تضیق آلتنه آلدیمی صروده فاتح محمد بهوده قان دوکولمسنه مانع اولمق ایچون اسفندیار اوغلی قاسم بکی ، ایمپراطور نزدینسه کوندردی . اسفندیار اوغلی اسکی حقوفنه بناءً ایمپراطورله تکفور سراینده ، صورت دوستانه و غیر رسمیه ده ملاقات ایدرک مدافعه نك زمانی کچدیکنی ، بهوده قان دوکولمکدن ایسه تسلیم اولدقلری تقدیرده عسکرلرله اهلینک مساعداته نائل اوله جقلریخی سوبله دی . مسئله نك مذاکره سی ایچون محاصره نك ۲۸ نجی کونی ایمپراطورک نزدنده عقد ولتان مجلس حریده : شهرری اوانجیه قدر مدافعه یه قرار ویرلیدکندن ، اسفندیار اوغلی عودتله فاتح محمد وقعی و مدافعینک حانی آکلندی فاتح محمد بومعلوماتی آلدقن صوکره «مایسک ۲۹ نجی کونی استانبوله برآ و بحر آهجوم عمومی احراسنی امرایلدی . فاتح محمد هجوم امرینی ویردکدن صوکره معیتده کی افراده :

«ایشته ، زورباروی خسروانه له آچدیغ شوکدیکلر سابه سند» قسطنطنییه نی مزارکی مجاهدین دین مبین ایچون اوچ طریق ایله داخل اوله یله جک آچیق برشهر حائله کتیردم ، دبدی ویر یاتنامه نشرایده رک قلعه بدنلرینه یلک چیقوب عثمانی سنجاغنی رکزایده جک اولانه سنجاق و تیمر احسان اولنه جفنی ، هجومده جبات کوسترنلرک تجزیه اولنه جقلریخی اعلان ایتدی . بعده قلعه اطرافنی طولاشمغه باشلادی . عسکرک غیرت دینیه سی خواجلر واسطه سیله تحریک ایدلدی .

فی الحقیقه قره جهنده کی سورلرده اوچ وونوک کدیک آچیلده شدی . یونلردن بری ، سیلوری قاپوسی یاننده ؛ دیدری ، طوب قابونک

شرق شمایند؛ او چنجیسی، ادرنه قابوسنك شمالنده ایدی. هجوم قولارینك، شهره دخول ایچون بوکدیکلردن استفاده ایتك ایسته ملری بك طبیعی ایدی.

هجوم عمومی کوننه تقدم ایدن کیجه (۲۸ مایس) مدافعینك آجیلان کدیكلری تعمیر ایتسنه میدان براقامق ایچون هر طرفه آتشلر یاقیله رق و دونانماده تنویرات یاییله رق و عثمانلی عسکری مرزراقلرک اوجنه موم باغلابوب یافارق موم دونانماسی اجرا ایدلدی [*] عادتاً استانبول آتشدن برجنبرله قوشادلمش ایدی. طوبجی آتشنه بوتون کیجه دوام اولدی. هر طرفه ذکر و مناجات او قونیوردی. یوحالدن محصورین بك زیاده خوف و تلاشه دوشمشدی.

هجومدن برکون اول بك شدتلی یاغورلر یاغمش، هر طرفه ییلدیرملر دوشمش و برمدت صوکرده سلطان احمد جهنده سباه برقیزیللق پیدا اولمشدی. بو قیزیللق، ایدیلن دعالرک قبولنه علامت عداولوندیغندن افراد آره سنده سروری بادی اولدی؛ چونکه محاصره نك اللی کسور کون تمامدییسی عسکری بزار ایدیور؛ صوگ کونلرده اهل صلیب اردوسنك کلك اوزره اولدینی شایمه لریده افرادی یأسه دوشوریوردی. بناءً علیه مذکور قیزیللق افرادک معنویاتی یوکسلتمش و هرکس هجوم عمومی به حاضر لائمه باشلامشدی.

مدافعین جهتی: هجوم کیجه سی اهالی پریشان برحاله اوتنه به بری به قوشیور و عمیق بریأس و نومیدی ایچنده بولونیوردی. بیزانس راهبرینك ایلری کلنلردن پترونگ ۳۰۰ کیشی ایله قله دن

حضرت پیغمبر افندیمزده فتح مکه ائشانسند و اون بیک آتش یاقدیر مق صورتیه یو یوک بر آتش دونانماسی اجرا ایتدیرمش و تشریفلرخی قریشه ییلدیرمشلردی.

قرار ایدرك عثمانلی اردو كاھنہ التجا و اسلامی قبول ایتھی مدافین اوزرنده سوء تأثیر اجرا ایتدی . ایمپراطور بوندن تلاشہ دوشہرك مدافعہ منطقہ لرینی کز مکہ و عسکرك غربت و شجاعتی تحریک ایلکے ماشلادی . الی سلاح طوتان مساح اھالی قلعہ بدنلرینہ جیقارلادی . فقط بونلر عائلہ لرینک آج قالدیفی بہانہ ایدہرك آرزو کرہ اولرینہ کیتدیلر . ایمپراطور ترك موقع ایدنلرك شدیداً مجازات ایدبلہ حکمرینی اعلان ایدہرك شہردہ مدخراتی آیلق ارزاقدن مدافعینہ توزیع ایتدی .

طوب قابو ایلہ ادرنہ قابوسی آرہ سندنہ کی جہہنک مدافہ سنی درعہدہ ابدن قسطنطین ایلہ ژوستینیائی سوردلرك خراب محللرینی تعمیر ایچون بك چوق اوعراشدیلر . ژوستینیائی هجوم کیجہ سنی طوب قابو جوارندنہ کی کدیك آرقہ سنہ دربن برخندك قازدیروب کرینسندہ سپرلر یاپدیردی و بورایہ تعینہ ایتک اوزرہ خلیج سوردلرینی مدافعہ مأمور لو قاس نوطا اردن برقاج طوب ایستندی ؛ فقط نوطارا اسماً ژوستینیانیک هجوم اصلی جہہ سنی کی الکھم برمنطقہنک مدافہ سنہ مأموریتی چکمدیکندن طوب ویرمدی . قوماندانلر آرہ سندنہ کی اتحاد سزاق ایمپراطوری بك زیادہ مآبوس ایتدی و اختلافک اوکفی آلمہ چالیشدی . بوتون مدافعہ منطقہ لرینی طولاشہرق افرادی تشجیع ایلدی . عثمانی افرادی اوزرینہ مؤثر آتشلر اجرا ایدلدی . هجومدن برکون اول ایمپراطور آیاصوفیہدہ بوبوک برمراسم دینہ اجرا ایتدی . اھالیدن برقمی کلیساردمہ دعا ایدیہور ، قسم دیگری « بویلہ اتفاقسزلق ایلہ ایش کورواز و عثمانی طوبلرینہ قارشی طورولمز ، تسلیم اولق دھا خیرلیدر »

مطالعه سنده بولونیور ؟ باباسلر ایسه مدافعینک قوؤ معنویه سنی تربید ایچون . واقعا عثمانلیلر ، ایمپراطورله معیتده کی قهرمانلرک غیرت وفدا کارلقلرینه رغماً طوب قابوی زور لایه جقلر و سلطان احمد میدانسه قدر کله جکلر ایسه ده بوراده بلوطلردن بر ملک اینوب آنلری نهزمأ رجته مجبور ایده جک ! » دیورلردی . بوتشویقات سابه سنده مدافعه خطر نده عظیم بر فعالیت کور و لیور و مدافعین اعظمی غیرت اظهار ای دیورلردی .

هجوم عمومی ترتیبائی: هجوم عمومی ایچون قطعات بروجه

آتی اوچ قوله تقسیم ایدلی : صاع جناح قولی ۵۰،۰۰۰ کیشی قوتنده اولوب بدی قله قارشیسنده ؛ صول جناح قولی ۵۰،۰۰۰ کیشی قوتنده اولوب تکمفور سراپ قارشیسنده ؛ هجوم اصلی جبهه سه مراتب مرکز قولی ده فاتح محمد قوماندانده کی یکچیر یوردن مرکب اوله رق طوب قابو ابله ادرنه قابوسی آره سنده آچیلان کدیک محملک قارشیدنده اخذ موضع ابدی . خلیچده کی ۷۰ قطعه سفینه انصار قابوسی ابله اون قبای قابوسی آرا سنده کی خلیچ ساحلی تضیق و دونامانک متباقی افساسی مرمره ساحلی آبلوقه ای دیور ابدی .

هجوم عمومینک ضرر جریان واسه تانبولاک سقوطلی :

مابسک ۲۹ نحی صالی کونی شفق آتارکن قره دن و دکزدن هجوم عمومی باشلادی . فاتح محمد هجوم نقطه سی حقه ده مدافعینی اغفال ایچون اولا دیگر نقطه لره قارشیه نمایشده بولیدی . بطریقه لر کدیک محملرینه کمال شدتله انداخته باشلادیلر . بورو و داوول سسلری ، الله الله ! و اورده اورده [*] صدالری اطرافه دهشتلر و ربیور ؛

[۰] «اورده» تعبیری عثمانلیلر طرفدن انشای حربده استعمال ایدیلوب آوروپالیر بونی «هورده» صورتیه تحویل ایتشلردر .

آتیلان چپان و اوقلر، مانجیقلرک صاووردینی قیالر، روم آتشلرینک آلورلی، طوب مرملرلی، نارت شعلرلی، هرایکی طرفک دعا و مناجات-سملرلی، بوتون چاکلرک کورولتورلی، توز و دومان بربرینه قاریشمش؛ قورقونج صدار، مدهش ضیال اطرافی استیلا ایتمش بولونیه ردی .

عثمانلی هجوم قولرلی بک زیاده غیرت کوس-تریور، فاتح محمد آلدن مذهب بر طویوزله هجوم قوللری طولاشیور و افرادی تشجیع ایلوردی .

باشلرنده بالذات امپراطورله ژوستینیانی بولنان مدافعین هجوم حمه-سی بویوک برجسارت و شدتله و معنده مدافع ایدرک عثمانیلرک یکدیگری تعقیب ایدن ایکی هجوم قوللی فضله تلفاته دوچار و توفقه اجبار ایتیلر. آرزو کره عثمانیلر اوچنچی دفعه اولمق اوزره یکیدن هجومه ماشلادیلر. امپراطور کل سواق و سرورله : «سلاح آرقداشلی وقرده شلر ! ظفر بزم طرفده در، حساب حق نرمله برابر در !» سوزلرلی سویلرکن ژوستینیانی ده مدافعینه نمونه امتثال اولمق و عسکرینی ثبات و مدافعیه تشویق ایلک ایچون سوردک اوزرینه چیقیدی و بویوک بر غیرت ابراز ایتدی صرعه بر عثمانلی اوقی ایله یارالاندیغدن اضطراباته تحمل ایدمیه رک یارده-سی صاردیرمق اوزره امپراطورک رجا و اصرارلرینه رغماً خط مدافعینه ترکله لیان استقامتند چکیلوب کتیری . بویکیفیت ژوستینیانی معیتندکی عسکرک تأثر و هیجانی و خط مدافعده قاریشقلانی موجب اولدی .

بواشاده تکفور سرائی و خدیج طرفنده کی قوللرده سوزلرلی مدهش صورتده زورلا بوردی . غلطه دن اینن زاغانوس پاشا

معیتده کی قول ایسه خلیج سورلرینه قارشى قطعى تعرضه باشلامشدى .
 اوچنچى هجومك ده موفقیتسز لکله نتیجه لندیكى ائناده اولو آبادلى
 حسن نائنده ایرى جنالى برقهрман ، بوقدر غیرته رغماً سورك ضبط
 ایديله مدیکنى گورنجه ، بر آتشبار ؤ حماست کسبلدى وصول ائنده قالقانى
 صاغ ائنده بالاسى اولدینى حالد ۳۰ قدر دلاورله ایلری آتیلدى
 وهیچ برتهلکله اهمیت ویرمه رنک برصوات شیرانه ایله سورده طیرماندیلر
 وبدنلر اوزرینه چیقدیلر ؛ فقط بوتلردن اون سکزی اوراده شهید
 دوشدى . حسن فوق العاده شجاعت ابراز ایدرک متبادیاً دشمنه
 اوق آتیور ومعیتده کی افرادى تشویق ایدیوردی . نهایت آتیلان
 جسم برطاش بوقهرمانى بدندن آشاغى بووارلادی . حسن بنه آیاهه
 قلقه رق قالقانیله کنديسى مدافعه به چالیشدی ؛ فقط جریحه لرینک
 تأثیریه مجالسز قله رق قالقانى ائندن دوشدى و اوق یاغمورى ایچنده
 شهدا قافله سنه قاریشدی . لکن بوخارق العاده منظره قارشیسنده
 غلیان وغیره کلان حسنک منسوب اولدینى اورته افرادی ، قهرمان
 حسنک انتقامى آلق اوزره قلعه بدنلرینه شدتله هجوم ایتدیلر .

محاربه نك بوتون شدت و کثافتى طوب قابو ایله ادرنه قابو سنده
 وبوقبولرک طرفینده کی سورلر اوکند جریان ایدیوردی . مهاجمین
 اك زیاده بوراسنى تضییق و هجوملرینى متبادیاً تجدد ایدیوردی .
 ایمپراطور فوق العاده اهمیتی حازر بولان بو هجوم جبهه سنک مدافعه سنه
 صوك درجه همت وغیرت کوستریور وبومقصدله مدافینک مرکز
 قلتنى بوجهده تکشیف ایدیوردی .

درت بوجق ساعت ظرفنده درت بوبوك هجومى کمال موفقیتله
 دفع ایدن ایمپراطور ؛ عثمانلى مقاومتک قیرلق اوزره اولدینى ظن

ایده رك مسرور اولدینی صرمدہ انتظار ایدلمیان بروقمہ شہرك سقوطی
تسریع ایتشدرد . شوبله کہ :

تکفور سرائیک آشانغی طرفندہ تحت الزمین اوفق برقابو وار
ایدی کہ سیرق قابوسی تسمیه ایدیلوردی . سنہ لردنبری قہالی بولنان
بو قہو هجوم عمومیدن برقاچ کون اول ، مدافعنیک حرکات و تکیکجاتی
تسہیل مقصدیلہ آچیلمش وجالب نظر اولمیان بو اوفق قابونیک تکرار
سدی اونوتولمشدی . مدافعنیک قسم اعظمی هجوم جہہ سندنہ مهاجینہ
مقابله ایله مشغول بولوندینی بر صرمدہ ، ۵۰ قدر یکیکچری حسن
تصادف و اثر طالع اولہرق مذکور کیزلی قابونی کشف ایتدیلر و بورادہ
مدافعن بولونمادیغنی کورہ رک در حال سیرق قابوسندن کیرہ رک طیش
سور ایله ایچ سور آراسنہ بلامشکلات داخل اولدیلر و بدایتدہ بر
مقابله کورمہ دکرنندن ادرنہ قابوسی استقامتندہ ایلریلہ دیلر . عینی
قابودن متعاقباً و متہادیاً تورکلر داخل اولدقلرندن مهاجینیک قوتی
کیتدکجہ جوغالدی .

ادرنہ قابوسندہ خارجی سوری مدافعہ و محاربہ ایله مشغول خریدیانلر
برقم تورکلر طرفندن آرقہ لرینیک آلدیغنی کورونجہ محاربہ بی قطع
ایدہ رک بونلر اوزرینہ آتیلدیلر . شومدهش وضعتی خبر آلان
ایمپراطور یک مایوس اولہرق در حال بورایہ قوشدہ ، صولک درجہ
مدہش بر محاربہ جریان ابتدی و اورالری قان و تلف اولان انسان
جسد لرلہ دولدی ؛ فقط تورکلرک موجودی کیتدکجہ جوغالمقدہ و مدافعن
ایسہ بالعکس آزمالمقدہ ایدی . بوتون پالہ تولوغوسلر ، متوخیتلر ،
قانتا لوزن . . . و امرای عسکریہ ایله اک کزیدہ افراددن ۸۰۰
ی متجاوز محارب تلف اولدی و نہایت جنسکاور تورکلر اشبوجسدلرک

اوزرندن كچوب ادرنه قابوسنك ياننده كي كديكدن شهره كيرديلر .
 بواشاده طوپ قابو قارشيسينده كي عثمانليلرده صوك وقصبي برهجوم
 ايله بوراددي كي كديكدن استانبوله كيرديلر

توركلر ادرنه قابوسي ايله طوپ قابودن شهره كيرمه لرني متعاقب
 خليج جهننده كي مهاجرلرده ، اون قپاني قابوسندن مردبونلرله قلعه
 بدنلرینه چيقمشله ومدافيعني بوسكوره نرك شهره داخل اولمشلردى .
 بومظفريت اوزرينه خليج جهننده كي ديكر قابولردن ده طرف طرف
 كيريله نرك شهره استيلا ايدلدى .

مختلف قابولردن ، مظفرانه شهره كبرمن عثمانليلر ۵۳ كونلك بر
 محاصره دن صوكره روما شرق ايمبراطورالغلك پاتيجنى اولان بيزانسه
 حاكم اولديلر و بيزانس سورلرنده عثمانلى سنجاقلى دالغه لانغه
 باشلادى (۲۹ - مائس ۱۴۵۳) . عثمانليلر شهره داخل اولوركن
 برسورو خلق سلطان احمد ميداننده طوپلانهرق اولج بيزانس راهبلى
 طرفدن خبر و بريان « بلوطلردن اينوب عثمانليلى رجته مجبور ايدده جك
 ملكك » ظهورينه انتظار ايلشله ايسوده عثمانليلك بوتون شهرى
 استيلا ايتدكلريني كوردكدن صوكره صوك ايميدلرلك بوشه چيقدىغنى
 آكلايهرق ۲۰,۰۰۰ ي متجاوز خريستيان آياصوفيه معبدينه التجا
 وقاپولرى قپاق صورتيله جالريني قورنارمقدن باشقه برشى دوشونه مديلر .
 فرنك رؤسانسك بقيه سي كميلره التجا ايچون قدرغه ولائغه ليااللى
 استقامتنده فرار ايتديلر .

ايمبراطور قسطنطين شاشقين برحالده « شهر آندى ، بنم ماشمى
 آله حق خريستيان يوقى ؟ » ديارك آياصوفيه استقامتنده فرارايدركن
 وفاده اون قپاني جهنندن ايلريله ين قوله منسوب ايكي عثمانلى به تصادف

ایتمش و در حال مقابله ایتمش ایسه ده اشو عزیزلر طرفندن باشی بدندن
آیرلمق سوریه قتل ایدلمشدر . اهلی کلیدسارله النجا ایتدیکنندن
تلفاتک مجموعی ۲,۰۰۰ قدردر . نهایت یزانس شهری بویوک قسطنطنیندن
۱۱۲۵ سنه صوکره ابراز اولنان فوق العاده قهرمانانه وفداکارانه
حرکات نهجه سنده عثمانیلرک بدضبطه کچمش وروما شرق ایمراطورانی
تاریخک ایدی صحیفه لری آراسنه کومولش وتودکر یکی برقرن آچغه
موفق اولمشدر .

استانبولک ضبطندن صوکره جریان ایدن احوال : فاتح

محمد صالی کونی اوکله به طوغری مددب برآلای ایله شهره کیرمش
معظم برینا اولان آیاصوفیه یی کورمک ایچون دوغریجه او استقامته
ایلرله مشری . مذکور معبد موصلننده دروننده کی اهالی تسلیم
اولایلر وهبیچ برتحاوره معروض قالمایه رق حسن معامله کوردیلر .
آیاصوفیه ساحه سنده بر دامله بیله قان آقسنه میدان و برینا مشدر .
فتح محمد آتدن اینه رک عمیق برخشوع دیندارانه ایله معبد کیردی
و بناتک بک قیمتدار تزیناتی تارشیسنده حیرته قالدی . آئنده کی
سنحانغی محراب محله رکز ایتدی تصویرلر و صلیلر طیشاری
چیقاریلدی . اذان محمدی اوقوندی . آق شمس الدین حضرتلری
بطریق مخصوص کرسی به چیقارق فضیلت جهاد و فتح قسطنطنیه حقنده
بلیغ برنطق ایراد ایلدی . فاتح محمد آیاصوفیه ده ایکی معبدک قیمتدار
طاشلرندن برینی قیرمقله مشغول بریکچیری نفرینی کورمش و شدتله
تحزیه ایتمکله برابر : « اموال و خزینه سزک ، شهر مبایسی بنمدر ! »
خطابنده بولونمشدر .

فاتح محمد آياصوفيه دن صوكره ادرنه قابوسی جوارنده کی تكفور
سراینه كیندی . برزمانلر بیزانس ایمپراطورلرینك حشمت وداراتی
کوسترن بوجسیم بنالك شیمدیکی حال وخرایسی تأثرلرینی موجب
اولدی . عثمانلی قوماندانلریله برلکده تكفورسربی کزرکن دیوارلرنده
اوروجك آغلرینی کورنجه :

برده داری میکند درقصر قیصر عنكبوت
بوم نی بت میزند برطارم افراسیاب

یئنی متأرانه-وبله دیکی شهوردی . فاتح محمد سرایدن چیققدن
صوكره رئیس وكلا لوقاس نوطارانی حضورینه حلب ایدیه رك اسفندیار
بكك تسلیم تكلیفه نیچون موافقت ایدیه دیكینی ونه دن بوکونکی فلاكت
وخرانییه میدان ویرلیدیکی سؤال ایلدی . نوطارا : « حکومت
اجنبیه دن مقاومت ایدلمسی حقنده آلتان مکتوبلر ادرینه ایمپراطورك
صورت قطعیده تسلیمه طرفدار اولمادیقی، بیلدیردی . فاتح نوطارانی
اعزاز ایتدی .

فاتحك امرلیله هر طرفده تخری ایدیلان قسطنطنینك جسدی «
جیزمه سنده کی علامت ایمپراطوریدن آكلاشیلار ق بولوندی واحترامات
لازمه ایله قالدیریلوب احضار اولنان موقع مخصوصه (وفا میداننده ،
اوکنده بویوك برجناز آغاجی بولنان قهوه خانه لرك آرقه طرفده «
مرحوم طلومبه جی باشی قوناغك انصانده کی قدیم برخان عرصه سنده
ودیکر بروایتیه نظراً بالقلی ده) دفن اولندی .

بوقتج عظیمی متعاقب عثمانلی اردوسی اوق میداننده مکمل بر
رسم کجید اجرا ایتدی وظفر آلانی ترتیب ایلدی . اردویه ضیافت

ویرلدى ، او قىلر آينىلدى . ترسانه باغچه سنده اوچ كون اوچ كيچه دوام ايدن ضياقتى فاتح محمد اداره ايتدى . اوراده موجود بولنان ۱۷۰,۰۰۰ عسكره هديه لر توزيع ايدلدى .

فاتح محمد ايلك جمعه نمازنى ، بويوك بر آلاى ايله كلوب آياصوفيه ده ادا ايدلدى . فاتح محمد آلنده يالين قىليچ اولدنى حالده منبره چيقوب بالذات خطبه نى او قودى . آق شمس الدين حضرتلى امامتى ايفا ايدلى .

جنويزلر ك حين محاصره ده روملره معاونتلىرى بيلندي كيندن زاغاتوس پاشا غلظه نك ضبطنه مأور ايدلدى ؛ فقط جنويزلر هيچ بر مقاومت كوسترمه ديلر . سيلورى قصبه سنه التجا ايدن بيزانس رؤسايى ده نهايت تسليم اولديلر .

فاتح بزانسليلره غايت ابي و صلحچو ورانه معامله ايتدى . حتى رؤساي يونانيه دن جنادىوسى بطريق نصب ايتدى و بطريقه مرصع بر عصاو يردى . خريستياز . مساعدات و امتيازات بخش ايتدى . خراب اولان مبائينك و سورلر ك تعميرينه باشلاندى . عودت ايدم جك فراريلره خانه لرى اعاده ايديله جكي و ايكي آيه قدر عودت ايتمزلسه مصادره اولنه خنى اعلان اولندى .

فاتح محمد يكرمى كون قدر اسـتانبولده قالدق دن صوكره قاريشدير ن سـليمان بكى اسـتانبول دفتر دارى تعين ايدم رك ادرنيه عودت ايدلى .

استانبول محاصره سندن استخراج ايديلان نتايج : استانبولك فتحى ، فاتح محمدك سياسى و عسكرى قدرت ودهاسنى اثبات ايدن

اك بارلاق بربرهاندرد. عثمانلی دولتی روم ایلی و آناتولیده اودرجه توسع ایتدکدن صوکره شرق کلیساست مقری اولان یزانس ایمپراطورلغنك، ممالك عثمانیهنك اورتسندده عادتاً بر دیکن کی موجودیتی سیاست پک محذوری یدی. هم روم ایلی و آناتولینك مدتاسنده ملت و دین و اعتبارله تورکلرک تماماً غیری مستقل بر روم ایمپراطورلغنك موجودیتیه خاتمه ویرمک و هم دولتنك روم ایلی ده مطلق بر صورتده استقرارینی تأمین ایلت ایچون استانبولک ضبطی الزم ایدی. بونقصه سیاسیه بی تقدیر ایدن و بشارت جلیله پیغمبری به مظهر اولان و بزه جهانك اك کوزل شهرینی قازاندیران فاتح محمدك نه بویوک برسیاسی اولدینی قولایلقله آ کلاشیایر. فی الحقیقه استانبولک فتحی اودرجه مهم وقایع سیاسیه دندرکه؛ تاریخ علمده بر قرن دیگر کشاد ایلشدرد.

عسکری نقطه نظر دن تدبیر ایدلم؛ استانبولک محاصره و فتحی، تاریخ محاربات قلاع نقطه نظرندن پک زیاده قیمتی حائر، چونکه استانبول اوزمانك اك متین، اك بویوک، اك مستحکم بر قلعه سی ایدی. استانبولی احاطه ایدن سورلر، بر چوق عصرلرک محصول غیرت و فعلالتی ابله تکمیل ایتش ارلوب شهری هر درلو مهاجمانه قارشى کمال مناسله مدافعه به صالح، جهانك اك متین بر قلعه سی حالته قویمیشدی. بوسبیدن بر چوق بویوک اردولرک متوالی هجوملرینه هدف اولان بومستحکم شهر، کندینی مدافعه به مقتدر اولمیشدی.

استانبولک شیمدی به قدر ضبط ایدیلده مه مسنك سبی: محاصره اردولرینك کافی درجه ده قوتلی اولماسی و محاصره اردولرنده قلعه سورلرینی تخریب ایدمیله جک و سائط حربیهنك بولونماسی

و هما حین ده ثبات و عزم و اراده خاصه سنک نقصان اولمی ایله خلاصه ایدیله بیلیر .

عثمانیلر قلعهلری ضبط ایده جکلری وقت آبلوقه اصولنه مراجعت ایدرلردی . بومقصدله اولا جوارده کی موافقی ضبط و ایجاب ایدرسه حصار انشائی صورتیله قلعنک خارجه ارتباطنی قطع و صورت منظمه ده محاصره و تضییق ایدرلردی . بروسه و اشنه قودرنک محاصره سنده بواسوله رعیت ایتملردی .

فاتح محمد استانبولک محصره سنه قرار ویرر ویرمز اولا روم ایلی حصارنی انشا و آناطرلی حصارنی تعمیر ایتدیردی و بوسه به ده استانبول بوغازینه تماما حاکم ایلدی ؛ ثانیاً امپراطورک برادری اولان موره حاکمنک استانبوله فوت کوندر مسنه مانع اولدی . بعده بالعموم تفرعات اوزریده تثبیت ایدلمش اساسلی و منظم ر محاصر بلانی تنظیم ایتدی . یک چوق طونی حاری ۲۰۰,۰۰۰ کیشیلک اورماه قدر کوررلمه مش بویوک بر اردو وجوده کتیردیکی ؛ سورلری تخریب ایده یسه حاکم امشالی نامس سبق جسیم طوپلر دو کیدردی و ۱۴۵ سفینه دن مرکب بردونانما احضار ایتدی . نهایت محاصره بلاننه تویقاً وقواعد حریه یه تماماً رعایت ایدرنک استانبولی قره دن ود کردن محاصره ایتدی .

استانبول قلعه سی هر طرفدن محاصره ایدلمکله برابر طوپ قپو ایله ادرنه قابوسی آراسنده کی محدود قسم هجوم اصلی جهه سی اوله رق انتخاب ایلدی و بوجهه قارشینه اک کزیده عثمانلی عسکر یله اک بویوک چاپلی طوپلر و متعدد بطریقه لر تعینیه ایلدی . فاتح بالذات هجوم اصلی به مأمور قطعانک قومانداسنی درعه ده ایلدی . بری و بحری

قوتلری هجوم اصلی جهه سنده تکائف ایتدیره بیلیمک و قلعه بی ده اؤثر بر تضییق آلتنده بولوندیره بیلیمت غایه سیله دونانماک مهم بر قسمی قره دن کچیریلوب خلیجه ایندیرلدی . بطریقه آتشلرینک حسن اداره سیله هجوم جهه سنده کدیکلر آچیلدی . محاصره مدتیجه یک بویوک بر صبر و متانت ، عزم و شدت کوسترلدی . خلاصه محاربات قلاعه بوکون بیله جاری اولان قواعد اساسیه نک حسن تطبیقی سابه سنده درکه زمانک الک مستحکم بر قلعه سی اولان استانبول نهایت سقوط ایتدیر .

استانبولک ضبطنده احوال روحیه نک ده تأثیری اولمشدر . چونکه عثمانلی افردینک قوه معنویه لری یوکسکک اولمسنه مقابل مدافینک معنویاتی بوزوقدی . روملر آره سنده اخلاقسزلق ، سفاهت ، نفاق و شقاق ، حسد و استرقاب حکمفرما ایدی .

خلاصه فاتح محمد استانبول محاصره سنده : روم ایلی حصارینک انشاسیله بوغازک سدی ؛ استانبوله خارجدن قوای معاونه کلکسنه مانع اولسی ؛ منتظم بر محاصره پلانی تنظیم و حسن تطبیقی ؛ بویوک بر اردو ، جسیم بردوناما وجوده کتیرمسی ، یک بویوک چاپلی طوبلرله هوان ایجاد و استعمال ایلسی ؛ هجوم جهه سنده قوای حربیه نک تمکینی و طوبجی آتشنک تمرکز ایتدیرلمسی ؛ طوبلرک سرعت انداختی تأمین و محافظه ایچون هر انداختی متعاقب ناملولرک زیستون یاغی ایله طلا ابدلمسی ؛ تحت الزمین لغم محارباتنک تطبیقی ؛ بویوک سیار قلهلر انشا و استعمالی ؛ دونانماک شایان حیرت و تقدیر بر مهارتله خلیجه ایندیرلمسی ؛ خاسکویدن آبوانسرایه خلیج اوزرنده اخشاب برکوپری انشاسی ؛ عزم و شدت ، صبر و ثبات کوسترلمسی کبی او

زمانه قدر سابق محاصره اردولری باش قوماندانلرینک خیالندن بیله
کچمیان اختراعات مهمه واجراآت فوق العاده سایه سنده اک متین و بک
مهم اولان استانبول قلعه سی ۵۳ کونلک شدتلی بر محاصره دن صوکره
قبضه فاتحانه سنه کچر مکه موفق اولمشر .

استانبولک سقوطی اسلحه ثقیله نک ترقی و تکاملنه خدمت اعتبار یله ده
حائز اهمیتدر .

اک بارلاق مفاخر ملیه مزدن اولان بوقتح عظیمک مطالعه سی
هر حالده موجب استفاده در .

فتح قسطنطنیه نک صوکی

۵ - ایران سفری

چالدران میدان محاربه‌ی

[۹۲۰ هجری - ۱۵۱۴ میلادی]

اسباب حرب : یاوزسایم کره ارضی آزکون جهانگیرلردن ایدی . عزیمپرور، جنیکاور و جلادتیله شهرتشممار اولان یاوزوک زمان اداره‌سنده عثمانلی حکومتک شوکت و سطوتی برقات‌دها آرتمشدی جلوس اعلان اولنور اولونماز؛ ولداوا، اولاج، بحارستان، وندیک، مصر و آوروپا حکمدارلردن عرض تبریکات ایچور طرف طرف مرخصلر کلمشدی. حتی روسیه برنسی واسیلی نامنه ورود ایدن مرخص، روس پرنس‌لرینک اوتدنبیری عثمانلیلرله ائتلافکارانه یاشادقلربی بیان ایدرهک، آزوف وکفه جهتلرنده سربستی تجارتک محافظه‌سینه مساعدت مخصوصه ا-تحصالنه موفق اولمشدی .

هر طرفدن حرمت و محافضتله جلوس تبریکانه مرخصلر شتابان اولدقلری حالده؛ یالکیز ایران شاه‌ی اسماعیل صفویینک مرخص کوندرمه‌سی یاوزوک اغبرارینی موجب اولمشدی . شاه اسماعیلک غایه‌سی : عثمانلیلر آردسنده شیعیلکی انتشار و توسیع ایدرهک ایران حکومتک بقا و استقرارینی تأمین ایتک ایدی . فی الحقیقه بومذهب سالکلی کوندن کونه چوغالیور حتی عثمانلی اردوسی ارکانشدن بعضیلرینده دائرة نفوذینه آلیوردی . اولجه برچوق قانلر آقده‌سینه سبب اولان مذهب منافرتی، حالا اداره حکومته تأثیر اجرا ایدرهک

ويك فنا نتيجه لر ويره جك برشل آلفه باشا مشدى . بوندن باشقه شاه اسماعيل ، عثمانليار علمبنده اتفاق ايجون مصر سـاطنانرينه متاهداً مرخصلر كوندرييوردي . آرادا مذهب اختلافي اولمسه ايدى بوكاده موفق اوله جنى يك طيبي ايدى .

ياووز سـليم اوتة دنبري عثمانليار ايله ايرانيلىر آره سـنده شدتى منازعه لر باءث اولان منافرت مذهبي ، اورته دن قالديرمى غايه ايدنمشدى . احوالك كسب ايتديكى وخامتى ازاله و حكومت عثمانيه داخلنده اساسلى برتسيقات اجراسى ايجون ايرانيلىرى مغلوب ايتكدن باشقه چاره كوره ميوردى . شاه اسماعيلك بر طرفن جلوسى تبريك ايتمه مى ، ديكر طرفن آماسيه واليسى شهزاده احمدك اوج اوغلنى حسن قبول ايدمرك ياووز قارشى حمايه ايلسى ، بغداد وماردين ديارى اشغال وديار بكر ايله ملاطيه دن ذوالقدريه حكومتى دائرة نفوذينه ادخال ايدمرك عثمانلى حدودى احاطه و تضيق ايتك ايسته مى ، شيعه مذهبنى حدود عثمانى داخلنده انتشار و توسعه سـاعى اولمى اعلان حرب ايجون كافى سببلر ايدى .

شاه اسماعيل ايله حربه قرار ورن ياووز ، حركات عسـكريه ائناسنده شيعيلرك مملكتنده برغانله چيقارمه لرينه مانع اولمق مقصديله ؛ اولاً شيعيلكى قبول ايدنلرى خفياً تحقيق و شيعيلرك ۴۰,۰۰۰ قدر اولديغنى تثبيت و بونلرك ۵۰۰۰۰ پسنى قتل ايتدبرمشر .

ياووز سليم شيعى تهلكسنى بر طرف ايدر ايتمز ؛ ادرنده برديوان حالى عقد ايتدى . مجلسـده ابرانيلىرله اولان اختلافانى برررر ذكر ايتمش وديلرانه طورلر آلارق : « حرب ! حرب ! حرب ايتك ياووز سليم شيعى تهلكسنى بر طرف ايدر ايتمز ؛ ادرنده برديوان حالى عقد ايتدى . مجلسـده ابرانيلىرله اولان اختلافانى برررر ذكر ايتمش وديلرانه طورلر آلارق : « حرب ! حرب ! حرب ايتك

عسـكرى تاريخ - ۹

لازم ۱، دبیہ رک باغیر مشدی . بووضع مهابت قارشیسندہ مستغرق
دہشت و حیرت اولان قوماندانلرک ، سکوتی اختیار ایلمسی و بالکنز
عبدالله اسـمـندہ بر یکچیجری نفرینک ، حرمت و تعظیم ایله یاووزک
آیاقلرینه قپانه رق: دشر تشعار یاووز سلیمک سطوت و حماقتی آلتندہ
حرب ایتمک عثمانلیلرجه باعث سعادت اوله جفنی سوله مسی، یاووزی
ممنون ایتدیکندن مرقومه، سلائییک سنجاغنی آرپهلق اوله رق احسان
ایلمشدی . بو صورتله مجلس عالیده ایرانه قارشى حربہ قرار ویرلمشدر .

طرفیک قوای حربیه سی : چالديران محراسندہ عثمانلیلر

۱۰۰,۰۰۰ نی متجاوز ، ایرانیلر ۱۰۰,۰۰۰ موجودندہ بر اردو
احتماع ایتدیرہ یلمشـلردی . عثمانلی اردوسندہ ۷۰,۰۰۰ سوارى
اولدیمی کبی ایران اردوسنکده اکثریتی سواریلر تشکیل ایدیوردی .
ایران سـفر یچون، عثمانلیلر ۱۴۰,۰۰۰ دن فضلہ بر قوت طوپلامشلر
ایسه ده ۴۰,۰۰۰ کیشیسنی، کربده (قیصرى - توقت) اس الحر که سندہ
براقشـلردی . عثمانلی اردوسندہ پک جوق طوپ واردی . باشدہ
یاووزکی نادر یتیشن بر باش قوماندان اولدینی حالده؛ آنا طولی بکلربیکی
خادم سنان وروم ایلی بکلربیکی حسن پاشلر وهرسک زاده احمد پاشا،
دوقه کین زاده احمد پاشا ، دفتر دار پیری پاشا ، مورخ شہر ادریس
بتلیسی و سائرہ کبی تجربہ دیدہ قیمتلی ارکان عسکر یه نک موجودینی
عثمانلی اردوسنک قیمتق تزیید ایدیور، افرادک، حس اعتماد و معنویاتی
تزیید ایله یوردی .

ایران اردوسندہ پیاده موجودی ، عثمانلی پیاده سنہ نظراً آاز
ایدی . طوپ هیج یوقدی . ایران سواریسنک مهم قسمی زرہلی

اولوب قیرمزی توپلرله مزین مغفرلری اوزاق-دن پارلابوردی .
اسکی برمدنیه مالک اولان ایرانک مشهور صنعتکاری طرفدن
پایلمش اکر طاقلری ، زینتلی زرهلر ، بیلدیزی قالقان و مغفرلر ،
مصنع قیلیجلر پاربل پاربل پارلامقده ایدی . ایران اردوسنده ضبط
وربط وانتظام مکمل اولوب تعلیم و تربیه-لریده این ایدی . افراد
زنده وتوانا اولوب قوه معنویه-لریده یوکسکدی . دیا بکر والیسی
اوستاحلی اوغلی ایله بغداد ، مشهد ، خراسان ، موغان والیرلیکی
چوق حربلی کورمش قیمتی قوماندانلر موجود ایدی .

طرفینک - سفر پلانی :

عثمانیلرک - سفر پلانی : مقصد ایرانی استیلا اولوب تمرزی
ایدی . عثمانلی اردوسی خط الحركات اوزرنده بولسان و مرکزی
وضعیتده اولان اسکیشهر اووه-سندنه تجمع ایدرک (قونیه - سیواس -
ارضروم) طریقه تبریز استقامتده ایلریله چک و ایران اردوسنده
بولدینی محله تمرز ایدرکدی .

اردونک اعاشه-سنگ تأمین ایچون (استانبول - طبرزون - اردونجان
و قیصری - سیواس - ارضروم) منزل خطلرینک تأسیسی و کری
خدماتنک تنظیمی ایلك دفعه دوشونولش بر اثر تجدد ایدی .

ایرانیلرک سفر پلانی : ایرانیلرک تثبیت ایدلش قطعی بر
سفر پلانی یوقدی . ایران اردوسی متجاوز عثمانلی اردوسنه قارشی
مدافعه-ده قالدق ملکتلرینی استیلادن محافظه ایدرکدی . پک
اوزون برخط الحركات اوزرنده ، آیلرجه دوام ایدرک ایلری حرکات

اثنا سنده عثمانی اردوسنی آجلق و محرومیتله بیپراتیق و ضعیف دو شور مک ایچون حدوددن اعتباراً آذربایجان حوالیسنه قدر تمه دی ایدن واسع منطقه تخریب و هر درلو منابع احیا ابدیله جکدی .

عثمانی اردوسنک ایران استقامتنده حرکات سوق الجیشیه سی :

حربه قرار ویریلیر ویرلز؛ یاووز بوتون ایالت قوماندا نلرینه اردونک یکیشهر اووه سنده تجمع ایتمک اوزره در حال سفر بر حاله وضعی امرایتدی . ادرنده بولنان خاصه قطعاتک سفر بر لکی اوچ کونده اکمل ایدلدی و بهار موسمی ده حلول ابتدیکنندن یاووز بوقطعاتله هان حرکت ایتدی (۲۳ - محرم - ۹۶۰ = ۱۹ - مارت - ۵۱۴) . پارا رایتسی (نونی) ، [قروکی - ۱۶] .

یاووز اون کونده استانبوله واصل اوله رق ایوب سلطان حوارینده اردوگاه قوردی (۲۹ - مارت) . عسکر حال استراحتیه کچرکن یاووز ارکان و امراسنی آلهرق حضرت ابو ایوب الانصاری یه کیتدی و دین اسلامک بو سفرده مظفر اولمسی ایچون جناب حقندن اضرع و نیازده بولوندی . مغنیسادن کلان اوغلی سلیمانی نیابت حکومتله استانبوله براقیدی . ایران طرفلری اوسنه قوراقلق اولدیفندن اردونک اعاشه سیچون طربزونه کیملرله بحرأ ذخیره نقلی مسئله سنی تأمین ایلده دکن صوکره ، صفرك ۲۴ نجی کونی فاتحک تربیه سی زیارت اولنهرق اردو بشکطاشدن اسکداره کچیرلدی .

خاصه اردوسنی نیسانک بکرمنجی کونی اسکداردن حرکت ایتدی . آناطولی بکربکی خادم سنان پاشا بر قدم معیتله اردویه مالیه ده ملاقی

اولدی. بوسنه عسکری ایسه حرکت اوچنچی کونی اردوبه التحاق ایلمیشی. مالتپه دن حرکت ایدن اردو نیسانک ۲۳ نجی کونی ازمینه واصل اولای. بواننده یقالانان برقیزلباش اسیریه اعلان حربی متضمن بیاننامه، شاه اسماعیله کوندرلدی.

اردو ازمیت ازمیت-ق طریق تعقیب ایده رک یکیشهره مواصلت ایددی و بوراده اوچ کون استراحت ایدلدی. روم ایلی بکاربکی حس پاشا، معیتی عسکرلرله کلیبولیدن چناق قلعه بوغازینی مرورله ییشهرده اردوبه التحاق و برلکده-یدغازی به حرکت ایدلدی. اثنای حرکتده یاوز افراده بعضاً التفات ایده رک بعضاً عطیه لرحسان ایده رک شوق وغیرتلرینی تزئیده اهمیت ایدیوردی.

سیدغازیدن اعتباراً امنیت ترتیب ایله حرکت ایدلدیکندن، صدراعظم دوقه کین اوغلی احمد پاشا قوماداسده ۲۰,۰۰۰ سپاهی پیشدار اوله رق اردو ایلیسه-نده تحریک اولندی. اردونک ده ایلیسه س-ینوب والیدی قره جه احمد پاشا قومنداسده ۵۰۰ قدر سواری کوندرلدی. مذکور قره جه احمد پاشا مرزده سی؛ مستقل سواری اوله رق حرکت ایده جک، کشف احرا ایده جک، اردونک حرکتی تسهیل ایلیه جک و دشمندن اسیر آلمغه چالیشه جقدی.

اردو (قونیه اوزرندن قیصری) استقامتمنده یورودی. یوله مختلف طرفلر درکلان افراد، اردوبه التحاق ایدیورلردی. قونیه ده آلتی و قیصری ده برقاچ کون موله و برلدی. بوتوقف اتناسنده ذوالقدریه (اطنه قطعه سی) حاکی رمضان اوغلارندن علاء الدوله دن بر مقدار سواری طلب ایدلمش ایسه ده؛ عسا کر معاونه کوندرده سی شویله دورسون

علامه الدوله نك اطوار خصمانه طاقيمنسى، ياووزى متاثر ايتمش وبوكا قارشى امنيت ترتيباتى اتخاذهنه لزوم كورولمشدر .

اردو قيصر يدن حر كته زحمتلى وبوريچى بر يوريشدن صوكره سيواسه واصل اولدى . حزينان آنى اولمق اعتباريله يورويشك متاعى افراد اوزرنده فنا تاثير اجرا ايديوردى . ياووز عطيله احسان ونيار صاحبلىنك آق، ليرنى تزويد ايدى جكنى وعد ايدرك افرادى تشويق ايديوردى .

سيواسه مواصلت ايدنجه به قدر بيديرى اردونك موجودى تزايد ايدى ركن نهايت ۱۴۰,۰۰۰ كيشى به؛ آغراق وساير ايسه ۵,۰۰۰ آرايه ايله ۶۰,۰۰۰ دويه بالغ اولمشدى . سيواسده ياووز سليم، تكميل اردوسنى معاينه ايتدى . بوندن مقصدى هم اردوده ارباب صنايع و حرفدن كيمسه نك بولوب بولونمايىنى آ كلامق وهمده مشاق سفر به متحمل اولمايانلىرى تفريق ايتمكدى . باخصوص اوسنه ايران وكوردستانده قوراقلىق اولديكى كې شاه اسماعيلك انشستهسى وكردستان حكمدارى بولان اوستاجلى محمد خانك، عثمانلى اردوسنك ايران سفرينه باشلادىنى آ كلاز آ كلاماز ؛ حدودى تشكيل ايدن سيواسك شرقنده كى حوالى سكه سنى آذربايجانه سوره ريك شهرلى، قصبه و قريه لرى تخريب و احراق ايلسى، بودرجه بويوك بر اردونك مذكور حواليدن مرورىنى مشكل قيليوردى . بناءً عليه اطاشه ملاحظاتى ده اردونك تصفيه سنى ايجاب ايتديريوردى . بوندن باشقه مصر ليله امتداداً خصومت اظهار ايدن رمضان اوغلار ينك اداره سنده كى ذوالقدر به ممالكى حدود ينك ترصدى ضرورى ايدى ؛ چونكه آناطول ينك بوتون بوتون بوش براقلمسى تهلكلى ايدى . اشبو

ملاحظاته بناءً اردو سيواسده تنقيص وتنظيم ايدلى . بك كنج وپك اختيارلردن تفریق ايدلن ۴۰,۰۰۰ كيشی قيصرى ايله توقات آراسنده برافىلى . بوقوت اردونك كريلرى حمایه ايدمك ء ارزاق و ما كولات ارسالى تأمین ايله جدى . سيواسدن شاه اسماعيله اردونك حدوده مواصلتى اخبار و محاربه به دعوتى متضمن و تحقير آمين ايكنجى برنامہ كوندردى .

اردو سيواسدن ارزنجانه متوجهاً حركت ايتدى و يصى چن نام موقعه اردوكاه قوردى (۱۸ - تموز) . بوراده شاه اسماعيلدن شاه قولى اقاي واسطه سيله كوندرلمش چوانى بر مکتوب آلتدى . بر مکتوب ياوردك بك زياده جاني صيغه ديفندن ، بورادن آذربايجان حواليسنه مواصاتی مشعر و شهي تحقير ايديجى اوچنجى بر مکتوب دها كوندردى .

اردو يصى چن دن حركت ايدرك ارزنجانه مواصالت ايدلى و بوراده برقاچ كون استراحت ايدلى . استانبولدن طربزون طرفيله كوندريان اوراق و مهمات ، مكاريملره ارزنجانه ورود ايتدكن صوكره اردو ارضروم استقامتنده يورويشه دوام ايتدى و هنوز دشمنه دائر هيچ بر معلومات آله مديفندن بوخصوصك تأمینی ايچون ايلرى به قوتلى رييشدار كوندردى . ييشداره الك مشهور سوارى قوماندانلردن شمسوار زاده على بك ، ميخال زاده محمد بك ، مالقوج زاده بالى بك و بايندر امراءندن فرخشاد بك معتلرنده كي منتخب سواريلره مأمور ايدلمشردى .

ارزنجاندن حركت ايدن اردو ، ترچان محرا - نده ماما خانون موقعنه واصل اولدى . سيواسدن اعتباراً كچيلان و شاه اسماعيلك

حاکمیتی آلتنده بولنان اراضی ، صوسز و مواد اعاشه دن محروم اولدیغندن اردو، بك بویوک مشکلات و محرومیتلر ایچنده متبادیاً قطع مسافه ایدم جکدی ؛ آنجق یاووزك کوستردیکی شدت و حسن اداره سایه سنده مشکلاته غلبه چالینه بیله جکندن ؛ باش قوماندان مشکلاتی دقت نظره آله رق اردونك یورویشنی تنظیم ایلمش و ایرانك اوزمان پایتختی اولان تبریز قدر مسافه یی قرق منزله تقسیم ایلمشدی ؛ فقط یوریشك متاعی اردوده سؤ تاثیر تولید ایتدی .

همدم پاشا صوسز ، اعاشه مز بو درجه مشقتلی و اوزون بر یورویشدن سوکره استحصال ظفر مشکل اولاجغندن محله یاووزی حرکات عسکریه یه دوامدن جا بدیرمق ایچون تشبثانده بولوندی . هیچ برشی یاووزی عزمنندن دوندیره مدیکه ایچون دم صباوتندن بری سرایده بویون و یاووزك مظهر الفتای اولان همدم پاشا بومر ارجتله غضبه اوغرامش و اعدام ایدلمشدر . یرینه زینل یاشا تعین ایدلدی .

اردو ماما خانون حوالیسندن حرکتله چورموك منزله کلدی . بالی بك معیتده کی مفروضه چرمیک ، جوارنده برقاچ دشمن نفرینه قصاص ایتمش ، بولردن بر قسمنی اسیرور قسمنی تلف ایتمشدی . چورموکدن شاه اسماعیله ، محاربه یه دعوت ایدیچی ؛ کذا قبا پارلمش دردنجی بر نامه و سمرقند خانلردن عیبده خانه ، عثمانلی اردوسیله برلکده ایرانیلرله حرب ایتمنی مشعر بر مکتوب کوندردلی .

اردو شرق استقامتده حرکتله دوامله ایران حکمداری اوزون حسنک ، فاتح محمد اردوسنه مغلوبیتله شهرت شمارا اولان ترخان اووه سنده اسکی تبه نام محله واصل اولدی . یاووز سلیم بورادن ، یانیه و طربزون

جنگار بکیرلی مصطفیٰ و محمد بکری، معیتلہند کی سپاہیارلہ بایسور قلعہ سنک
ضبطانہ مأمور ابلدی .

اردو شرقه یوروشه دوام اتسی . ارضروم وحسن قلعہ یی
حرور ایدہ رک - وکن (مثلا سلیمان) مرحلہ نہ مواصلت وایکی
کون استراحت ایدلدی . بورادہ کورحستان پرنسی میرزا جانیک
خان طرقتدن ک ندریلان مرخصلر حضورہ قبول ایدلدی . پرنسک
اردو نامہ کلی زخیرہ وهدیلرلرہ رار علاء الدلرلرہ نک کیندینہ التجا
ایدن ایکی یکتنی کوندرمسی یاروزک فوق العادہ محظوظیتتی موجب
اولدی وبلماقباہ پرنسہ ایلچی وبعض هدیلر ارسال اولتدی .

اردونك بلا فائده آيلرجه محروميت ايجنده دوام ايدن مشكلاتلى يورويشى هر كسى بيزار ايتمش، حر كات عسكريه نك تبرزه قدر دوامى شايعه سى ايسه؛ افراد آراسنده عظيم رقتور، قوماندانلرده تردد حصونه كتيبر مشدى. همدم پاشانك اعدامى تاثيريده آراتقى زائل اولديغندن هر طرفدن شكابتلر بوكسلماكه باشلادى. اردونك نمونه امثال اولار ضبط و ربط و انتظامى بوزولدى. حتى ياوروزك چادرينه قورشون آتيلدى. مع هذا بوعصيانك عواملى آره سنده شيعليك تهلكه سنى ازاله ايجون آناطوليده اجرا ايديلن مدھش قتالك تاثيرلرى ده واردر. بوتون بو احوالى بوبوك بر صبر و سكون و صوك درجه تاثيرله قارشىلايان و بر دقيقه بيله تر دده دوشمه بن ياوروز، صار صيلمز عزم و ثباتيله چادريندن چيقدى. كمال عظمتله آتسه بيندى؛ بوبوك بر حلاوتله ايلرله دى؛ آلنى روضه مهابتكارانه ايله صاغ يزينه دايه به برق قارشيسنده كى عسكركه عضه يانه بروجه آتى نطقى سويله دى :

«عسکر قیافلی قور قاقلر! معتمدہ اراز شجاعت و بسالت ایدہ رک

زیاده سواریه تبریزدن حرکت ایلدیکي جا-وسلر واسطه سیله ستخبار قلندی . یاوروزسلیم بوحوادته پک منون اولدی؛ چونکه شاه اسماعیلک مستحکم روموضع اشغال ایدره مدافعینی اختیار ایدره جکسی دوشونیودی . بوتقدیرده عثمانلی اردوسنک مظفرتی پک مشکل ایدی . شاه اسماعیلک موقع مستحکمدن آریله رق میدان محاربه سی قبول ایتدی، عثمانلی اردوسی ایچون برخبر بشارت ایدی .

اردو قره کلیه سادان سرعتله حرکت ایتدی . بو ائشاده بیخال زاده محمد پک طرفدن کوندریلن بالی چارش کلوب، اوسنجده محمد خاکی خوی، اولدینی و شاه اسماعیلک دخی خویه تقرب نیتدیکي خبرینی کیردی .

شاه اسماعیل، یاوروزسلیمک تحقیر آمیز دعوتلرینه و کندی امراسنک تشویقاتیه طایفه میرق، اردو سیله عثمانلره قاشی یورومک مجبوره اولمشدی . بو ائشاده شاهدن کلان بر مکتوب، ایران اردو-سنگ ایلری حرکانه کچدیکینی بیلیدر بکنندن، دشمن اوررینه سرعتله کیدلمک قرار ویرلدی .

عثمانلی اردوسی ماقو قلمه سی قرینده کاش قازلی کول (سارلی کول) ناحیه سنه مواصلت ایتدیکي زمار؛ شهسوار زاده علی پک قرارگاه عمومی به برقاچ اسیر کوندردی . مرقوملر استجواب ایدیلره؛ شاهک اردو سیله خوی صحرا سنده اولایی تحق ایلدی . عینی زمانده فرحشاد پکک آدم لرندن شیخ حسن، اولجه و بریلان تعلیمات موجبجه وظیفه سی حسن ایفا ایتیش؛ حتی شاهک بر مکتونی حامله قرارگاه عمومی به عودتله ایران اردوسی حقنده مشهودات و تحقیقاتی بیلیدر مشدی . شیخ حسنه تودیع ایدی لان وظیفه شو ایدی : یاوروز سلیم برخدعه

حریبه اولمق اوزره ، کرد وترکمن رؤسای لساندن شاه اسماعیله
تقدیم ایدمک اوزره ، بر مکتوب ترتیب ایتدیرمش و بو مکتوبده
مذکور رؤسایک انای محاربهده شاه طرفته کچه جکری یازلمشدی .
شیخ حسن اشبو مکتوبی ، ارجانده شاهه تقدیم اتمش و روم ایلی
امراسی آده سننده ایرانیله میال چوق کیمسه لر اولدیغنی ، اغفال
کارانه برصورتده عرض ایدرک ، شاهک محظوظیتی موجب اولمش ،
شاه مخنویتینی و چالدران صحرا سننده محاربهیه قرار ویردیکنی ناطق
مذکور رؤسایه جوابی مکتوب یازهرق ، شیخ حسن ایله کوندرمشدی .
اردو سازی کولده برکیجه قلمش و فرداسی کونی دانه سازی
(طاکیری) منزله واصل اولمشدی . بوراده اوکلهیه دوعری برکسوف
واقع اولدی (۲۸ - جاذی الآخر) . ایرانیله قدیمدن بری شمشه
پرستش ایتدکارندن ، انای سفرده شمسک طوتولسی ، منجملرجه ایران
اردوسنک مغلوبیتنه علامت تلقی ایدلمشدی .

بوئنانده در دست ایدیلوب قرارگاه عمومی به کتیریلان خانلردن بری ،
شاهک چالدران صحرا سنه و رودینی بیلدرمشدی . عینی زمانده
پیشدار قوماندانی شهسوار زاده علی بکدن ، بایزید قلعه سنک سقوطی
خبری وارد اولمشدی .

عثمانلی اردوسی رجبک برنجی صالی کونی ، چالدران صحرا سنه
واصل اولدی و مذکور اووه نك غریبنده کی صرتلرک یماجلرند
اردوگاه تأیس ایلدی . چالدران صحرا سنک شرق جهتنده و حاکم
برته اوزرنده ایسه ایرانیله اردوگاه قورومشدی .

قارشی قارشییه اردوگاه قوران طرفین ؛ اوکون تحکیمانله مشغول
اولمشلر اوکیجه ایلری قره غوللر چیقارمشلردی . عثمانلی اردوسنک

ایلری قره غول قوماندانی شہسوار زاده علی بك ایدی . صباحه قدر طرفین قره غوللاری آردہ سندنہ اوفق مصادمہ لر واقع اولدی .

طرفینك محاربه حاضر قلقلری: عثمانلی اردوسی چالديران

محراسنه ورود ابتدایی کونك آقشامی، عثمانلی قرارگاهندہ بر مجلس حرب عقد اولوندی . مجلسدہ امرای عسکر بہ دن اکثریسی: داووزون مدت دوام ایدن مشقتلی یورویشدن، عسکر ك بك یورغون دوشدییکی جہنلہ محاربه دن اول ہیچ اولمازسه؛ اردونك یکر می درت ساعت استراحت ایتیمی لزومی، ایلری سوردیلر . دفتردار پیری پاشا ایسه : «اردودہ کی آقینجیلر ك قسم اعظمی شیعی اولدیغندن، استراحت مدتجه کچہ حك زمان فاصلہ سندنہ، مرقوملر ك دشمنلہ تماس و مخابرہ ایدہ رك افکارلرنده تشت حاصل اولہ جغنی و بالتیجه بونلر ك عثمانلی اردو کاہنی ترك ویا ارزوسز حرب ایدہ حکمرینی؛ بناءً علیہ ہم ہوتہلکہ بہ میدان ویرمہ مک و ہمده دشمنہ امید ایتہدیکی بر زماندہ تعرض ایتک دہا موافق اولہ جغنی» یلدردی . بومطالعہ دن يك ممنون اولان باووز: «ایشه فکر حکیمانہ صاحبی بر ذات! سنك شیمدی بہ قدر رتبہ و زراتی احراز ایتدی که تأسف اولور اہ دیدی . ایران اردوسنك سوارییی بك قوتلی و قسم کایدی زرهلی اولدینی وانی نشانجی فدائیلردن مرکب بولوندینی خبر آلمشدی کہ: بومعلوماتدہ ایران اردوسنك یارین تعرضہ کچہ جکئی کوسترییوردی . بناءً علیہ مجلس حربده، یارین صباح محاربه بہ قرار ویرلدی و بوکانظر آ اردوبہ ایجاب ایدن امرلر ویرلدی . اک شدتلی صیجاقلردہ، خرابہ زارہ دونن واسع برمنطقہ دہ، ہر درلو محرومیت و مشکلات ایچیدہ، آیلرجه دوام ایدن یورویش ؛

اردویی معنأ و ماده زبون دوشورم شدی. حتی بمسزلکدن حیوانات اودرجه ضعیف و درمائنز ایدی که؛ حرکت قابلیت لری پک زیاده آزالمش بولئوردی. آنحق یاوز سلیمک ییلماز عزمی، شخصی اثیرانی؛ افرادک مادی یورغینلقلرله تزلزله و غرایان معنویانک اراله سنی؛ اردوده ضبط و ربطک ادامه سنی و مشکلاتک افتتاحی تامین ایده ییلمشدی. فی الحقیقه باش قوماندانک هر حالده مظفر اولنه جنی حقنده تلقین ابتدیی قعات و حس اعتماد، عسکرک معنویانی و فکر جنکاورانه سنی تحریک ایده ییلمشدر.

میدان محاربه سیچون چالدران اووه سنی انتخاب ایدن یاوز سلیم صاحب اولور اولماز؛ اولو بولوندینی صرتدن، اووه ده آله جق محاربه ترتیبی تاصارلادی و بوکا کوره صاغ و صول جناح لره مرکز مر تب قطعانی، صرتلردن دوغریجه اخذ موضع ایده جکلری محاربه، سوق و تحریک ابتدی. مختلف قوللر بایراقلرینی دالقه لاندیره رق امر و ترتیداته توفیقاً صرتلردن اووه به اینمکه باشلادی.

عثمانیلرک صرتلردن اینمکه باشلادیفی کورده شاه اسماعیل، یاوز سلیمک و ایدیه محاربه بی اجرا ایده چکنه اصلااحتمال ویرمه دیکندن؛ عثمانیلرک مقصدی آکلاشینجه به قدر، تپه ده طوتمش اولدینی موضی محافظه به قرار ویردی. عثمانلی آقینجیلرندن اسیر بر نفری یانیه کتیرندی و اووه به اینمکه اولان عثمانلی اردوسی حقنده معلومات آلمق ایچون مر قومی بروجه آتی استجوابه باشلادی:

- تپه اوزرنده کی شو قیرمزی بایراقلیلر کیمدر؟
- میخال زاده معیتده بولانان نیکبولی سواریلریدر!
- شو وادی به اینن یشیل بایراقلیلر نه در؟

- بونلر آقینجیلرله برابر اردو پیشہدارخی تشکیل ایدن بولی
وقسطمونى سپاهیلریدر !

بوانشاده کثیف بر توز دومانی، اطرافى احاطه ایتدی . توز
زائل اولنجه :

- شو آلار کینمش پیاده لر کیمدر؟

- عزب افرادیدر!

اشبو توز بلوطى اوچ درت دفعه تکرر ایتدی . بونلرک
قره مان ، روم ایل و آنالولى سواریلری اولدینى شاه آکلادی .
آلای ، صاریل مایراقلى پیاده لر کلیور؛ سلاح شاقیردیلری ، بارکیر
کورولتدری ایشیدیلوردی . نهایت دها کثیف رتوزستونى یوکسلدی
واطرافى دهشت استیلا ایتدی . صاغده قیرمزى ، صولده یشیل
سبحاقلر و بونلرک اورنه سنده برى قیرمزى ، دیکرى بیاض ایکی سنجاق
کوروندی . آقینجی نفرى شاه اسماعيله :

- ایشته یادوز سلیم ! صاغنده سپاهیلر ، صولنده سلحدارلر!

دیدی .

عثمانیلر اووه به اینوب محاربه ترتیبائی آلفه باشلادقدن سوکره
یهمه حال مظفر اوله جغنى ظن ایدن شاه اسماعیلده ؛ محاربه ترتیبائی
الدیرمو اوزره اردوسنک یانه کیندی .

طیفین اردولریتک محاربه ترتیبائی : هرایکی اردو ۲۳ -

آغستوس - ۱۵۱۴ چهارشنبه کونى ، جالديران اووه سنده بروجه
آتی محاربه ترتیبائی آلمشدى : (قروکی - ۱۷)

۱ - ۱۰۰ بیکی متجاوز اولار عثمانلى اردوسنک محاربه نظامى :

عثمانلی اردوسی جبهه شرق جنوبی به متوجه اولمق اوزره آق چابك
صول ساحلنده اوج غروب حائنده اخذ موضع ایتمشدی .

آ - صاغ جناح غروبى : آناطولى بکربكى خادم سنان پاشا
قومانداسنده اولوب آناطولى عسکرلرندن مرکبى . قره مان بکار
بکى زینل پاشا کندی عسکريله صاغ جناحده وایکنجی خطده
بولونیوردی (محاربه آسیا قطعه سنده اجرا ایدلدیکندن، صاغ جناح
آناطولى عسکرلى قونمشدی) .

ب - مرکز غروبى : یاووز قومانداسنده اولوب قابو قولى
عسکرلرندن (یکچیریلر و خاصه سواریلری) وطوپرله عزبردن
مرکبى . مرکزده و برنجی خطده توفک ایله مساح یکچیریلر
اخذ موضع ایتمش اولوب بونلرک اوکنه آرابه لر، شراپولر قونمشدی .
بوندن مقصد : یکچیریلری دشمن سوارى هجومه قارشى محافظه
ایتکدی . یکچیری عسکرلرینک طرفینه، یان یاه دیزلمش اولان
طوپر ؛ زنجیرلرله یکدیگرینه ربط ایدلمشدى که ؛ بوندن مقصد :
دشمن سواریلرینک مرورینه مانع اولمقدی . وطوپرلى دشمن
نظرندن صاقلامق ایچون، طوپلرک همان اوکیرینه روم ایلى و آناطولى عزرب
عسکرى قونمشدی . بوندن مقصد ایسه : آلدانه رق دشمنی مؤثر
طوب آتشی منزله صوقق و بردنبره آتش کشاديله دشمنه، فضله
ضایعات ویردیرمکدی . مرکز غروبىک ایکنجی خطده، یاووز
ایله برلکده خاصه سواریلری بولونیوردی . دوقه کین احمد پاشا،
مصطفی پاشا، هرسک زاده احمد پاشا مرکز غروبىنده ایدیلر .
مرکز غروبى مدافعه ده قالدیرق موضعى محافظه ایده جکدی ؛ یالکز
ایکنجی خطی تشکیل ایدن خاصه سواریلری، وضعيته نظراً حرکت
ایده بیله جکلردی .

۷ — صول جناح غروبی : روم ایلی بکاربکی حسن پاشا قومانداسنده اولوب روم ایلی عسکرندن مرکبدی . تهسوار زاده علی بك مستقل سواریمی ایله صول جناحده و ایدنجی خطده بولونیوردی .

۸ — مرکز کریسنده و صرتلر اوزرنده مستحکم عثمانلی اردوکاهی موجودایدی . اردونک آغراقلربی محافظه ایدن یواردوکاهک قوتلی دشمن سواری هجوملرینه قارشی مدافعه سی ایچون؛ اطراف طوپارلاق و مهمات آرابه لری و سائر آغراق آرابه لرله چویرلمش و بونلر زنجیرله یکدیگرینه ربط ایدبله رک بر باریقاد میدانه کتیرلمشدی . سوارینک حرکتنه مانع اولمق ایچون چادبرلر غایت صیق قورولمش و چادیر ایلرله عادتاً بر شبکه مانعه وجوده کتیرلمشدی . بناءً علیه مستحکم اردوکاه ایجابنده رجعتکاه اوله جق بر حاله کتیرلمشدی . دمدار قوماندانی شادی پاشاء معیتده کی عسکرله اشیو اردوکاهک محافظه سنه مأمور ایدلمشدی .

۲ — ۱۰۰ بیسک موجودنده کی ایران اردوسنک محاربه نظامی :

ایران اردوسی جبهه شمال غربی به متوجه اولمق اوزره آق چایک صاغ ساحلنده اوچ غروب حالده اخذ موقع ایتمشدی :
آ — صاغ جناح غروبی : شاه اسماعیل قومانداسنده اولوب ۴۰,۰۰۰ قدر منتخب سواری عسکرندن مرکبدی . سید نعمه الله برغروبده ایدی .

ب — مرکز غروبی : وکیل الدوله میر عبدالباقی خان

عسکری تاریخ - ۱۰

قوماندانده اولوب صدر علماسی سید شریف دخی مرکز غروبنده ایدی .

۶ — صول جناح غروبنی : دیاربکر والیسی و انشتهسی اوستاجلی محمد خان قوماندانده اولوب مشهد حاکی، بغداد حاکی، سید محمد کانه بوغروبده ایدیلر .

۷ — مرکز کریسنده و صرتلر اوزرنده ایران اردوگاهی موجود ایدی .

چالديران اووه سنك احوال طپوغرافیهسی : چالديران مھراسی آذربایجان قطعہ سنك شمال غربی کوشه سنده ، وان کولك شرق شمایسنده اوزون بر وادیدر . آراس نهرینه منصب اولان آق چای بو وادیدن کجر . آق چابك ھرایکی ساحلی دوزلك اولوب چابك طرفینی یوکسك صرتلرله محاطدر . قانلی میدان محاربہسی آق چابك دوز اولان مذکور کنارنده جریان ایتشدیر .

محاربہ نك طرز جریانی

رجبك ابكنجی چهارشنبه کونی اوکله دن اول طرفین محاربہ ترتیباتی آلمشدی . اولای ایران اردوسی تعرضه کجدی . اوستاجلی اوغلی محمد خان، صول جناحده کی کلیتی سوار یایله عثمانلیلرک صاغ جناحه ؛ شاه اسماعیل، صاغ جناحده کی ۴۰،۰۰۰ کزیده سوار یایله عثمانلیلرک صول جناح و یانته تعرض ایتدیلر . شاهک مقصدی عثمانلی اردوسنی ھرایکی جناحدن چوبره رک، یکیچربلرک مانوره سنه میدان ویرمندن، تماماً احاطه ایتکدی .

اوستاجلی اوغلی محمدخان قومانداسنده کی عسکرلر؛ شاه؛ شاه؛
صداسیله ایلریله یوب عثمانلی صاغ جناحده کی طوپلرک یانته قدر تقرب
واک مؤثر طوبجی آتشی منزله کبر کبرمز؛ خادم سنان پاشانک
امریله اوکده کی عزبلر، طوپلرک یان و آرالرندن سرعتله
کری یه آله رق، طوپلر شدتله یایلم آتشه باشلادیلر. بر طرفدن
طوبجی آتشی و دیگر طرفدن عزب و یکچیرلرک توفک آتشی،
ایران صفرلنده یک چوق ضایعات ویردیرمش و محاربه میدانی دشمن
مقتوللریله دولمش و بومیانده محمدخانک اوغوللاریده مقتول دوشمشدی.
بو وضعیت قارشیدسنده شاشیران محمدخان ده، متعاقباً مقابل هجومه
قالقان عثمانلی غازیلری طرفدن اتلاف ایدلدی. عثمانلی سواریلرینک
قیلیچندن کندیلرینی قورتارایلنلر کری یه فرار ایده ییلدیلر. مرکز
خروبی قوماندانی وکیل الدوله عبدالباقی خان، صول جناحک هزیقی
اوزربنه، امدادینه قوشمش ایسه ده؛ وضعیتی تصحیحه موفق
اوله مامش کندیسیده مقتول دوشمشدر. بو صورتله ایران
اردوسنک صول جناحی، بردها کندیسینی طوبلایه میه جق
صورتده صف خارجه چیقاراش ایسه ده؛ بو جناحده کی محاربه ده؛ آياس
بك، نيكده بكي اسکندر بك، بكي شهر بكي قارلی اوغلی سنان بك،
قیصریه بكي اویس بك، قره سی بكي سلطان زاده محمد بك کبی کزیده
و نامدار عثمانلی قوماندانلری ایله بر خبلی افراد شهید دوشمشدر.
عثمانلی صاغ جناحده محاربه شدتله جریان ایدرکن؛ شاه اسماعیل ده
زرهلی سواریلریله عثمانلی صول جناح و کریلرینه شدتله هجوم ایدیور؛
ایرانلر، شاه؛ شاه؛ عثمانلیر، الله؛ الله؛ آوازیه کوکس کوکسه محاربه
ایدیورلردی. شویله که: بوجه ده ایرانلر اول؛ عثمانلیرک پلاقی تطبیقه

میدان براقه‌دن، بردنبره عزبلرک اوزرینه هجوم و عزبلری، طوبلرک کریسنه چکیله‌مه‌دن، جبه ده یاقالایوب پریشان ایتدیلر . بوموقیدن صوکره شاه، روم ایلی عسکری اوزرینه هجوم ایتدی. يك مدھش وقانلی برمحاربه جریان ایتدی . عثمانیلر قهرمانجه محاربه ایدرک ثبات کوستردیلر و يك چوق افراد ایله قیمتلی قوماندانلر شهید دوشدیلر . بومیانده مالقوج اوغلارندن صوفیه بکی علی بك، سلستره حاکمی علی بك، موره بکی طرخان زاده علی بك، بره و زه بکی سلیمان بك، بوکچ اوغلی مصطفی بك شهید دوشد بکی کبی روم ایلی بکلر بکی حسن پاشاده یاره لاندی و آرزوکره شهید اولدی قانلی محاربه نتیجه سنده؛ عثمانلی صول جناحی تمامأصف خارجی اولمش و قچه بیلن روم ایلی عسکرلری مرکز هروبنه التجا ایتشد .

شاه اسماعیل، خاصه - سواریلری استقامتنده قاجان، روم ایلی سواریلرینک آرقه‌سی براقه‌دی و شدتلی تعقیب نتیجه سنده؛ مرکز هروبنه تقرب ایتمش و خاصه سواریلرینه ده تعرض ایتک ایسته‌مشدی . شو بخرانلی وضعیت قارشیدسنده، یکچیریلر کال صرعتله بواسه‌ستقامته تبدیل جبه ایتدیلر و بالضرور دوست دشمن باقمایه رق تعرض ایدن عجم سواریلری اوزرینه غایت شدتلی تفک آتشی آچدیلر . عینی زمانده خاصه سواریلری ده تعرضه قالدیلر . بر طرفدن شدتلی تفک آتشی، دیگر طرفدن سوری هجومی قارشیدسنده، شاشیروب قالان و فضله ضایعات ویرن عجملر، مرکز تعرضلری ادامه ایتدیرمه‌دیلر . شاه اسماعیل، تشکیل ایتدیکی دولت صفویه‌نک بقاسی، شو حربک نتیجه سبيله تقرر ایدم جکفی بیلدیکی ایچون هر درلو فدا کارلنی کوزه آلدیرمش و صولک درجه غیرت کوسترمشدی . حتی اوکله دن آقشامه

قدر کمال شدله دوام ایدن بك قانلی محاربه ده شاه ، یدی کره آت دیکشدرمشدی . شاه مرکز غروبی اوزرینه بك شدتلی تعرضلرده بولونمش ایسه ده موفق اوله مه مشدی . بر دفعه ده عثمانلی اردوسنك آرقه سی چوبرمك وکریدن هجوم ایتك مقصده یله عثمانلی نمداری اوزرینه تعرض ایتدی ؛ فقط عجم سواریلری بك مستحکم و سروری مشكل عثمانلی اردوگاهنه فارشی اجرا ایتدکلری هجومده ده موفق اوله مایلر وارد وگاهه قدر داخل اوله بیان بر قسم عجملر ایسه ، اورده مقتول دوشدیلر . خلاصه آفشامه قدر دوام ایدن بوقانلی و خوزیرانه محاربه ده عجملر بك چوق ضایعات ویردیلر . صول جناح و مرکز لری ، دها محاربك ایلک صفحه سنده محو و پریشان اولمش ؛ شاه اسماعیل قومانداسنده کی صاغ حنا حلزیده ؛ اجرا ایتدکلری شدید و مکر رهجوملره و کوسه تزدکلری عنودانه مقاومتلره رغماً ؛ نهایت شدتلی آتش و هر طرفدن مقابل هجوملر قارشیسنده پریشان اولمش و بر خیلی تلفات ویرهك رجعته مجبور قالمشدر . صاغ جناح ده کی آناتولی سواریلری سربست قالدقندن سوکره مرکز غروبی تقویه ایتمش و بومحاربدره اشتراك ایتمشدر .

شاه اسماعیل اردبیلی فرار ایدرکن قورشون ایله ال و قونندن مجروح اولمش و آنندن بیتاب برحاله یره یو وارانمش واسیر اولسنه رفق قالمش ایسه ده ؛ شاهك مقر بلرندن میرزا علی ، ایلری به آتیه لر قیتیشن عثمانیلره قارشی قویعش و بوائتاده حضر اسمنده بر قوریجی ، شاهی کندی آتیه بیندیرمش و قاچوب قورتولسنه سبب اولمشدر که ؛ مرقوم ، عجملر پیننده : « آت چکن حضر نامبله » شهرت آلمشدر . اسماعیل بوتون کیجه فرار ایتمش و تبریزه واصل اولنجه بوفلاکت مدهشده دن

قورتیلدیغنه حیرت ایتمشدر . شاهك فراری اوزرینه عجم اردوسنك
قسم متباقیمی ده دارمه داغین اولمشدر .

کونش غروب ایدوب چالديران محراسنی قراکلی قابلا دینی زمان ؛
ایران اردوسی تماماً مغلوب و پریشان اولمش و یاووز سلیم ، سنه لردنبری
ذهنی اشغال ایدن بومسئله نی ، شمشیر سطوت و جلا دتیه بر میدان
محاربه سننده حل ایلش بولونیوردی . یاووز احتیاطاً یالنسی زمانه
قدر آت اوزرنده محاربه میداننده قالمش و شاهك فرار ایتدیکی ،
اطرافده دشمن قالمادینی قطعی صورتده آکلاشیلدقدن صوکره
افراد استراحت امرینی ویرمشدر . افراد چادرلرینه چکیلرک
اردوگاهنی قنديللرله دونانوت صباحه قدر مظفریت شیلککری یاغملر
وغنائم جمیله اشتغال ایلشلردر . عجم اردوگاهنی کاملاً عثمانیله لرك
یداغتنانه کچمش ، نهایتسز خزان ، برچوق اسرا و حتی شاهك
اك سوکیلی زوجہ سی آلدہ ایدلمشدر . شاهك محافظه سکرینی تشکیل
ایدن قوربحیلرده اسرا میاننده ایدی .

فرداسی صباح اسرا و حتی تسلیم اولان رستم خان ایله ایکی
اوغلی ، محاربه میداننده اعدام ایدلدی ! میدان محاربه ده پك چوق
شهیدا کورولمش و بونلرایچنده اون دئوت سنجاق بکی ایله عجم اردوسندن
طقوز خان صایلمشدر . بو محاربه ده ایرانیلر پك چوق ضایعات
ویردکلریدن چالديران محراسنی ، عجملر بیننده : « صوفی قبران » نامیله
شهرت آلمشدر .

محاربه نك فرداسی رجبك اوچنجی پنجشنبه کونی ، چالديران
محراسنده استراحت ایدیلش و مطمئن بردیوان ترتیب ایتدیرمه یاووز
معتاد مراسمه تبریک ایدلمشدر . بو بویوک مظفریت علی الاصول
ظفرنامه لر تحریریه هر طرفه اعلان ایدلمشدر .

چالديران ظفری متعاقب عثمانی اردوسنك حرکاتی وعودتی

مظفر اردو رجبك دردنجی كونی چالديران مھراسندن تبریزه متوجھاً حرکت ایتدی . شاهك خزان و اموالی حسن محافظه و اھالی به دشمن معامله سی یا ییلمایه جغنی تبلیغ مقصدیله دوفه کین زاده احمد پاشا ایله دفتر دار پیری پاشا و مورخ ادريس بتلیسی، بر قسم عسکر ایله خویدن ایلری به کوندریلدی . شاه اسماعیل تبریزدن درکزین طریقله عراقه فرار ایتدیکندن احمد پاشا بلا مشکلات تبریزه داخل اولدی .

اردو ایله حرکت ایدن یاووز، بش کونده تبریزه واصل اولدی و هالی طرفندن فوق العاده استقبال اولنه رق آلا ی و الا ایله شهره داخل اولدی . اھالی به حسن معامله ایدلسی پك اینی تأثیر لر حاصل ایتدی . یاووز سلیم شاه اسماعیلی یا قلامق و بوتون ایرانی استیلا ایتمك ایسته بوردی که: بوقدرده نتیجه ظفر پك پارلاق اولوردی ؛ چونکه تورکلر بر اشمش و حدود عثمانی و طن اصلی اولان آسیای وسطایه قدر قولابجه توسیع ایدلمش بولتوردی . آنحق اوسنه ایرانده قحط و غلا اولمسی ، اردونك احاشه سی امکان سر قیله جغنی واردوده دھا بویوك مقیاسده یکی بر عصبیان باش کوستره جکینی دوشونن یاووز، تصوراتی سنه آتیله ده اجرا ایتمك اوزره عودته قرار ویردی . عینی یولدن عودت حالنده، احاشه بحر اننه معروض قالنه جغنی دوشونیلر ك قره باغ قاغز مان طریق اختیار ایدلدی . اردو ۲۵ - رجبده حرکت ایتدی و قره باغه کلدی . یاووز قیشی قره باغده کچیرمك، بهارده تبریزه عودت ایدر ك ظفر نهائی تامین ایتك اردو سی یکدن اظهار ایتدی . لکن یکجیری

زوربالریله امرانك اعتراضی اوزرینه بوفکردن صرف نظر ایتدی .
 یکجیریلر یکیدن عصیان وه حب الوطن من الایمان ، دبه رک بر آن
 اول استانبوله کیتمک ایسته مشلردی . اردو ، ۶ - شوالده آماسیه به
 مواصلت ایتدی . بوراده آقینجیلر، ترخیص ایدلدی وفیش پک شدتلی
 اولدیغندن اردو، بوحوالده قیشلامق اوزره جوارده کی شهر وقصبه لره
 تقسیم ایدلدی . عودتدهده اعاشه بحرانی وشدت شتادن پک چوق
 صیقینتی چکیلمش و ۹،۰۰۰ عسکرله خیلی آت آچاقدن اولمشدر .
 شاه اسماعیل، عقد مصالحه ایچون ذی قیمت هدیه لره آماسیه به بر
 هیئت مرخصه کوندردی ایسه ده یاووز ، مرخصلری توقیف وقلعه
 بند ایتدی !

موسم بهار حلول ایتدی اوزرینه ۵ - ربیع الاول - ۹۳۹ تاریخنده
 اردو آماسیه دن حرکتله (کاج) . مواصلت ایتدی وقلعه ، آلی
 ساعتده ضبط ایدلدی . بورادن ایران سفرینه اشتراک ایتدین و شاه
 اسماعیل طرقدار کورونن، ذوالقدریه حاکمی علاءالدوله اوزرینه
 حرکت ایدلمش و برنجی محاربه ده علاءالدوله اتلاف واردوسی پریشان
 ایدیلرک مرعش سنجاغی کاملاً ضمیمه مالک ایدلمشدر . بوقطعه نك
 اشغالنه مصر سلطانن قانصو غاوری اعتراض ایدرک کفای السابق
 ذوالقدریه قطع - - - - - نده ، نامنه خطبه او قوتماخی یاووزدن طلب ایتش
 ایسه ده ؛ یاووز بوکا جواباً : « قانصو غاوری مصرده کندی نامنه
 خطبه او قوتماخی تأمین ایتمکه موفق اولورسه کندی بختیار بیلسون »
 دیملکه اکتفا ایتمشدر . بورادن قیصری - استانبول طریقله ادرنه به
 عودت ایدلمشدر .

ایران سفرندن استخراج ایدیلان نتایج : ایران سفرینی

احضار و موفقیتله انتاج ایدن یاووز ؛ برداهی سیاسی ، بر استاد حرب و بر آتشبارۀ جلادت ایدی . جالديران ظفری شیعیلکک آناتولی پی استیلا ایتسنه و بالنتیجه آناتولینک ، ایران حاکمیتنه کیرمه سـنه مانع اولمش الک مهم وقایع سیاسیهدندر . بوسفر عینی زمانده دولقدریه ممالککنکده فتحنی تأمین ایتش و آناتولینک الک زنکیکن اقسامنی حدود عثمانی داخلنه ایشدر .

یاووز سلیم ، جدأ دوراندیش یوکسک بر سیاسی ایدی . اسلافی کبی هوایه قیلچ صاللاماش ، معین بر غایه و نابت بر مقصد ایچون اوغراشمشدر . یاووزک اسفاری تدقیق اولونورسه : بومهم اسفارك یالکیز استیلا حرصیله اجرا ایدلمه دیکی بلکه ؛ علوی بر غایه تعقیب ایدلدیکی کورولور . یاووزک ذکای خارق العاده سی ، دهای سیاستی درکۀ اجدادینی دانما جذب ایدن مجارستان صحرالری ، یاووزک حرصی استیلاسنی تحریک ایدمه مش و آنجق ایران ، کوردستان و مصر کبی ممالک اسلامییه هدف الحراتنی اولمشدر .

عسکری نقطه نظر دن ایران سفرینی تدقیق ایدلم : یاروز بر داهی سیاسی اولدینی نسبتده ؛ یوکسک بر عسکر و بویوک بر قوماندان ایدی . چونکۀ زماننه نسبتله جسیم بر اردوین ؛ ادرندن تبریز صحرالرینه قدر امتداد ایدن و قسماً صوسز ، قوراق و موادا عا شـدن محروم بولـسان واک صیجاق بر موسـمده آیلرجه دوام ایدن یك اوزون یوروشـلردن ، برچوق مزاحم و مشکلاتدن صوکره عینی قوتده و فقط پیراناماش زنده و توانا ، تجهیزاتلری مکمل ، معنویاتی یوکسک بولنان مدهش بردشمن اردوسنی مغلوب ایتسی ؛ یاووزک امر و

قومانداده يك بوكسك قابليتني ، سوق الجيشده خارق العاده اقتداريني اظهاره كافيدير . ياووز سيلمك محارباتي تدقيق اولنورسه؛ ايك مشهور قوماندانلرك ايلك صفي تشكيل ايتديكي كورولور .

ياووز ايك اوزون واك مشكل سفرلري موفقيتله نتيجه لنديرمش بويوك بر قومانداندر . مثلاً: عربستانك پايانسز چوللرنده جسيم اردولري سوق وادارده كي قدرتي، يك بويوك مقياسده كي حرركات سوق الجيشه يني ترتيبده كي مهارتي ، باخصوص هر درلو محروميت و يورغوئلقلره رغماً؛ افرادي برقاج سوز ايله كنديسنه ربط و بند ايدم بيلمكده كي خاصه ممتازده سي ، هر درلو انضباط سزلفه مانع اولان نفوذ شخصيسي ياووزك، جداً نوادر دن اولديغني اثباته كافيدير .

چالديران محاربه سنه كانجه يه قدر اجرا ايديلان محارباتده، منزل خدماتنه اهميت و برلر ؛ اوفق اردولر كچدكلري برلر دن اعاشه لريني تأمين ايدمك حرركاته دوام ايدرلردي . حالبوكه ياووز چالديران سفرنده، منزل خطي تأسيس ايدمك بر اثر تجدد كوسترمش و موفق اولمشدر . اتانبولدن طربزوننه كمبلرله بجرأ و طربزوندن ارزنجانه مكاريلرله برأ، اوزاق نقل ايتديكي كي (قيصري-سيواس-ارضروم) آده سنده مكمل بر منزل خطي ده تأسيس ايتمشدر . آنجق بوتشكيلات سايه سنده، اردويني اعاشه ايدم بيلمش و بواوزون سفر ي موفقيتله نتيجه لنديرم بيلمشدر . عكسي تقديرده اردو آچلقدن قيريلير و هيچ بر نتيجه استحصال ايديله مزدي .

ياووز ، مرتب بر مکتوب كوندرمك صورتيله شاه اسماعيلي اغفال ايتمش و بوخذه حربيه سايه سنده، ايران اردوسنك تبريزدن حر كته چالديران مھراسنده ميدان محاربه سني قبول ايتمسي تأمين

ایتمشدر . فی الحقیقه ایران اردوسی تبریز قلعه سنده مدافعه نی اختیار
ایسه ایدی؛ یاووز ایچون ظفری استحصال امکانسز اولور ومقهوراً
عودتدن بشقه چاره قالمازی .


یاووز سلیمک سیواسده اردوسی تفتیش وتصفیه ایتمی؛ اردونک
امینتی استحصال و اطاشه سی تأمین مقصدیه (توقات - قیصری)
منطقه سنده براس لحرکه تأسیس ایتمی پک موافق اولدیفنی کبی حرکات
سوق الجیشیه آنسانده اردوسنک ایلرینسده ایلک دفعه مستقل سواری
استخدامی، یاووزک کندینه خاصی بر اثر تجددر .

یاووز حرکات سوق الجیشیه ده کوسه تردیکی یوکک قابلیت
درجه سنده، میدان محاربه ده ده تجدد وبویوک براققدار عسکری ابراز
ایلمشدی . صوک درجه ده یورغون ویتاب دوشن اردوسیله توان
قوتلی وزرهللی بر سواری به مالک اولان دشمن اردوسی، چلدیران
محرسانده مغلوب ایتمی بسالت، علوخصات وبک مستثنا بر قابلیت
جنکاورانه به مالک اولدیفنی اثبات ایدر . کلیتی طوپچینک اینی لمیه
ایدلسی و دشمنک، اغفال ایدبلرک بردنبره آتش کشاد ایدن طوپچیدن
اعظمی ضایعاته معروض قالمسی ظفرک قسماً استحصاله عامل اولمشدر .
اک مدهنس و بحرانی آنلرده دخی چادیرینه قورشون آتمق
صورتیه عسکرک عصیان ایدلیکی دملرده بیله بوتون تهلک لری استخفاف
ایده رک برطور دلیرانه و تانت شاهانه ابله اورته به آتیلوب بر نطق
ایله هر درلو فلاکتک اوکنه کجمنی عینی زمانده علم احوال روحه
واقف بر حکیم ذی اقتدار اولدیفنی ده کوستر .

یاووزک ایران سفری ایله برنجی نابولیونک ۱۸۱۲ روس سفری
مقایسه ایدیلرسه : آراده مشابهلر کورولور . ایران سفرنده



همچنانکه، حدود (ارزنجان) دن اعتباراً بوتون دارالحرکاتی، عثمانلیلر استفاده ایدمهیه جک صورتده تخریب ایدمه رک پانتختلری اولان تبریزه چکیلدکاری کی؟ ۱۸۱۲ سفرنده روسلر، عینی صورتله مملکتلرینی تخریب ایدمه رک پانتختلری اولان موسقوایه چکیمشلردی . یاووز چالديران صحراسنده غالب کلدکن صوکره تبریزه کیردیکی کی؟ ناپولیون موسقوا ایلریسنده کی میدان محاربه سنی قازاندقن صوکره مظفرآ موسقوایه کیره بیامشدر . یاووز اعاشه بحرانی و موسم شتاحسیله قطعی بر نتیجه استحصال ایدمه مدن تبریزدن عودته مجبور اولدینی کی؟ ناپولیونده عینی اسبابدن موسقوادن عودته قرار ویرمشدی . یالکز هرایکی سفر آره سنده عثمانلی اردوسی لهنه مهم رفرق وارد: موسقوا سفرندن عودت ایدرکن ناپولیون اردوسی ، روسلرک شدتلی تعقیب واحاطه حرکاتی نتیجه سنده پریشان اولمش ، ناپولیون اشبو اوزون سفردن تماماً صفرالید چیقمش اولدینی حالده؛ یاووز بالعکس تبریزه کیرمش ومظفرآ عودت ایله مش حتی عودته ذوالقدریه ممالکنی فتح ایتمکک موفق اولمشدر .

ایران سفرینک صوکی




ایکنجی جزئک ختامی





سنہ ۹۷۹ - ۹۷۰ (ہجری)



هذه اوراق من محرابه

روزہ روزہ کے متعلیٰ نہ ہو، روزہ نہ کرے۔
 (ج - ۱۰۰ - ۱۰۱) (۱۰۰ - ۱۰۱) (۱۰۰ - ۱۰۱) (۱۰۰ - ۱۰۱)

